

EZEKIEL

JEPTA 1

[Ez 1.1] Ilo iiō eo kein ka jilñoul im allōñ kein ka emān im raan eo kein ka lalem in allōñ eo, ke iar pād ibwiljin ro ri jepōkwe iturin riber Kebar, e peļļok lañ, im iar lo juon vision in Anij.

[2] Ilo raan eo kein ka lalem an allōñ eo, ilo iiō eo kein ka lalem an Kiñ Jehoiakin jepōkwe,

[3] Naan in Jeova ear itok ñan Ezekiel pris eo, nejin Buzi, ilo āneen ro ri Kaldia, iturin reba Kebar; im pein Jeova ear pād ion e ijo.

[4] Im iar reiļok, im lo, juon aire ear itok jān eañ, juon kōdō eļap, im kijeek ear jaromrom im ear wor meram eļap ipelaakin, im ioļapen kijeek eo ear āinwōt mǎāl ebwil.

[5] Im ioļapen ear āinwōt emān men in mour. Im āindein wāweir: raar āinwōt armej.

[6] Im kajjojo iaer emān mejaer im emān pein bao.

[7] In neir raar jimwe, im lōbiden neir ear āinwōt lōbiden neen koon in kau. im raar rabōlbōl āinwōt jinibor ejatōltōl.

[8] Ear wor pein armej iumwin pein bao ko aer ion mōttan ko emān. Im ereañ aolep elōñ mejeir im barāinwōt pein bao.

[9] Pein bao ko aer raar itaak doon; raar jab oktak ilo aer etal; jabdewōt ear etal jimwe wōt.

[10] Im wāween mejeir āinwōt mejen juon emmaān, im mejen juon laiōn tu-anmon, im mejen juon ox tu-anmiin, im mejen igōl iaeañ.

[11] Āindein mejeir. Im pein bao ko aer emōj erļoke lōñļok; ippān jabdewōt iaer, ruo raar itaak bar juon iaer, im ruo raar kalibubu ānbwineir.

[12] Im jabdewōt iaer ear etal jimwe wōt. Ijo jetōb eo ear etal ieļok, raar etal ieļok, im raar jab oktak ilo aer etal.

[13] Im wāween rein rej mour āinwōt mǎlle in kijeek ej urur, im men āinwōt pǎle ko raar itoitak ikōtaan rein rej mour; ekabōlbōl kijeek eo, im jarom ear walok jān kijeek eo.

[14] Im rein rej mour raar etal im itok āinwōt jarom.

[15] Im iar lo rein rej mour, im lo ear wor juon wiil ion laļ iturin jabdewōt ian rein rej mour, ro im elōñ emān mejeir.

[16] Im āindein wāween im jekjekin wiil kein: raar āinwōt krisolait, im juon wōt wāween ereañ. Im wāween im jekjeker āinwōt juon wiil lowaan juon wiil.

[17] Im ke raar etal, raar etal ilo jabdewōt ian ial ko aer emān, im raar jab oktak/rol ilo aer etal.

[18] Im tōrerein raar utiej im men in kamijak; im tōrereir raar obrak kōn mej ipelaakereañ.

[19] Im ke rein rej mour raar etal, wiil ko iturier raar emakut; im ke rein rej mour raar wanlōñļok jān laļ, wiil ko raar wanlōñļok barāinwōt.

[20] Ijo jetōb eo ear etal ie, raar etal ie, im wiil ko raar wanlōñļok iturier, bwe jetōb in rein rej mour ear ilo wiil ko.

[21] Ke rein raar etal, raar etal barāinwōt, im ke rein raar pād wōt, raar pād wōt barāinwōt; im ke rein raar wanlōñļok jān laļ, wiil ko raar wanlōñļok iturier, bwe jetōb in rein rej mour ear ilo wiil ko.

[22] Im ilōñin baran rein rej mour ear āinwōt juon mejatoto āinwōt dān epen, im ekōppalpaļ; im ear erļok ilōñin baraer.

[23] Im iumwin mejatoto eo, pein ko peir raar jimwe, kaju ñan doon; kab jabdewōt iaer ear wor ruo pein bao i raejet im ruo pein bao i raejet eo juon ñan kalibubu ānbwineir.

[24] Im ke raar etal iar roñ ainikien pein bao ko aer ãinwõt ainikien elõñ dãn im ãinwõt ainikien Eo Ekajoor Potata; ainikien ñõrñõr ãinwõt ainikien juon jar in tarinae. Ke raar jutak wõt, raar door pein bao ko aer.

[25] Im ear wor juon ainikien jãn ilõñin mejatoto eo ear ilõñin baraer; ke raar jutak wõt, raar door pein bao ko aer.

[26] Im jãn ilõñin mejatoto eo ear ilõñin baraer, ear wor juon men ãinwõt juon tũroon im ear ãinwõt dekã sapair; im ion men eo ear ãinwõt juon tũroon, ear wor juon eo ear ãinwõt juon armej eutie j ilõñin.

[27] Im iar lo bwe jãn ipin im lõñlõk ear wor juon men ãinwõt mãäl ebwil im ãinwõt kijeek ilowaan, im jãn ipin im lallõk ear ãinwõt juon kijeek, im ear wor meram eļap ipelaakin.

[28] ãinwõt juon jemaluit ilo juon raan in wõt, ekar ãindein meram eo eļap ipelaakin. ãindein wãween aiboojoj an Jeova. Innãm ke iar loe, iar buñpedo. Im iar roñ ainikien juon Eo ear kõnono.

JEPTA 2

[Ez 2.1] Im Ear ba ñan eõ, “Nejin armej, kwõn jutak ion neõm, im Inaaj kõnono ippam.”

[2] Im ke Ear kõnono ñan eõ, Jetõb ear deļõñ ilo eõ im kajutak eõ ion neiõ, im iar roñ An kõnono ñan eõ.

[3] Innãm Ear ba ñan eõ, “Nejin armej, Ij jilkinlõk eok ñan ro nejin Israel, ñan armej ri kapata ro raar kapata nae Eõ; er im jemaer raar jumae Eõ ñan rainin wõt.

[4] Ro im Ij jilkinlõk eok ñan er rej ajri re bõt, im epen bũrueir. Im kwõnaaj ba ñan er, ‘ãindein an Anij Jeova ba,’

[5] Im er, eļaññe rej roñjake aj jab (bwe rej armej rekapata), renaaj jelã bwe juon ri kanan ear pãd ippaer.

[6] Im kwe, nejin armej, kwõn jab mijak er im jab mijak naan ko aer meñe elõñ liklik ak kãlõklõk rej ippãm ak kwõj jijet ippãn marebap. Kwõn jab mijak naan ko aer im jab lõñlõk kõn mejeir, bwe rej armej rekapata.

[7] Im kwõnaaj kwaļõk naan ko Aõ ñan er eļaññe rej roñjake ke jab, bwe rej ri kapata.

[8] Innãm kwe, nejin armej, kwõn roñjake men eo Ij kõnono ñan eok. Kwõn jab kapata ãinwõt jar eo ekapata. Kwõn walõñi lõñõm im kañe men eo Ij lewõj ñan eok.”

[9] Innãm iar reilõk, im lo, eᵑõj erlõkwe juon pã ñan eõ, im lo, juon bok elimlim ear ilo e.

[10] Im Ear erlõkwe bok eo iᵑaõ, im eᵑõj jeje ilowaan im ilikin, im eᵑõj je liᵑõ im ñũrñũr im liaajlõ ilo e.

JEPTA 3

[Ez 3.1] Im Ear ba ñan eõ, “Nejin armej, kwõn kañe men eo kwõj loe; kañe bok iᵑ, innãm etal im kõnono ñan ᵑõn Israel.”

[2] Im iar walõñi lõñiõ, im Ear naajdik eõ bõk eo.

[3] Im Ear ba ñan eõ, “Nejin armej, kwõn naajdik lõjiõm im kanne ãnbwinnõm kõn bõk iᵑ Ij lewõj.” Innãm iar kañe, im ear ilo lõñiõ ãinwõt õne kõn an tõñal.

[4] Im Ear ba ñan eõ, “Nejin armej, kwõn etal, deļõñ ñan ᵑõn Israel im kõnono naan ko Aõ ñan er.

[5] Ijab jilkinlõk eok ñan armej im epen meļeļe aer kõnono ak epen kajin eo aer, ak ñan ᵑõn Israel,

[6] Jab ñan elõñ armej im epen meļeļe aer kõnono ak epen kajin ko aer im kwõ ban meļeļe aer kõnono, ak Ij jilkinlõk eok ñan ro remarõñ meļeļe eok.

[7] Bōtab mōn Israel eban kōṇaan roñjaake ñan eo, bwe ejab kōṇaan roñjake ñan Eō, bwe aolepen mōn Israel e bōt im pen būrueir.

[8] Lo, Inaaj kōmman mejōm bwe en pen jān mejeir im demaṃ pen jān demaer.

[9] Iar kōmman bwe demaṃ en pen jān deka flint. Kwōn jab mijak er ak lōlñōñ imaan mejeir meñe rej juon aelōñ e kapata.

[10] Im Ear ba ñan eō, “Nejin armej, kwōn bōk ilo būruōm im roñjake kōn lojilñōm aolep naan ko Aō Inaaj kōnono ñan eok.

[11] Im kwōn etal im deļōñ ñan ippān ro ri jepōkwe, ro nejin armej ro doom, im kwōnaaj kōnono ñan er im ba ñan er ‘Āindein an Irooj Jeova ba,’ - jekdoṃ eļañne rej roñjake ke jab.”

[12] Innām Jetōb eo ear kotak eō, im iar roñ ālikiō ainikien makūtkūt eļap eo ear ba, ‘Emōṇōṇō aiboojoj an Jeova jān jikin.’

[13] Im iar roñ ainikien pein bao ko an rein rej mour ke raar itaak ippān doon im ainikien wiil ko itureir im ainikien juon makūtkūt eļap.

[14] Innām Jetōb eo ear kotak eō im bōkļok eō. Im iar etal ilo meṃ im ilo illu in aō jetōb, ak pein Jeova ear kajoor ioō.

[15] Im iar deļōñ ñan ippān ri jepōkwe ro rar pād i Tel Abib im raar jokwe iturin reba Kebar. Im ijo raar jokwe ie, iar jijet im eppal ibwiljeir iumwin jiljilimjuon raan.

[16] Im ke ejeṃļok jiljilimjuon raan, naan in Jeova ear itok ñan eō im ba,

[17] “Nejin armej, Iar kōmman eok juon ri kejare ñan mōn Israel; innām kwōnaaj roñjake naan jān loñiō im kakōl er kōn Ña.

[18] Ñe ij ba ñan juon ri nana, ‘Ilo mool kwōnaaj mej,’ im kwōjab kakōl e, im kwōjab kōnono ñan kakōl ri nana eo jān ial eo an enana bwe en mour, ri nana en enaaj mej ilo jerōwiwi eo an. Ak Inaaj pukōt bōtōktōken jān peōm.

[19] Ak kwe, eļañne kwōj kakōl ri nana eo, ak ejab oktak jān nana eo an im jān ial eo an enana, innām enaaj mej ilo jerōwiwi eo an. Ak kwe kwar loṃṃoren aṃ mour.

[20] Im eļañne juon rū wānōk ej oktak jān an wānōk, im ej kōmman nana, im Ij likūt juon men in tipñōl imaan, enaaj mej. Kōn aṃ kar jab kakōl e, enaaj mej ilo jerōwiwi eo an, im reban kememej men in wānōk ko an ekar kōmmane, im Inaaj pukōt bōtōktōken jān peōm.

[21] Ak kwe, eļañne kwar kakōl ri wānōk eo bwe ri wānōk en jab jerōwiwi, innām ejab jerōwiwi, ilo mool enaaj mour kōnke emōj kakōl e. Im kwe kwar loṃṃoren aṃ mour.”

[22] Im pein Jeova ear ioō ijo; im Ear ba ñan eō, “Kwōn jerkak im etalļok ñan āne eo piken wōt juon, im ijo Inaaj kōnono ippaṃ.”

[23] Innām iar jerkak im etalļok ñan āne eo piken wōt juon, im lo, aiboojoj an Jeova ear jutak ijo, āinwōt aiboojoj eo iar loe iturin reba Kebar; im iar buñ pedo.

[24] Im Jetōb eo ear deļōñ ilo eō im kajutak eō ion neiō; innām Ear kōnono ñan eō im ba ñan eō, “Kwōn deļōñ im kiili eok ilowaan ṃweo imōm.

[25] Im kwe, nejin armej, lo, renaaj likūt to iom, im renaaj lukwōj eok kake bwe kwōn jab diwōjļok ibwiljier.

[26] Inaaj kōmman bwe loeṃ en edāp ñan ñatōm bwe kwōn ikōñ im bwe kwōn jab juon eo enaaj kauweik er, bwe rej juon aelōñ e kapata.

[27] Im ñe Ij kōnono ippāṃ Inaaj kapelļok loñōm, im kwōnaaj ba ñan er, “Āindein an Irooj Jeova ba.” Eo ej roñjake en roñjake, ak eo ej abwin roñjake en abwin, bwe rej juon aelōñ e kapata.’

JEPTA 4

[Ez 4.1] Im kwe, nejin armej, kwōn bōk juon tablet im kwōn likūt e iṃaam, im kwōn jiña juon jikin kweilōk ion -- Jerusalem.

[2] Innām kwōn nitbwile, im kalek me ko ṇae e, im eje juon bat ṇae e; im kwōn kōmṃan juon camp ṇae e im likūt kein nono ipelaakin.

[3] Im kwōn bōk juon pan aen im likūte āinwōt juon kiin im aen ikōtaam im jikin kweilōk eo, im kwōn jelṃae e ṇan nitbwile; im kwōn nitbwile im enaaj juon kakōlle ṇan ṃōn Israel.

[4] Im kwōn babu ion katōṃ tu anmiin, im likūt ruōn ṃōn Israel ion; kwōnaaj inek rueir ekkar ṇan oran raan ko kwōn babu.

[5] Bwe iar likūt iom oran raan ko ekkar ṇan iio ko in aer jerowiwī -- jilu bukwi ruwatimjuonñoul raan; āindein kwōnaaj inek ruōn ṃōn Israel.

[6] Im ñe eṃōj men iṇ, kwōnaaj babu ion katōṃ tu anmoon barāinwōt, im kwōnaaj inek ruōn ṃōn Juda. Iar lewōj eñoul raan, juon raan kōn juon iio.

[7] Im kwōnaaj jelmae nitbwil eo an Jerusalem, im enaaj alikkar peōṃ, im kwōnaaj rikanij nae e.

[8] Im lo, Inaaj lukwōj eok bwe kwōn jab oktak jān raejet ṇan raejetōṃ ṃae iien kwar kajemlōk raan ko an nitbwil eo.

[9] Im kwōn bōk wit im barli im bean im lentil im millet im spelt, im kwōn likūti ilo juon jāpe, im kwōnaaj kōmṃan pilawā jān i. Ekkar ṇan oran raan ko kwōj babu ion katōṃ, jilu bukwi ruwatimjuonñoul raan, kwōnaaj ṃōñā jān i.

[10] Im kijōṃ eo kwōnaaj ṃōñā enaaj ekkar ṇan joñan eddo -- roñoul shekel ilo juon raan. Im kwōnaaj ṃōñā jān iien ṇan iien.

[11] Im kwōnaaj daak dān ekkar ṇan joñan -- juon ṃōttan jiljilno an juon hin. Im kwōnaaj idaaq jān iien ṇan iien.

[12] Im kwōnaaj kañe āinwōt kek in barli. Im kwōnaaj kōmati iṃaan mejeir kōn kubwe an armej.”

[13] Im Jeova ear ba, “Āindein naaj ro nejin Israel ṃōñā kijeir pilawā ettoon ibwiljin ri aelōñ ko ijo Ij joṃok er ie.”

[14] Innām iar ba, “A, Irooj Jeova, lo, ejañin kattoon eō, bwe ijañin ṃōñā men eo ear make mej ak men eṃōj kekele jān ke iar dik ṇan kiiō, im ejeṃok kanniōk ettoon ear deṃōñ ilo loñiō.”

[15] Im Ear ba ṇan eō, “Ekwe, Inaaj lewōj kubwe in kau ilo jikin kubwe in armej, im kwōnaaj kajerbale ṇan kōmṃan kijōṃ pilawā.”

[16] Im Ear ba ṇan eō, “Nevin armej, Lo, Inaaj ruje jokwōnōn pilawā ilo Jerusalem, im renaaj ṃōñā kijeir ekkar ṇan joñan im kōn inepata, im renaaj idaaq dān kōn joñan im kōn lōlñōñ,

[17] kōnke eban bwe pilawā im dān; im renaaj bwilōñ kōn doon im naaj mōṃok ilo aer bōd.

JEPTA 5

[Ez 5.1] Innām kwe, nejin armej, kwōn bōk juon bakbōk ekkañ im kajerbale āinwōt juon reja an ri ṃwijbar, im kwōn ṃwijbar baram im am kwōdeak kake. Innām kwōn bōk juon kein paun im karaeje.

[2] Juon ṃōttan jilu kwōnaaj tile kōn kijeek ioṃapen jikin kweilōk eo ñe ejeṃok raan ko in nitbwile. Innām kwōnaaj bōk juon ṃōttan jilu im jeke kōn juon jāpe ipelaaken jikin kweilōk eo. Im juon ṃōttan jilu kwōnaaj kajeplōklōk ṇan kōto; innām Inaaj nure jāpe ālikeir.

[3] Im kwōn bōk jet wōt iaer im lukwōji ilo jabōn nuknuk ṇe am.

[4] Im kwōn bōk jet iaer im joļok er ilowaan kijeek, im kwōn tile er kōn kijeek; juon kijeek enaaj walok jān er ñan aolepen mōn Israel.”

[5] Āindein an Irooj Jeova ba, “Eñin Jerusalem. Iar likūt e ioļapen aelōñ ko, im elōñ āne rej ipelaakin.

[6] Bōtab ilo an nana ear kōtrae ekajet ko Aō eļap jān aelōñ ko jet, im naan in jiroñ ko Aō eļap jān āne ko ipelaakin. Bwe raar joļok ekajet ko Aō, im raar jab etetal ilo naan in jiroñ ko Aō.”

[7] Kōn men in, āindein an Irooj Jeova ba, “Kōn ami kar kōtrae eļap jān aelōñ ko ipelaakōmi, im kom ar jab etetal ilo naan in jiroñ ko Aō, im kom ar jab kōmman ekajet ko Aō, im kom ar jab kōmman ekajet ko an aelōñ ko rej ipelaakōmi,

[8] Kōn men in,” āindein an Irooj Jeova ba, “Lo, Ña, aet Ña Ij jumae eok; im Inaaj kōmman ekajet ko ibwiljōm imaan mejen ri aelōñ ko.

[9] Im kōn aolep men in kajōjō ko aṃ, Inaaj kōmman nae eok men ko Ijañin kar kōmmani; im Iban bar kōmman āinwōt men kein.

[10] Kōn men in, jemeir renaaj mōñā nejeir ibwiljōm im nejeir renaaj mōñā jemeir. Im Inaaj kōmman ekajet ko Aō nae eok, im Inaaj kejeplōklōk aolep ro rej pād wōt ñan kōto ko.

[11] Kōn men in, āinwōt Ij mour,” Irooj Jeova ej ba, “kōn aṃ kar kattoo jikin kwōjarjar eo Aō kōn aolep men in kajōjō im ettoon ko aṃ, innām Iban bōbrae, im Meja eban tūriamokake, im Iban buromōj.

[12] Juon mōttan jilu ian armej ro aṃ renaaj mej kōn nañinmej ak jako kōn jāje ibwiljōm, im juon mōttan jilu renaaj buñ kōn jāje ipelaakōm, im juon mōttan jilu Inaaj kejeplōklōk ñan kōto ko, im Inaaj nure jāje ālikeir.

[13] Innām enaaj jemļok Aō illu, im enaaj jako Aō illu ebwil nae er, im enaaj emman Ippa; im renaaj jeļā bwe Ña, Jeova, Iar kōnono ilo aō kijejeto ke Iar kajemļok Aō illu ioer.

[14] Im Inaaj kōmman bwe kwōn jepeepļok im men in kajirere ioļapen aelōñ ko rej ipelaakōm im imaan mejen ro rej ellā.

[15] Innām enaaj men in kajirere, kakūtōtō, kakkōl im men in lōļñōñ ñan aelōñ ko ipelaakōm ñe Ij kōmman ekajet nae eok ilo illu im illu ebwil im kauwe epen. Ña Jeova Iar kōnnaan.

[16] Ñe Ij jilikinļok nae er made in ñuta ko renana ko renaaj ñan kōkkure, im ko Iar jilkinļoki ñan kōkkure kom, innām Inaaj kaļapļok ñuta nae er im Inaaj ruje jokwōnōn pilawā eo aer.

[17] Im Inaaj jilkinwōj nae kom ñuta im men in mour ko renana, im renaaj man ro nejōm. Im nañinmej im bōtōktōk renaaj ellā iom. Im Inaaj bōkwōj jāje nae eok. Ña Jeova Iar kōnnaan.”

JEPTA 6

[Ez 6.1] Naan in Jeova ear itok ñan eō im ba,

[2] “Nejin armej, kwōn jalļok ñan toļ ko in Israel im rikanij ñan er.

[3] Im kwōn ba, ‘Toļ ko in Israel, komwin roñjake Naan in Irooj Jeova, bwe āindein an Irooj Jeova ba ñan toļ ko im bat ko im ial in wea ko im kōmlaļ ko, “Lo, Ij bokwōj jāje nae kom, im Inaaj kōkkure ami jikin ko reutiej.

[4] Im lokatok ko ami renaaj jorrāñ im ekjab ko ami renaaj rup, im Inaaj kōmman bwe ro iami emōj man er ren buñ imaan ekjab ko ami.

[5] Im Inaaj likūt ubōn ro nejin Israel imaan ekjab ko aer; im Inaaj kajeplōklōk diōmi ipelaakin lokatok ko ami.

[6] Ilo jikin jokwe ko ami otemjej, jikin kweilok ko renaaj jepeeplok im jikin ko reutiej renaaj jorrään, bwe en jorrään im jako lokatok ko ami, im en rup im jako ekjab ko ami, im ren jekjek men in e ko ami, im en jako kōmman ko ami.

[7] Im ro emōj man er renaaj wutlok ibwiljōmi, im kom naaj jelā bwe Ńa Jeova.

[8] Ak Inaaj likūt jet bwe en wor jet iami ro rej mour jān jāje eo ibwiljin aelōñ ko ñe emōj kejeplōklōk kom ilo āne ko.

[9] Innām ro rej mour iami renaaj kememej Eō ke rej pād ilo aelōñ ko ijo emōj kejepeokweik er ie, ekōjkan emōj rup būruō kōn būrueir reļōñ ke raar etal jān Eō, im kōn mejeir me raar ļōñ ñan ekjab ko aer. Renaaj make dike er kōn nana ko raar kōmmani kōn aolep men in kajōjō ko aer.

[10] Innām renaaj jelā bwe Ńa Jeova. Iar jab kōnono waan ke Iar ba Inaaj kōmman jorrään in ñan er.”

[11] Āindein an Irooj Jeova ba, “Kwōn kaitaak peōm im m̄m̄ūm̄ū neōm im ba, ‘Yokwe, kōn aolep men in kajōjō ko renana an m̄ōn Israel, bwe renaaj buñ kōn jāje im ñūta im nañinmej.

[12] Eo ej ettolok enaaj mej kōn nañinmej, im eo epaak enaaj buñ kōn jāje, im ro rej pādwōt im emōj nitbwile er renaaj mej kōn ñuta. Im Inaaj kajemlok Aō illu ior.

[13] Im komnaaj jelā bwe Ńa Jeova, ñe ri mej ro aer rej pād ibwiljin ekjab ko aer ipelaakin lokatok ko aer ion jabdewōt toļ edik im jabōn jabdewōt toļ eutiey im iumwin jabdewōt wōjke emaroro im iumwin jabdewōt wōjke ok emijel -- ilo jikin ko rej katok kajjurur eñaj ñan aolep ekjab ko aer ie.

[14] Im ilo jabdewōt jikin rej jokwe, Inaaj erloke Peiō nae er, im Inaaj kōmman āne eo bwe en jepeeplok im jorrään jān āne jemaden iturin Diblat; innām renaaj jelā bwe Ńa Jeova.”

JEPTA 7

[Ez 7.1] Innām Naan in Jeova ear itok ñan eō im ba,

[2] “Innām kwe, nejin armej, āindein an Irooj Jeova ba ñan āne in Israel, ‘Ejemlok. Emoottok jemlokin jabōn ko emān an āne eo.

[3] Kiiō emoottok jemlokōm, im Inaaj jilkinwōj Aō illu, im Inaaj ekajet eok ekkar ñan kōmman ko am, im Inaaj lewōj ekkar ñan aolep men in kajōjō ko am.

[4] Im meja reban tūriaṃokake eok, im Iban būromōj, bwe Inaaj lewōj ekkar ñan kōmman ko am, im men in kajōjō ko am renaaj pād ioļapōm, innām komnaaj jelā bwe Ńa Jeova.”

[5] Āindein an Irooj Jeova ba, “Juon jorrään, juon jorrään ejej uwaan ej iwōj.

[6] Ej itok jemlokin, ej itok jemloken, ear ruj nae eok; lo, emoottok!

[7] Emoottok ami jorrään, komeo komij jokwe ilo āne eo. E awa, epaak raan eo; ewor aeruwaro im jab ainikien lañlōñ ion toļ ko.

[8] Kiiō Inaaj lutōklok Aō illu iom, im Inaaj kamat Aō illu ebwil iom, im Inaaj ekajet eok ekkar ñan kōmman ko am, im Inaaj lewōj ekkar ñan aolep men in kajōjō ko am.

[9] Im meja reban tūriaṃokake eok, im Iban būromōj, bwe Inaaj lewōj ekkar ñan kōmman ko am, im men in kajōjō ko am renaaj pād ioļapōm, innām komnaaj jelā bwe Ńa, Jeova, Eo ej manman.

[10] Lo, raan eo! Lo, ej itok! Jorrään ear diwōjlok; jokwōn eo ear juļ; juwa ear ebōl.

[11] Koadoñ ear eddeklok bwe en erom juon jokwōn in nana. Ejjeļok enaaj pādwōt; ejjeļok ian jar eo, im ejjeļok ian m̄weiuk ko m̄weier, im ejjeļok men ewor tokjān.

[12] Emoottok iien eo, epaak raan eo. Ri wia en jab m̄ōñōñō im ri wiakake en jab būromōj, bwe illu ebwil ej ion aolepen jar eo.

[13] Bwe ri wiakake eban bar bōk men eo emōj wia toñ wōt aer mour; bwe eban oktak visiōn eo ikijjien aolepen jar eo, im ejjelok iaer enaaj kōjparok an mour kōn nana ko an.

[14] Meñe rej ukwi jilil im kajpoji aolep men, ejjelok ej etal ñan tariñae eo; bwe Aō illu ebwil ej ion aolepen jar eo.

[15] Jāje ej nabōj im nañinmej im ñūta rej lowaan. Eo ej ilo melaj enaaj mej kōn jāje, im eo ej ilo jikin kweilok, ñūta im nañinmej renaaj man e.

[16] Im ro rej ko iaer renaaj ko im renaaj pād ion to] ko āinwōt mule in kōmlaj ko; aolepeir renaaj liaajlōl, jabdewōt kōn jerowiwī ko an.

[17] Aolepen peir remōjñok; aolepen bukweir rej āinwōt dān.

[18] Im renaaj kōñak nuknuk eklep iden, im lōññōñ enaaj kalibubuik er; im mejeir otemjej renaaj jook, im baraer otemjej renaaj pi]ōl.

[19] Renaaj jo]ok silver ko aer ilo ial ko, im aer gold enaaj juon men ejokdād. Aer silver im gold reban maroñ lomōoren er ilo raan in illu an Jeova. Reban kamat aer ak kobrak lojier, bwe aer jerowiwī ear men in lōkatip.

[20] Im inōken reaiboojoj raar kajerbale ilo aer juwa, im raar kōmman jāni ekjab ko rekajōjō im ettoon. Kōn men in Inaaj kōmmane bwe en men in ettoon ñan er.

[21] Im Inaaj lelōk i ilo pein ruwamaejet ro ñan men in rakim im ñan ri nana an la] ñan men in jibwe, im renaaj kattoon e.

[22] Innām Inaaj jal]ok jān er, im renaaj katoon Aō jikin eorōk, innām ri kowadoñ renaaj de]oñ im kattoone.

[23] Kwōn kōmman juon jeen, bwe āne eo eobrak kōn katoor]ok bōtōktōk, im jikin kweilok eo eobrak kōn kowadoñ.

[24] Inaaj āñintok ro ri nana an ri aelōñ ko im renaaj bōk moko imweir. Im Inaaj kajem]ok juwa an ro ri kajoor, im jikin kwōjarjar ko aer renaaj ettoon.

[25] Ñe lōññōñ ej itok, renaaj pukōt aenōmman, ak enaaj ejjelok.

[26] Jorrāān ion jorrāān enaaj itok, im enaaj wor naan im bar naan. Renaaj pukōt visiōn jān ri kanan, ak enaaj jako kien jān pris eo im pepe jān rūtto ro.

[27] Kiñ eo enaaj liaajlōl, irooj eo enaaj kōñak lōññōñ, im pein armej in āne renaaj wudidid. Inaaj kōmman ñan er ekkar ñan ial ko aer, im Inaaj ekajet er ekkar ñan kōmman ko aer, innām renaaj je]ā bwe Ña Jeova.”

JEPTA 8

[Ez 8.1] Im ilo iō eo kein ka jiljino im raan eo kein ka lalem in allōñ eo kein ka jiljino, ke iar jijet ilo mweo imō im elder ro an Juda raar jijet imāō, pein Irooj Jeova ear buñ iō ijo.

[2] Im iar reilok, im lo, juon men āinwōt juon armej, im jān ipin im lal]ok ear āinwōt kijeek, im jān ipin lōñ]ok āinwōt meram im māāl ebwil.

[3] Innām ear erlokwe juon men āinwōt juon pā, im ear jibwe eō kōn kool in bara; im Jetōb eo ear kotak eō kōtaan la] im lañ, im Ear āñin]ok eō ilo visiōn in Anij ñan Jerusalem ñan jikin de]oñ an kejem eo lowaan eo ej jell]ok ñan eañ, ijo ekjab in kamo eo ej kōmman kamo epād ie.

[4] Im lo, aiboojoj an Anij in Israel ear pād ie, āinwōt men eo iar loe ilo āne eo pikin wōt juon.

[5] Im Ear ba ñan eō, “Nejin armej, kwōn reilok kiiō ñan ial eo eañ.” Im iar reilok ñan ial eo eañ, im lo, tu-eañin kejem in lokatok eo, ekjab in kamo eo ear pād ilo jikin de]oñ.

[6] Im Ear ba ñan eō, “Nejin armej, kwōj lo men eo rej kōmmani ke -- men in kajōjō ko reļap me mōn Israel ej kōmmani ijin, bwe n ettoļok jān Aō jikin kwōjarjar? Ak kwōnaaj lo men in kajōjō ko reļapļok wōt.

[7] Innām Ear āñinļok eō ñan jikin deļoñ ilo worwor eo. Im ear reiļok, im lo, juon roñ ilo worwor eo.

[8] Im Ear ba ñan eō, “Nejin armej, kwōn kōb mōk ilo worwor eo.” Innām iar kōb ilo worwor eo, im lo, juon kōjjam ie.

[9] Im Ear ba ñan eō, “Kwōn deļoñ im lo men in kajōjō ko renana rej kōmmani ijo.”

[10] Innām iar deļoñ im iar reiļok, im lo, eņōj eņ ipelaakin ion kiin mweo aolep wāween men in tōbalbal im men in mour ko rettoon im aolep ekjab ko an mōn Israel.

[11] Im jiljilimjuon armej jān elder ro in mōn Israel raar jutak iņaer, im Jazanaia, nejin Sapan ear jutak ioļapeir; im ear wor juon kein kajjurjur ilo pein jabdewōt iaer. Im juon baat eņaj in kajjurjur ear wanlōñļok.

[12] Im Ear ba ñan eō, “Nejin armej, kwōn lo ke ta ko elder ro in mōn Israel rej kōmmani ilo marok, kaju iaer ilo rum in ekjab eo an? Bwe rej ba, ‘Jeova ejab lo kōj. Jeova ear iloļok jān āne eo.’”

[13] Im Ear ba ñan eō, “Kwōnaaj lo men in kajōjō ko reļapļok wōt me rej kōmmani.”

[14] Innām Ear āñinļok eō ñan jikin deļoñ in kōjjam in mōn Juda eo ej tu eañ, im lo, kōrā ro raar jijet ie im jañ kōn Tamuz.

[15] Im Ear ba ñan eō, “Nejin armej, kwōj lo ke? Ak kwōnaaj lo men in kajōjō ko reļapļok jān men kein.”

[16] Im Ear āñinļok eō ñan worwor eo ilowaan in mōn Jeova, im lo, ilo jikin deļoñ in tempel an Jeova, ikōtaan tōñak eo im lokatok eo, roñoul lalem eņmaan raar pād ie. Im raar jenlik jān tempel an Jeova ñan rear im raar kabuñ ñan aļ eo i rear.

[17] Innām Ear ba ñan eō, “Nejin armej, kwōj lo ke? Ej juon men edik ke ñan mōn Juda bwe rej kōmmani men in kajōjō ko rej kōmmani ijin, bwe rej barāinwōt kobrak āne eo kōn kowadoñ, innām rej roltok bwe ren kaillu Eō? Im lo, rej likūt ra eo ilo bōdier.

[18] Kōn men in, Inaaj kōmman ñan er ilo illu. Meja reban tūriamokake im I ban būromōj. Im renaaj kūr ilo lojilñiō kōn ainikien eļap, ak I ban eoroñ er.”

JEPTA 9

[Ez 9.1] Im Ear lamōj kōn ainikien eļap ke iar roñjake im ba, “Komwin kepaaktok, komeo komij ri lale jikin kweiļok in, im en elōñ kein kōkkure ilo pein jabdewōt.”

[2] Innām lo, jiljino armej raar itok jān ial in kejem eutieņ eo ear jaļok niñeañļok, im elōñ kein kōkkure ilo pein jabdewōt iaer; im ear wor juon armej ipaer eo ear kōņak nuknuk linen im elōñ nien kein jeje an ri jeje ear iturin ipin. Im raar deļoñ im jutak iturin lokatok jinibōrōrō.

[3] Im aiboojoj an Anij in Israel ear wanlōñļok jān ion kerub ko ijo ear pād ie ñan biten kōjjam in mweo. Im Ear kūr ñan armej eo ear kōņak nuknuk linen eo elōñ an nien kein jeje an ri jeje i ipin.

[4] Innām Jeova ear ba ñan e, “Kwōn iloļok ioļapen jikin kweiļok in, ioļapen Jerusalem; im kwōn kakōļleik deman armej ro rej jañ im liaajļoļ kōn aolep men in kajōjō ko eņōj kōmmani ioļapen.”

[5] Im ke iar roñjake, Ear ba ñan ro jet, “Komwin iloļok ilo jikin kweiļok eo ālikin im man. Mejōmi ren jab tūriamo im komwin jab būromōj kake.

[6] Komwin lukkuun man rütto ro, likao ro, jiroñ ro, ajri redik, im kōrã ro, ak komwin jab kepaak jabdewōt armej eo elōñ kakōlje ion, im komwin jino ilo Aō mōn kwōjarjar.” Im raar jino ippān elder ro raar imaan mweo.

[7] Im Ear ba ñan er, “Komwin kattoon mweo im kobrak lowaan worwor ko kōn ro emōj man er. Komwin diwōjlok.” Im raar diwōjlok im man ilo jikin kweilok eō.

[8] Im ke raar manman im iar pādwōt, iar buñ pedo, im iar kūr im ba, “Yokwe, Irooj Jeova! Kwōnaaj ke kōkkure aolep ro rej pādwōt an Israel ilo Añ lutōklok illu eo Añ ion Jerusalem?”

[9] Im Ear ba ñan eō, “Ekanooj Jap ruōn mōn Israel im Juda, im āne eo eobrak kōn bōtōktōk, im jikin kweilok eo eobrak kōn kankeke; bwe rej ba ‘Jeova ear ilok jān ānin, im Jeova ejab lo.’

[10] Ak kōn Ña, meja reban tūriaṃokake er, im Iban būromōj. Inaaj bōktok ial ko aer ion baraar.”

[11] Im lo, armej eo ear kōṃak nuknuk linen im elōñ an kein jeje iturin ipin ear kwalok im ba, “Iar kōmman āinwōt Añ kar jiroñ eō.”

JEPTA 10

[Ez 10.1] Im iar reilok, im lo, ilo mejatoto ilōñin baran kerub ko ear āinwōt juon dekã sapair, im ear ilo wāween juon tūroon, im ear walok ilōñer.

[2] Im Ear kōnono ñan armej eo ear kōṃak nuknuk linen, im Ear ba, “Kwōn deļōñ ikōtaan wiil ko iumwin kerub ko im kobrak peōm kōn māle in kijeek jān ikōtaan kerub ko. Innām kwōn kejeplōklōki ion jikin kweilok eo.” Im ear delōñ imaan meja.

[3] Im kerub ko raar jutak tu anṃinin mweo ke armej eo ear deļōñ. Im kōdō eo ear kobrak ilowaan worwor eo.

[4] Innām aiboojoj an Jeova ear wanlōñlok jān ilōñin kerub ko ñan biten kōjjam in mweo, im emōj kobrak mweo kōn kōdō eo, im emōj kobrak lowaan worwor eo kōn mearm in aiboojoj an Jeova.

[5] Im emōj roñjake ilo worwor i lik ainikien pein bao ko pein kerub ko; ear āinwōt ainikien Anij Ekajoor Potata ñe Ej kōnnaan.

[6] Innām ke Ear jiroñ armej eo ear kōṃak nuknuk linen im ba, “Kwōn bōk kijeek jān ikōtaan wiil ko rej ikōtaan kerub ko,” ear deļōñ im jutak iturin juon wiil.

[7] Im kerub eo ear erloke pein jān ikōtaan kerub ko ñan kijeek eo ear ikōtaak kerub ko; im ear jibwe im lelōk ilo pein eo ear kōṃak nuknuk linen. Im ear bōke im ilok.

[8] Im ear walok juon men āinwōt juon pein armej iumwin pein bao ko an kerub ko.

[9] Innām iar reilok, im lo, ear wor emān wiil iturin kerub ko, juon wiil iturin juon kerub im juon wiil iturin bar juon kerub; im wil ko raar āinwōt juon dekã crisolait.

[10] Im ereañ wāween wōt juon, āinwōt ñe juon wiil ej pād lowaan bar juon wiil.

[11] Ke raar etal, raar etal ilo jabdewōt ian ial ko aer emān; raar jab oktak ke raar etal, ak ijo raar jallok ñan ie raar etal ñan ie; raar jab oktak ke raar etal.

[12] Im aolepen ānbwinier im likier im peir im pein bao ko aer im wiil ko raar obrak kōn mej ko ipelaakeir, koba wiil ko emān.

[13] Im ke iar roñjake, emōj naetan wiil ko, ‘whil ko rej rol.’

[14] Im jabdewōt iaer elōñ emān mejen. Mej eo ṃokta ear mejen kerub, im mej eo kein ka ruo ear mejen armej, im eo kein ka jilu ear mejen laion, im eo kein ka emān ear mejen igōl.

[15] Innām kerub ko raar wanlōñlok. Er rein rej mour ro iar lo iturin reba Kebar.

[16] Im ke kerub ko raar etal, wiil ko iturier raar etal; im ke kerub ko raar kotak pein bao ko peir ñan wanlōñlok jān la], wiil ko raar jab oktak jān iturier.

[17] Ke kerub ko raar jutak wõt, wiil ko raar jutak wõt; im ke kerub ko raar wanlõñlòk, wiil ko raar wanlõñlòk, bwe jetõb in rein rej mour ear ilo er.

[18] Im aiboojoj an Jeova ear ilòk jån biten kõjjam in mweo, im ear jutak ilõñin kerub ko.

[19] Innām kerub ko raar kotak pein bao ko peir im wanlõñlòk jån laḷ iḡmaan meja, im ke raar etal, wiil ko raar iturier. Im raar jutak ilo jikin deḷoñ an kõjjam eo rear in mōn Jeova, im aiboojoj an Anij in Israel ear ilõñ er.

[20] Im er rein rej mour ro iar loi iumwin Anij in Israel iturin reba Kebar; im iar jeḷā bwe rein rej kerub ko.

[21] Im jabdewõt iaer elõñ emān mejen im emān pein bao. Im ear wor juon men āinwõt pein armej iumwin pein bao ko aer.

[22] Im wāween mejeir raar āinwõt mej ko iar loi iturin reba Kebar. Jabdewõt iaer ear etal jimwe wõt.

JEPTA 11

[Ez 11.1] Im Jetõb ear kotak eõ im āñinlòk eõ ñan kõjjam rear in mōn Jeova eo ej jalḷok ñan rear, im lo, ilo jikin deḷoñ in kõjjam eo roñoul lalem armej, im iar lo ippaer Jazanaia, nejin Ñazur, im Pelatiu nejin Benaia, irooj ro an armej.

[2] Im ear ba ñan eõ, “Nejin armej, armej rein rej ro rej pepe nana im ḷõmḡak ḷõmḡak ko renana ilo jikin kweilòk in.

[3] Ro rej ba, ‘Ejab paak iien ekkal im? jikin kweilòk in ej juon ainpot im kõj jalele.’

[4] Kõn men in, kwõn rikaniḡ nae er. Kwõn rikaniḡ, nejin armej.”

[5] Im Jetõb an Jeova ear buñ ioõ, im Ear ba ñan eõ, “Kwõn ba, ‘Āindein an Jeova ba, Āindein ami ba, mōn Israel, ak Ña Ijeḷā ḷõmḡak ko ami.

[6] Kom ar korḷok ami ri mej ilo jikin kweilòk in im kobrak ial ko an kõn ro remej.’

[7] Kõn men in āindein an Irooj Jeova ba, ‘Ami ri mej me komar likūti ioḷapen, rein rej jalele im jikin kweilòk in ej ainpot eo, ak Inaaj kadiwõjḷok kom jån ioḷapen.

[8] Komij mijak jāje, ak Inaaj bõkwõj juon jāje iomi.” Irooj Jeova ej ba.

[9] “Im Inaaj kadiwõjḷok kom jån ioḷapen jikin kweilòk in, im Inaaj leḷok kom na ilo pein ruwamaejet ro, im Inaaj ekajet kom.

[10] Kom naaj buñ kõn jāje; Inaaj ekajet kom ñan tōrerein Israel; innām kom naaj jeḷā bwe Ña Jeova.

[11] Jikin kweilòk in eban ami ainpot, im ikom ban jalele ilowaan; Inaaj ekajet kom ñan tōrerein Israel.

[12] Im komnaaj jeḷā bwe Ña Jeova, bwe kom are jab etetal ilo naan in jiroñ ko Aõ, im ekajet ko Aõ kom ar jab kõmḡmani, ak kom are kõmḡman ekajet ko an aelõñ ko ipelaakõmi.”

[13] Innām ke iar rikaniḡ, Pelatiu nejin Benaia ear mej. Innām iar buñ pedo im lamõj kõn eḷap ainikien im ba, “A, Irooj Jeova, kwõnaaj koḡkure aolep ro rej pād wõt ilo Israel ke?”

[14] Innām Naan in Jeova ear itok ñan eõ im ba,

[15] “Nejin armej, ro jimjeim jimjatõm, aet ro jimjeim jimjatõm, ro nukwõm, im aolepen mōn Israel, aet aolepeir, rein ro im ro rej jokwe ilo Jerusalem raar ba ñan er, ‘Komwin ettolòk jån Jeova; emõj letok ñan kõm āne āinwõt lamorem.’

[16] Kōn men in kwōn ba, ‘Āindein an Irooj Jeova ba, Meñe iar kattojok er ibwiljin aelōñ ko im meñe Iar kejeplōklōk er ilo āne ko, Iar ñan er āinwōt juon jikin ekwōjarjar iumwin jidik iien ilo āne ko ijo raar etal ñan ie.’

[17] Kōn men in, kwōn ba, ‘āindein an Irooj Jeova ba, Inaaj āñintok kom jān aelōñ ko, im Inaaj kokweiloktok kom jān āne ko emōj kejeplōklōk kom ñan ie. Im Inaaj lewōj āne in Israel.’

[18] Im renaaj deļoñ ie, im renaaj jolok aolep men in ettoon im men in kajōjō ko jān e.

[19] Innām Inaaj lelōk ñan er juon buru im Inaaj likūt juon jetōb ekāāl ilowaami; im Inaaj jolok burueir edekāke jān kanniōkeir, im Inaaj lelōk ñan er buruen kanniōk,

[20] bwe ren etetal ilo naan in jiroñ ko Aō im eoroñ ekajet ko Aō im kōmmani. Innām renaaj armej ro doō, im Inaaj aer Anij.

[21] Ak ñan ro im būreir rej loor men in ettoon im men in kajōjō ko aer, Inaaj bōktok ial ko aer ion baraer,” Irooj Jeova ej ba.

[22] Innām kerub ko raar kotak pein bao ko peir, im wiil ko raar iturier, im aiboojoj an Anij in Israel ear ilōñeir.

[23] Im aiboojoj an Jeova ear wanlōñjok jān lowaan jikin kweilok eo, im ear jutak ion tol eo ear rear in jikin kweilok eo.

[24] Im Jetōb eo ear kotak eō im bōklok eō ilo vision in Jetōb an Anij ñan ri jepokwe ro ilo Kaldia; innām vision eo iar loe ear etal jān eō.

[25] Innām iar kwaļok ñan ri jepokwe ro aolep men Jeova ear kwaļok ñan eō.

JEPTA 12

[Ez 12.1] Innān naan in Jeova ear itok ñan eō im ba,

[2] “Nejin armej, kwōj jokwe ibwiljin juon jar e jumae eo meñe elōñ mejeir bwe ren lo, rejab lo, im meñe ewor lojilñier bwe ren roñjake, rejab roñjake, bwe rej armej rekapata.

[3] Innām, nejin armej, kwōn kapoji mweiōm ñan jepokwe, im kwōn etal āinwōt ñan jepokwe ilo raan imaan mejeir; im kwōn ilok jān jikōm ñan bar juon jikin imaan mejeir; bōlen renaaj lo bwe rej armej re kapata.

[4] Im kwōn kadiwōj mweiuk ko mweiōm ilo raan imaan mejeir āinwōt mweiuk ko ñan jepokwe, im kwōn diwōjlok ilo jota imaan mejeir āinwōt ri jepokwe rej diwōjlok.

[5] Imaan mejeir kwōn kōb juon roñ ilo worwor eo, im kwōn diwōjlok ie.

[6] Kwōn kotaki mweiōm ion aeram imaan mejeir im diwōjlok ilo iien marok; kwōn kalibubu mejōm bwe kwōn jab lo āne eo, bwe Iar likūt eok juon kakōlle ñan mōn Israel.”

[7] Im iar kōmman āinwōt emōj jiroñ eō. Ilo raan iar kadiwōjlok mweiuk ko mweiō āinwōt mweiuk in jepokwe, im ilo jota iar kōb kōn peiō juon roñ ilo worwor eo; Iar diwōjlok ke emarok, im iar kotaki mweiuk ko ion aerō imaan mejeir.

[8] Innām ilo jibboñ Naan in Jeova ear itok ñan eō im ba,

[9] “Nejin armej, mōn Israel, armej ro rekapata, raar jab ba ñan eok ke, ‘Ta eo kwōj kōmmane?’

[10] Kwōn ba ñan er, ‘Āindein an Irooj Jeova ba, Naan in ej kōn irooj eo ilo Jerusalem im aolepen mōn Israel ro rej pād lowaan.’

[11] Kwōn ba, ‘Ij juon waan joñak ñan kom. Āinwōt iar kōmmane, āindein renaaj kōmman ñan er; renaaj ilok ñan jepokwe, aet, renaaj bōklok er.

[12] Im irooj eo ibwiljōmi enaaj kotake ion aeran ñe e marok im naaj diwōj]ok; renaaj kōb ilo wodwod eo bwe ren kadiwōj men kan ie. Enaaj kalibubu mejen bwe en jab maroñ lo ãne kōn mejen.

[13] Im inaaj erloke ok eo Aō ion, im enaaj po ilo aujid eo Aō. Im Inaaj ãñin]ok e ñan Babilon ñan ãne in Kaldia, ak eban lo e meñe enaaj mej ie.

[14] Im Inaaj kejeplōklōk ñan kōto otemjej ro otemjej rej ipelaakin bwe ren jipañ e im jarlipju eo an, im Inaaj nure jāje ālikier.

[15] Im renaaj jeļā bwe Ńa Jeova ñe Ij kejeplōklōk er ibwiljin aelōñ ko im biōk er ñan ãne ko.

[16] Ak Inaaj kōjparok jet armej jān jāje im ñūta im nañinmej bwe ren kwa]ok kōn aolep men in kajōjō ko aer ilo aelōñ ko ijo rej de]oñ ie, innām renaaj jeļā bwe Ńa Jeova.”

[17] Im Naan in Jeova ear itok ñan eō im ba,

[18] “Nejin Armej, kwōn wudidid ñe kwōj mōñā kijōm, im kwōn lō]ñōñ im inepata ñe kwōn daak limōm.

[19] Innām kwōn ba ñan armej in ãne eo, ‘Āindein an Irooj Jeova ba kōn ro rej jokwe ilo Jerusalem ilo ãne in Israel, Renaaj wudidid ke rej mōñā kijeir, im renaaj lō]ñōñ ñe rej diaak limeir, bwe enaaj jako kobban ãne eo kōn kowadoñ an aolep ro rej jokwe ilo e.

[20] Im renaaj kōkkure jikin kweilok ko ijo armej rej jokwe ie, im ãne eo enaaj jepeep]ok; innām kom naaj jeļā bwe Ńa Jeova.”

[21] Im Naan in Jeova ear itok ñan eō im ba,

[22] “Nejin armej, ta jabōn kōnnaan in komij ba ilo ãne in Israel im ba, ‘Eaitok raan ko im vision otemjej rejako’?

[23] Kōn men in kwōn ba ñan er, ‘Āindein an Irooj Jeova ba, Inaaj kabōjrak jabōn kōnnaan in, im reban bar kwa]oke ãinwōt juon jabōn kōnnaan ilo Israel.’ Ak kwōn ba ñan er, ‘Epaak raan ko im enaaj jejjet vision otemjej.’

[24] Bwe enaaj ejje]ok bar vision waan ak bubu e kōrabōl ilo mōn Israel.

[25] Bwe Ńa Jeova, Inaaj kōnono, im men eo Ij ba enaaj walok, im eban bar kattar; bwe ilo raan ko ami, O mōn ri kapata, Inaaj kōnono naan eo im enaaj walok,’ Irooj Jeova ej ba.”

[26] Im Naan in Jeova ear itok ñan eo im ba,

[27] “Nejin armej, lo, mōn Israel rej ba, ‘Vision eo ej loe ej ñan etto wōt, im ej rikani] kōn iien ko etto wōt jān kiiō..’

[28] Kōn men in kwōn ba ñan er, ‘Āindein an Irooj Jeova ba, Naan ko Aō otemjej reban bar kattar; men eo Iar kwa]oke enaaj walok,’ Jeova ej ba.”

JEPTA 13

[Ez 13.1] Im Naan in Jeova ear itok ñan eō im ba,

[2] “Nejin armej, kwōn rikani] nae ri kanan ro an Israel ro rej rikani], im kwōn ba ñan ro rej rikani] jān būrueir make, ‘Komwin roñjake Naan an Jeova..’

[3] Āindein an Irooj Jeova ba, Jerata ñan ri kanan ro re bwebwe ro rej]oor jetōb ko aer make im ejje]ok men rej loe.

[4] O Israel, ri kanan ro am] rej ãinwōt jackōl ko ilo ãne jemaden.

[5] Kom ar jañin etal ñan jikin ko re rup ak karpene worwor eo ipelaakin mōn Israel bwe en jutak ilo iien tari]ae ilo raan in Jeova.

[6] Vision ko aer rewaan, im eriab bubu ko aer ke rej ba, 'Jeova ej ba,' ak Jeova ear jab jilkin]ok er, bōtab rej kōjatdikdik bwe enaaj jejjet naan ko aer.

[7] Komar jab lo juon vision waan im bubu eriab ke komar ba, 'Jeova ej ba,' ak Ña Iar jab kōnnaan?"

[8] Kōn men in, āindein an Irooj Jeova ba, "Kōn ami kar kōnono waan im lo vision ko re riab, innām Inaaj jumae kom," Irooj Jeova ej ba.

[9] Im Peiō enaaj nae ri kanan ro rej lo vision waan im bubu eriab, im reban pād ilo kweilok eo an armej ro doō, im reban je er ilo jeje an mōn Israel, im reban de]oñ ilo āne in Israel; innām komnaaj je]ā bwe Ña Irooj Jeova.

[10] Kōnke raar kejabwābweik armej ro doō im ba "Aenōmman," ak ejje]ok aenōmman. Juon ear kalek juon worwor im bar juon ear plastere kōn uno mouj.

[11] Kwōn ba ñan ro rej plastere kōn uno mouj bwe enaaj buñ. Enaaj wōt mijeljel im kom, wōt epen, naaj wōt]ok, im juon kōto e]ap enaaj tōre.

[12] Im lo, ñe worwor eo ej buñ, reban ba ñan eok ke, "Ewi plaster eo komar plaster e kake?"

[13] Kōn men in āindein an Irooj Jeova ba, "Ilo Aō illu Inaaj katōre juon kōto e]ap, im enaaj wōt mijeljel ilo Aō illu im enaaj wor wōt epen ñan kajepeep]ok e ilo Aō illu.

[14] Im Inaaj jolall]ok worwor eo kom ar plastere kōn uno mouk, im enaaj okjak ñan la], im enaaj alikkar foundeson eo an; im ñe ej buñ kom naaj jepeep]ok io]apen, im kom naaj je]ā bwe Ña Jeova.

[15] Im Inaaj kamat Aō illu ion worwor eo im ro raar plastere kōn uno mouj; im Inaaj ba ñan kom, 'Ejako worwor eo im ro raar plastere,

[16] aet, ri kanan ro an Israel, ro raar rikani] ñan Jerusalem, im raar lo vision in aenōmman kōn e, ak ejje]ok aenōmman," Irooj Jeova ej ba.

[17] "Im kwe, nejin armej, kwōn jell]ok ñan jiroñ ro nejin armej ro am ro rej rikani] jān būrueir make, im kwōn rikani] naer er.

[18] Im kwōn ba, 'Āindein an Irooj Jeova ba, Jerata ñan kōrā ro rej kiji kein kakōpel ion kōlalin peir otemjej im rej kōmman nuknuk aitok ion baran jabdewōt armej bwe ren kōkōjek armej. Kom naaj kakōjek armej ro doō ke im kōjparok ami mour?

[19] Im komij kowaan Eō ñan armej ro doñ kōn jidik wōt barli im jet mōttan pilawā bwe komwin man ro im ren jab kar mej, im bwe komwin kōjparok jet ro ren jab mour bwe ren mour, men in ej kōn ami riab ñan armej ro doō ro rej eoroñ riab.'

[20] Kōn men in, āindein an Irooj Jeova ba, 'Inaaj jumae kein kakōpel ko me komij kōkkure armej kaki bwe ren ke]ok; im Inaaj ju]oki jān peōmi, im Inaaj kōt]ok ro im komar kōkkure er bwe ren ke]ok.

[21] Im Inaaj jo]ok ami nuknuk aitok jān barami, im Inaaj]omōoren armej ro doō jān peōmi, im reban bar pād ilo peōmi bwe komwin kōkkure er. Innām kom naaj je]ā bwe Ña Jeova.

[22] Kōn ami kar kaburomōj būruen eo ewānōk kōn riab, ak Iar jab kabūromōj e, im kom ar kakajoor pein eo enana bwe en jab oktak jān ial ko an renana bwe en mour,

[23] kōn men in kom ban bar lo vision waan ak kōmman bubu; ak Inaaj]omōoren ro doō jān peōmi, innām komnaaj je]ā bwe Ña Jeova.

JEPTA 14

[Ez 14.1] Innām jet elder ro an Israel raar itok im jijet imāō.

[2] Im naan in Jeova ear itok ñan eō im ba,

[3] “Nejin armej, armej rein raar kajutak ekjab ko ilo bŭrueir, im raar likŭt iṃaan mejeir kein lŭkatip in jerŭwiwi ko aer. In likŭt bwe ren pukŭt Eŭ ñan jidik ke?”

[4] Kŭn men in kwŭn kŭnono ñan er, im kwŭn ba ñan er, ‘Äindein an Irooj Jeova ba, Jabdewŭt armej jän ṃŭn Israel eo ej kajutak ekjab ko an ilo bŭruen im ej likŭt iṃaan mejen kein lŭkatip in jerŭwiwi, im ej itok ñan juon ri kanan, Ña Jeova Inaaj uwaak e ekkar ñan ekjab ko an relŭñ,

[5] bwe In jibwe bŭruen ṃŭn Israel ro rettoḷok jän Eŭ kŭn aolep ekjab ko aer.’

[6] Kŭn men in, kwŭn ba ñan ṃŭn Israel, ‘Äindein an Irooj Jeova ba, Komwin ukeḷok im oktak jän ekjab ko ami, im komwin jaḷḷok jän aolep men in kajŭjŭ ko ami.

[7] Bwe jabdewŭt armej jän ṃŭn Israel ak ri itoitak eo ej itoitak ilo Jerusalem eo ej make kajenoḷok e jän Eŭ, im ej kajutak ekjab ko an ilo bŭruen im ej likŭt iṃaan mejen kein lŭkatip in jerŭwiwi ko an, im ej itok ñan juon ri kanan bwe en pukŭt Eŭ, Ña Jeova, Inaaj make uwaak e.

[8] Im Inaaj juṃae armej eo kŭn tŭrin meja, im Inaaj kŭmṃan e juon kakŭlle im jabŭn kŭnnaan, im Inaaj bukweḷok e jän ippän ro doŭ, innäm kom naaj jeḷä bwe Ña Jeova.

[9] Im eḷaññe eṃŭj kareel ri kanan eo bwe en kwaḷok juon men, Ña Jeova, Iar kareel ri kanan eo, im Inaaj erḷokwe peiŭ nae e im kŭkkure jän ippän Israel, ri aelŭñ ro Aŭ.

[10] Im renaaj inek bŭd ko aer, bŭd an ri kanaan enaaj äinwŭt bŭd eo eo ej pukŭt e,

[11] bwe ṃŭn Israel ren jab bar jebwäbwe jän Eŭ im ren jab bar make kattoon er kŭn aolep bŭd ko aer. Innäm renaaj Aŭ ri aelŭñ, im Inaaj aer Anij,’ Irooj Jeova ej ba.

[12] Im naan in Jeova ear itok ñan eŭ im ba,

[13] “Nejin armej, eḷaññe juon äne ej jerŭwiwi nae Eŭ kŭn an jab ṃool, Inaaj erḷokwe peiŭ nae e im ruje jokwŭnŭn pilawe eo an, im Inaaj jilkinḷok ñŭta ñan e, im Inaaj bukwe armej im men in mour jän e.

[14] Meñe armej rein jilu raar ilo e, Noa, Daniel, im Job, renaaj kar maroñ in ḷomŭoren er wŭt kŭn aer wänŭk,” Irooj Jeova ej ba.

[15] “Eḷaññe Ij kŭmṃan bwe men in mour ko renana rej dibḷok äne eo im ren ṃan aolep armej, im ejepeepḷok bwe eḷjeḷok enaaj etal ilujen kŭn men in mour ko,

[16] äinwŭt Ij mour, meñe armej rein jilu raar ilo e, ,” Irooj Jeova ej ba, “reban kar ḷomŭoren ro nejeir ṃaan im kŭrā; erjil wŭt renaaj bŭk ḷomŭor, ak äne eo enaaj jepeepḷok.

[17] Ak eḷaññe ij bŭk juon jāje ion äne in, im Ij ba, “Jāje, kwŭn ellä ion äne eo,” im Ij bukwe jän e armej im men in mour,

[18] Meñe armej rein jilu raar ilo e, äinwŭt Ij mour,” Irooj Jeova ej ba, “reban kar ḷomŭoren ro nejeir ṃaan im kŭrā, ak erjil wŭt renaaj bŭk ḷomŭor.

[19] Ak eḷaññe Ij jilkinḷok juon nañinmej ion äne in, im Ij lutŭkḷok Aŭ illu ion ilo bŭtŭktŭk bwe In bukwe jän e armej im men in mour,

[20] Meñe Noa, Daniel, im Job raar ilo e, äinwŭt Ij mour,” Irooj Jeova ej ba, “reban kar ḷomŭoren ro nejeir ṃaan im kŭrā, renaaj kar ḷomŭoren er make kŭn aer wänŭk.”

[21] Bwe äindein an Irooj Jeova ba, “Enañin ḷapḷok ñe Ij jilkinḷok Aŭ ekajet ko emän re pen nae Jerusalem -- jāje, ñŭta, men in mour ko relāj, im nañinmej -- bwe In bukwe armej im men in mour jän e.

[22] Ak, lo, enaaj wor jet ro rej päd wŭt ilo e, im renaaj äñintok er, nejeir ṃaan im kŭrā. Lo, renaaj diwŭjḷok ñan kom, im kom naan lo ial ko aer im ṃanit ko aer, innäm kom naaj jokwäne kŭn jorrään eo Ij kŭmṃane ñan Jerusalem, aet, aolep men ko Ij kŭmṃani nae e.

[23] Aet, kom naaj jokwane ñe kokmij lo ial ko aer im kōmman ko aer, innām kom naaj jeļā bwe Iar jab kōmman aolep men kein nae e kōn ejjeļok unin,” Irooj Jeova ej ba.

JEPTA 15

[Ez 15.1] Im Naan in Jeova ear itok ñan eō im ba,

[2] “Nejin armej, Etke emmanļok aļal in vain jān jabdewōt aļal in raan wōjke eo ej ilo bukwōn wōjke?

[3] Emōj bōk aļal jān e ke bwe ren kōmman jabdewōt men kake? Ak remaroñ ke kōmman juon doon jān e ñan totoki jabdewōt kein jermal kake?

[4] Eļañne emōj joļoke ilo kijeek āinwōt kane, im jabōn ko rejimor bwil im ioļapen e tuļaar, ewor ke tokjān ñan jabdewōt kein jermal?

[5] Ekwe, ke ear likio ear ejjeļok tokjān, innām enañin dikļok tokjān ke emōj an kijeek tile im etuļaar!

[6] Kōn men in, āindein an Irooj Jeova ba, Āinwōt jān wōjke ko ilo bukwōn wōjke, Iar lelōk aļal in vain ñan kane in kijeek, āindein Iar kōmmane ñan rej jokwe ilo Jerusalem.

[7] Im Iar jumae er kōn turin meja; meñe rej diwōjļok jān kijeek, kijeek eo enaaj kañ er. Innām komnaaj jeļā bwe Ña Jeova ñe Ij jumae kom kōn turin meja.

[8] Im Inaaj kōmmane āne eo bwe en jepeepļok kōnke raar kōmman bōd,” Irooj Jeova ej ba.

JEPTA 16

[Ez 16.1] Im naan in Jeova ear itok ñan eō im ba,

[2] “Nevin armej, kwōn kōjeļaik Jerusalem kōn men in kajōjō ko an.

[3] Im kwōn ba, ‘Āindein an Irooj Jeova ba ñan Jerusalem: kwar itok jān āne in Kenan, im kwar ļotak ie; jemōm ear juon ri Amor im jinōm ri Het.

[4] Im ikkijien iien in aṃ ļotak, ilo raan eo kwar ļotak ejjeļok ear mwijiti bwijōm ak kwaļe eok kōn dān bwe kwōn erreō; im ejjeļok ear piti eok ak kanuknuk eok.

[5] Ejjeļok ear reiwōj ilo tūriamō bwe en kōmman jabdewōt ian men kein im tūriamokake eok. Ak raar joļok eok ilo melaj, bwe raar kajekdoṃ eok ilo raan eo kwar ļotak.

[6] Innām Iar ellā jān eok, im Iar lo eok ke kwar dāpilpil ilo aṃ bōtōktōk. Im Iar ba ñan eok ke kwar pād ilo aṃ bōtōktōk, ‘Kwōn mour.’ Aet, Iar ba ñan eok ke kwar pād ilo aṃ bōtōktōk, ‘Kwōn mour.’

[7] Iar kōmman bwe kwōn eddekļok āinwōt men in eddek ko ilo melaj, im kwar rūttoļok im eddekļok, im kwar āinwōt inōk ko reaorōk. Emōj an bwā ittōm im eddekļok kooļ in baram, ak kwar kelwaan im koliāt wōt.

[8] Innām Iar ellā jān eok, im Iar lo eok, im lo, kwar tōpar iien yokwe. Innām Iar erļokwe jabōn nuknuk eo Aō ioṃ, im Iar kalibubu aṃ keelwan. Im Iar kanejneñ ñan eok im kōmman juon bujen ippām,” Irooj Jeova ej ba, “im kwar Aō.

[9] Innām Iar kwaļe eok kōn dān im karreok eok jān bōtōktōkōm, im Iar kapit eok kōn oil.

[10] Im Iar kanuknuk eok kōn nuknuk tiltil, im ear lewōj juj jān kilin men in mour. Iar kōrape eok kōn linen, im Iar kalibubuik eok kōn silk.

[11] Im Iar kainōknōk eok, im Iar lewōj pāñiko ko ion peōm im marmar ion kenwaam.

[12] Im Iar likūt juon riñ ion boṃdoṃ im diede ko ion lojilñōm im juon kūrawūn eaiboojōj ion baram.

[13] Emōj kainōknōk eok kōn gold im silver, nuknuk ko aṃ raar jān linen im silk im nuknuk ko re tiltil. Kwar ṃōñā pilawā kwedik im ðne im oil, im kwar kanooj deḡ, im kwar erom juon lerooj.

[14] Innām aṃ buñbuñ ear etal ñan aelōñ ko kōn aṃ deḡ, bwe ear weeppan kōn Aō aiboojoj eo Iar likūt iom,” Irooj Jeova ej ba.

[15] Ak kwar lōke aṃ deḡ, im kwar }ōñ kōnke kwar buñbuñ. Im kwar lutōk}ōk }ōñ ko aṃ ion aolep ro raar ellā, im ear an.

[16] Im kwar bōk nuknuk ko aṃ im kwar kōṃṃane ñan eok jikin ko reutiej ekārāre unokān, im kwar kōṃṃan }ōñ ioer; men in en kar jab walōk ñan jidik.

[17] Kab kwar bōk aṃ inōk ko reaiboojoj me rej jān Aō gold im silver ko Iar lewōj, im kwār kōṃṃan jāni ekjab ko ilo wāween ṃōṃaan, im kwar kōṃṃan }ōñ ippaer.

[18] Kwar bōk nuknuk ko rettil ko aṃ im kalibubuiki, im kwar likūt Aō oil im kaijurjur iṃaer.

[19] Kab Aō ṃōñā me Iar lewōj (pilawā kwedik, im oil im ðne) im Iar najdik eok kake, kwar likūt iṃaer āinwōt kaijurjur eñaj. Im ear āindein, Irooj Jeova ej ba.

[20] Im kwar bōk ro nejōṃ ṃaan im kōrā ro kwar keotak ñan Eō, im kwar katok kake er āinwōt ṃōñā kijan ekjab ko. Ear dik tokjān }ōñ ko aṃ ke?

[21] Im kwar ṃan ro nejiō im kōṃṃan bwe ren dibōk kijeek ñan er.

[22] Ilo men in kajōjō ko im }ōñ ko aṃ otemjej kwar jab kememej raan ko ke kwar dik, ke kwar keelwan im koliāt ,im kwardāpilpil ilo aṃ bōtōktōk.

[23] Jerata, Jerata ñan kwe,” Irooj Jeova ej ba, “Im ṃōjen nana ko aṃ otemjej,

[24] kwar kalek be ñan kwe make, im kwar kōṃṃan ñan kwe jikin ko reutiej ilo ial otemjej.

[25] Kwar kalek aṃ jikin ko reutiej ilo jabōn ial otemjej, im kwar kōṃṃan bwe aṃ deḡ en kajōjō, im kwar kapel}ōk neḡṃ ñan aolep ro raar ellā, im kwar kor}ōk }ōñ ko aṃ.

[26] Im kwar }ōñ ippān ro ri Ijipt, ro ri turōṃ ro rekōṃaan kajejjjet mōm in kanniōk, im kwar kor}ōk }ōñ ko aṃ ñan kaillu Eō.

[27] Im lo, Iar erlōkwe peiḡ nae eok, im Iar kadik}ōk kij eo aṃ, im Iar lelōk eok ñan ankilaan ro rej dike eok, jiroñ ro nejin ro ri Pilistia, ro rej jook kōn ṃanit ko aṃ rettoon.

[28] Im kwar }ōñ ippān ro ri Assiria kōnke ear jab mat kōṃaan ko aṃ; aet, kwar }ōñ ippaer ak ear jab mat kōṃaan ko aṃ.

[29] Im kwar kor}ōk }ōñ ko aṃ ñan āne in ro ri wia, Babilōn; ak ear jab mat būruōṃ kōn men in.

[30] Enañin ṃōjṃḡ būruōṃ,” Irooj Jeova ej ba. “ke kwōn kōṃṃan aolepen men kein, āinwōt ṃanit ko an juon kōrā ekijoñ eperan!

[31] Ke kwar kalek be ko aṃ ilo jabōn ial ko otemjej, im kwar kōṃṃane aṃ jikin ko reutiej ilo ial otemjej, kwar jab āinwōt juon kōrā ekijoñ, bwe kwar dike bōk ṃanni.

[32] Kwe juon kōrā pālele e}ōñ; kwōj bōk ruwamaejet im jab }eo pāleem.

[33] Rej lelōk men in lelōk ñan aolep kōrā rekijoñ, ak kwōj lelōk men in lelōk ñan aolep ro jeraṃ, im kwōj kō}lā oṃaer bwe ren de}ōñ ñan ippaṃ jān ipelaakin kōn }ōñ ko aṃ.

[34] Ak kwō oktak jān kōrān ro jet ilo aṃ kōṃṃan }ōñ, im ejjelōk ej pukōt eok bwe en }ōñ ippaṃ. Kwōj lelōk ṃanni ak rejab lewōj ṃanni; kōn men in kwō oktak.

[35] Kōn men in, kweo ej }ōñ, kwōn roñjake naan in Jeova.

[36] Āindein an Irooj Jeova ba, Kōnke emōj lutōk}ōk aṃ ettoon im alikkar aṃ keelwan ilo }ōñ ko aṃ ippān ro jeraṃ im ippān aolep ekjab ko aṃ rekajōjō, im kōn bōtōktōken ro nejōṃ ro kwar lelōk ñan er,

[37] Kōn men in, lo Inaaj kokweloktok ro ri jeraṃ otemjej ro kwar ṃōṃōṃō ippaer -- ro otemjej kwar yokwe er kab ro otemjej kwar dike er. Im Inaaj kokweloktok er nae eok jān ipelaakōṃ, im Inaaj kwaṃok aṃ keelwan ṃan er, im renaaj lo aolepen aṃ kweelan.

[38] Im Inaaj ekajet eok kōn ekajet an kōrā ro rej ḷōṃ ak katoṃṃok bōtōktōk; im Inaaj lewōj bōtōktōken illu im kamo.

[39] Im inaaj lelōk eok ṃa ilo peir, im renaaj joṃok be ko aṃ im rupelaṃṃok aṃ jikin ko reutiej, im renaaj joṃok nuknuk ko aṃ jān eok im bōk inōk ko aṃ reaiboojoj, im renaaj likūt eok keelwan im koleiāt.

[40] Im renaaj āṃinwōj juon jar in arnej, im renaaj kade eok kōn dekā im jeke eok kōn jāje ko aer.

[41] Im renaaj tile ṃoko iṃōṃ kōn kijeek im ekajet eok iṃaan mejen elōṃ kōrā. Innām Inaaj kabōjrak ḷōṃ ko aṃ, im koban bar kōḷḷā oṃean ro jeraṃ.

[42] Innām Aō illu nae eok enaaj jeṃṃok, im Aō kamo enaaj iloṃ jān eok, im Inaaj ikōṃ im jab bar illu.

[43] Kōn aṃ jab kememej raan ko ke kwar dik, ak kwar kaillu Eō kōn aolepen men kein, innām Inaaj bōktok ial ko aṃ iion baram,," Irooj Jeova ej ba, "im koban kōṃṃan ettoon koba ippān aolep men in kajōjō ko aṃ.

[44] Ekwe, aolep ro rej kwaṃok jabōn kōnnaan renaaj kwaṃok jabōn kōnnaan in nae eok im ba, "Ledik eo nejin ej āinwōt jinen."

[45] Kwe nejin jinōṃ eo ear kitōtōkake ḷeo pāleen im ro nejin, im kwe jimjein jimjaten kōrā ro jimjeiṃ jimjateṃ ro raar kitōtōkake ḷōṃaro pāleir im ro nejeir. Jinōṃ ear ri Het, im jemaṃ ear ri Amor.

[46] Im kōrā eo jeiṃ ej Sameria; e im limaro nejin rej jokwe tu-anminōṃ. Im kōrā eo jātōṃ eo ej jokwe tu-anmonōṃ ej Sodom im limaro nejin.

[47] Kwar jab etetal ilo ial ko aer ak kōṃṃan ekkar ṃan men in kajōjō ko aer. Ak āinwōt eḷāṃne men kein redik wōt, kwar nana jān er ilo aolep ial ko aṃ.

[48] "Āinwōt Ij mour," Irooj Jeova ej ba, "Sodom, jeiṃ, im limaro nejin raar jab kōṃṃan āinwōt kwe im limaro nejōṃ komar kōṃṃani.

[49] Ekwe, men in ruōṃ jeiṃ Sodom: e im ro nejin ear utiej burueir, ear bol kijeir, im raar tōt wōt, ak raar jab kakajoor pein ro ri jeraṃōl im ri aikuj.

[50] Raar juwa im raar kōṃṃan men in kajōjō iṃaō. Innām Iar joṃok er ke Iar loe.

[51] Im Sameria ear jab kōṃṃan jimmetan jerōwiwi ko kwar kōṃṃani. Ak kwar korṃok men in kajōjō ko aṃ jān er; im kōn aolep men in kajōjō ko aṃ ko kwar kōṃṃani, kwar kōṃṃan bwe limaro jimjeiṃ jimjatōṃ rej āinwōt rū wānōk.

[52] Innām kwe, kwōn bōk eddo kōn aṃ nana, bwe kwar ekajet limaro jimjeiṃ jim jatōṃ. Kōn jerōwiwi ko aṃ ko raar kajōjō jān er, kwar kōṃṃan er bwe ren āinwōt wānōk jān kwe. Innām kwōn jook im bōk eddo kōn aṃ nana kōn aṃ kōṃṃan bwe limaro jimjeiṃ jimjatōṃ ren āinwōt rū wānōk.

[53] Ak Inaaj karol jepōkwe ko aer: jepōkwe eo an Sodom im limaro nejin, im jepōkwe an Sameria im limaro nejin, im barāinwōt Inaaj karol jepōkwe eo aṃ ippaer,

[54] bwe kwōn bōk eddo kōn aṃ nana im kwōn jook kōn aolep men ko kwar kōṃṃani ke kwar kaenōṃṃan er.

[55] Im jimjeiṃ jimjatōṃ Sodom im limaro nejin enaaj rol im āinwōt ṃokta, im Sameria im limaro nejin renaaj rol im āinwōt ṃokta, im kwe im limaro nejōṃ komnaaj rol im āinwōt ṃokta.

- [56] Ekar ejjelok naan kōn jatōm Sodom jān tiōm ilo raan in aṃ juwa,
 [57] moṃta jān aer kwaḷok aṃ nana. Im kiiō kwōj men in kajirere an limaro nejin Idom im aolep ro rej ipelaakin im limaro nejin ri Pilista -- ro otemjej jān ipelaakin ro raar kōjdāt eok .
 [58] Kwar bōk eddo kōn nana ko aṃ im men in kajōjō ko aṃ,” Jeova ej ba.
 [59] Āindein an Irooj Jeova ba, “Inaaj kōmman ñan eok āinwōt kwar kōmmane, kweo kwar kajekdoṃon kallimur eo kōn aṃ rupe bujen eo.
 [60] Ak Inaaj kememej Aō bujen ippaṃ ilo raar ko ke kwar dik, im Inaaj kapen ñan eok juon bujen ñan indeeo.
 [61] Innām kwōnaaj kememej ial ko aṃ, im kwōnaaj jook ñe kwōj bōk limaro jeōm im jatōm, im Inaaj lewōj er āinwōt limaro nejōm ak jab kōn bujen eo aṃ.
 [62] Im Inaaj make kapen Aō bujen ippaṃ, innām kwōnaaj jelā bwe Ña Jeova,
 [63] bwe kwōn kememej im jook im jab bar kapeḷḷok loñōm kōn aṃ jook ke Ij pinmuur ñan eok kōn men otemjej kwar kōmmani,” Irooj Jeova ej ba.

JEPTA 17

- [Ez 17.1] Innām Naan in Jeova ear itok ñan eō im ba,
 [2] “Nejin armej, kwōn kōmman juon loñña im jabōn kōnnaan ñan moñ Israel.
 [3] Im Ear ba, Āindein an Irooj Jeova ba, juon igōl eḷap me ekilep pein im eaitōk koolan pein, im elōñ koolan in pein e kādede unokan, ear itok ñan Lebanon im bōk jabōn juon wōjke aik.
 [4] Im ear tumi ra ko reub im re pād loñ tata, im ear bōkiḷok ñan āne in ri wia, im ear ekkat e ilo juon jikin kweiḷok an ro ri wia im wiakaki.
 [5] Im ear bōk jet ian ine in āne, im ear ekkat e ilo juon melaj e kauwa; ear bōk im likūt e iturin elōñ dān āinwōt juon wōjke willo.
 [6] Im ear eddek im erom juon vain etōbalbal im ettā, im raan raar jellok ñan e, ak okar ko raar pād iumwin. Ear erom juon vain im kwaḷok raan im jilinḷok ra ko reub.
 [7] Ak ear wor bar juon igōl eḷap me ekilep pein im elōñ koolan pein, im lo, vain in ear jinietḷok okraan ñan e im jilkinḷok raan ñan e jān jikin eo eṃōj ekkat e ie bwe en wutdikdik e.
 [8] Eṃōj ekkat e ilo juon āne eṃman iturin elōñ dān bwe en kwaḷok ra ko im leen bwe en erom juon vain eṃman.’
 [9] Kwōn ba, ‘Āindein an Irooj Jeova ba, enaaj jeraṃman ke? Eban tumi okran im jeke leen bwe en moṃrāḷok ke? Aolep bōlōk ko reub renaaj moṃrāḷok. Reban aikuj eḷap kajoor ak elōñ armej bwe ren tumi kōn okran.
 [10] Ekwe, meñe eṃōj ekkat e, enaaj jeraṃman ke? Eban lukkuun moṃrāḷok ke ñe kōto jān rear ej tōpar e - moṃrāḷok ilo jikin ear eddek ie?”
 [11] Innām Naan in Jeova ear itok ñan eō im ba,
 [12] “Kwōn ba kiiō ñan jar eo ekapata, ‘Komij jab jelā ta men kein ke? Ekwe Kiñ in Babilon ear itok ñan Jerusalem im bōk kiñ eo an im irooj ro an, im ear āñinḷok er ñan e ilo Babilōn.
 [13] Im ear bōk juon jān baamle an kiñ eo im kōmman juon bujen ippān, im ear kōmman bwe en kanōjnōj, im ear bōk ro ri kajoor an āneo,
 [14] bwe aelōñ eo en ettā im jab maroñ make koutiej e, im bwe en aikuj kōjparok bujen eo bwe en jutak wōt.

[15] Ak ear kapata nae e ilo an jilkin]ok ri jelok ro an ñan Ijpt bwe ren lelok ñan e kiria im elõn armej. Enaaj jeraamman ke? Eo ej kōmman men kein enaaj joor ke? Emaroñ rupe bujen eo im joor ke?

[16] Āinwõt Ij mour,” Irooj Jeova ej ba, “ilo mool enaaj mej ilo Babilõn, ilo jikin kiñ eo ear kairooj e bwe en kiñ, im eo kanejnej eo an ear kajekdoone, im bujen eo an ear rupe.

[17] Im Pero, kōn jar in tariṇae eo an eḷap im jar ko relõn, eban jipañ e ilo tariṇae eo ñe rej ejaak bat ko im kōmman juon me bwe ren bukwe]ok elõn armej.

[18] Im ear kajekdoon kanejnej eo kōn an rupe bujen eo, ak lale mōk, ear lelok pein im kōmman aolepen men kein; eban joor.

[19] Kōn men in, āindein an Irooj Jeova ba, Āinwõt Ij mour, Ilo mool Aō kanejnej eo ear kajekdoone im Aō bujen eo ear rupe, Inaaj liloki ion baran.

[20] Im Inaaj erlokwe ok eo Aō ion, im enaaj po ilo aujid eo Aō. Innām Inaaj āñin]ok e ñan Babilon im ekajet e ijo kōn bōd ko an ko ear bōd kaki nae Eō.

[21] Im aolep jar in tariṇae ko an ro rej ko renaaj buñ kōj jāje, im ro rej pādwõt renaaj kejiplōklōk er ñan kōto ko otemjej; innām kom naaj jelā bwe Ña Jeova Iar ba men in.

[22] Āindein an Irooj Jeova ba, Inaaj bōk juon ra eub jān jabōn wōjke aik eo, im Inaaj ekkat e. Inaaj tum juon ra epidodo jān ro ko an relõntata, im Inaaj ekkat e ion juon to] eutie] im]ap.

[23] Inaaj ekkat e ion tol eutie] in Israel, im enaaj kwa]ok raan im leen, im enaaj erom juon aik emman. Im aolep kain bao renaaj jokwe iumwin, im ilo lurin ra ko an renaaj jokwe.

[24] Im aolep wōjke in melaj renaaj jelā bwe Ña Jeova Ij kōttāik wōjke eo eutie] im koutiej wōjke eo ettā; Ij kōmōrāiki wōjke eo emourur im kemour wōjke eo emōrā. Ña Jeova, Iar kōnono, im Inaaj kōmmane.”

JEPTA 18

[Ez 18.1] Im Naan in Jeova ear itok ñan eō im ba,

[2] “Ta eo komij meje]ein ñe komij kwa]ok jabōn kōnnaan in ikijjien āne in Israel im ba, ‘Jemaer raar kañ grep ko rejab kalo, im ñien ajri re meñ’?

[3] Āinwõt Ij mour,” Irooj Jeova ej ba, “emool reban bar kwa]ok jabōn kōnnaan in ilo Israel.

[4] Bwe jetōb an aolep armej rej Aō; jetōb ān jeman im jetōb an nejin rej jimor Aō; eo ej jerowiwī, e eo enaaj mej.

[5] Im e]añne juon armej ewānōk, im ej kōmman jimwe im wānōk.

[6] Ejab mōñā ion tol ko ak kotak mejen ñan ekjab ko an mōn Israel, im ejab kattoon lio pāleen ri turin ak kepaak ñan juon kōrā eo mantin kōrā ippān.

[7] Ejab ke]orrāān jabdewōt; ej keje]laak kein ka]uri ñan ri]uri; ejab rakim; ej lelok kijen ñan ro rekwōle, im ej kalibubu ri keelwaan kōn nuknuk.

[8] Ejab lelok kōn jimair, im ejab bōk or]ok; ej keje]laak pein jān nana; ej kōmman ekajet emool kōtaan armej.

[9] Ej etetal ilo kien ko Aō, im ej pokake ekajet ko Aō bwe en kōmman jimwe; e rū wānōk, im enaaj mour,” Irooj Jeova ej ba.

[10] E]añne ej keotak juon nejin elā] eo ej katōr]ok bōtōktōk ak ej kōmmane jabdewōt ian men kein,

[11] (ak e make ear jab kōmman aolepen men kein), āinwõt ej mōñ ion tol ko ak ej kattoon lio pāleen ri turin.

- [12] Ej kɔkkure ri jeraṃōl im ri aiku; ej kejjorrāān; ejab kajep]aak kein kaṃuri eo, im ej kotak mejen ṅan ekjab ko; ej kōṃṃan men in kajōjō.
- [13] Ej lelɔk kōn jimair im bōk or]ɔk. Enaaj mour ke? Eban mour. Ear kōṃṃan men in kajōjō kein otemjej. Eṃool enaaj mej; bōtōktōken enaaj pād ion e make.
- [14] Ekwe, e]aññe ej keotak juon nejin eo ear lo aolep jerɔwiwi ko an jeman ko ear kōṃṃani, im ej loe, ak ejab kōṃṃan āindein,
- [15] Ejab ṃōñā ion to] ko, im ejab kotak mejen ṅan ekjab ko an ṃōn Israel; ejab kattoon lio pāleen ri turin.
- [16] Im ejab kejjorrāān armej ak dāpij kein ka ṃuri eo ak kɔot; ej lelɔk kijen ṅan ro re kwōle im ej kalibubu ro rekeelwaan kōn nuknuk.
- [17] Ej dāpij pein jān ro rejeraṃōl; ejab bōk jimair ak or]ɔk; ej kōṃṃan jimwe; ej etetal ilo kien ko Aō; eban mej kōn jerɔwiwi an jeman; eṃool enaaj mour.
- [18] Ak jeman enaaj mej kōn bōd ko an kōnke ear kowadoñ im kɔot jān jimjein jimjaten im kōṃṃan men ko rejab eṃṃan ibwiljin armej ro doon.
- [19] Ak komij ba, ‘Etke nejin ejab bōk eddo kōn bōd ko an jeman?’ Ñe nejin ear kōṃṃan jimwe im wānōk, im ear pokake aolep kien ko Aō im kōjparoki, eṃool enaaj mour.
- [20] Eo ej jerɔwiwi, e eo enaaj mej. Nejin eban bōd eddo kōn bōd ko an jeman, im jeman eban bōk eddo kōn bōd ko an nejin; wānōk eo an rū wānōk enaaj iion e, im nana eo an ri nana enaaj ion e.
- [21] Ak e]aññe ri nana eo ej oktak jān aolep jerɔwiwi ko an ko ear kōṃṃani, im ej pokake aolep kien ko Aō, im ej kōṃṃane jimwe im wānōk, eṃool enaaj mour; eban mej.
- [22] Reban kememej nae e aolep nana ko an ko ear kōṃṃani; enaaj mour kōn wānōk eo an eo ear kōṃṃane.
- [23] Iṃōṃōṃō kake mej an ri nana im jab ilo an oktak jān ial ko an im mour ke?” Irooj Jeova ej ba.
- [24] Im ñe juon ri wānōk ej oktak jān wānōk ko an im ej kōṃṃan nana āinwōt aolep men in kajōjō ko ri nana eo ear kōṃṃani, enaaj mour ke? Reban kememej aolep wānōk ko an ko ear kōṃṃani kōn bōd eo an eo ear kōṃṃane im kōn jerɔwiwi eo an eo ear kōṃṃani; enaaj mej kōn men kein.
- [25] Ak komij ba, ‘Ial an Irooj ejab jimwe.’ Kiiō komwin roñjake, ṃōn Israel. Ial ko aō rejab jimwe ke? Ejab ial ko ami me rejab jimwe ke?
- [26] Ñe juon rū wānōk ej oktak jān wānōk eo an, im ej kōṃṃan nana, im ej mej kōn i, innām ej mej kōn nana eo an eo ear kōṃṃane.
- [27] Im e]aññe ri nana eo ej oktak jān an nana eo ear kōṃṃane, im ej kōṃṃan jimwe im wānōk, enaaj lomɔoren an.
- [28] Ear lo im oktak jān aolep nana ko an ko ear kōṃṃani. Eṃool enaaj mour im jab mej.
- [29] Ak ṃōn Israel rej ba, ‘Ial an Irooj ejab jimwe.’ Ejab jimwe ial ko Aō ke, O ṃōn Israel? Ejab ial ko ami ko rejab jimwe ke?
- [30] Kōn men in, Inaaj ekajet kom jabdewōt ekkar ṅan ial ko an, O ṃōn Israel,” Irooj Jeova ej ba. “Komwin uke]ɔk im oktak jān aolep nana ko ami, innām jerɔwiwi eban lōkatipe kom.
- [31] Komwin jo]ɔk jān kom aolep nana ko ami ko kom ar kōṃṃani, im kōṃṃan ṅan kom juon buru ekāāl im juon jetōb ekāāl, bwe etke kom naaj mej, O ṃōn Israel?
- [32] Bwe Ijab ṃōṃōṃō kake mej an eo ej mej,” Irooj Jeova ej ba. “Innām komwin oktak im mour!”

JEPTA 19

[Ez 19.1] Kwōn kwa]ɔk juon liaaj]ɔ kōn irooj ro in Israel,

[2] im kwōn ba, “Jinōm ear ta? Ear juon laiōn kokōrā ian laiōn ko! Ear babu ibwiljin laion ko redik im lale kon ko an.

[3] Im ear lale juon ian kon ko an, im ear erom juon laiōn ekajoor, im ear katak kilen kekel men in jibwe ko an, im ear kañ armej.

[4] Innām aelōñ ko raar roñ kōn e; emōj an po ilo roñ eo aer. Raar āñin]ok e kōn kãj ñan āne in Ijpt.

[5] Innām ke ear lo bwe meñe ear kattar, ejako kōjatdikdik eo an, ear bōk bar juon ian ko ko nejin im kōmman e bwe en juon laiōn ekajoor.

[6] Im ear itoitak ibwiljin laiōn ko, im ear erom juon laion ekajoor. Im ear katak kilen kekel men in jibwe ko an; ear kañ armej.

[7] Ear rupe me ko an im kajepeep]ok jikin kwei]ok ko an, im āneo im kobban raar jepeep]ok kōn āinikien rorror eo an.

[8] Innām aelōñ ko raar itok nae e jān bukwōn ko aer ipelaakin, im raar erlōkwe ok eo aer ñan e; e po ilo roñ eo aer.

[9] Im raar likūt e ilo juon worwor kōn kãj ko, im raar āñin]ok e ñan kiñ in Babilon. Raar kade]oñ e ilo juon jikin kalbuuj bwe ren jab bar roñ ainikien ion to] ko in Israel.

[10] Jinōm ear āinwōt juon vain ilo jikin vain eo am, emōj ekkat e iturin dān. Ear wor elōñ leen im raan kōn an]ap dān ie.

[11] Im ra ko raan raar pen āinwōt ekkar ñan jokwōnon irooj ro, im ear utiej jān ra ko remijōl, im ear walok ilo an utiej im lōñ raan.

[12] Ak emōj tume ilo illu im jo]a]ok e ñan āne; im juon kōto jān rear ear kamōrāiki leen. Ra ko raan rekajoor emōj bwiloki im raar mōrā]ok. Kijeek ear kañe.

[13] Ak kiiō emōj ekkat e ilo āne jemaden, ilo juon āne emōrā im eo ej aikuj dān.

[14] Im kijeek ear walok jān juon ian ra ko raan, im ear kañe leen. Im ejje]ok an ra epen ñan juon jokwōnon irooj. Men in ej juon liaaj]o] im enaaj ñan juon liaaj]o].

JEPTA 20

[Ez 20.1] Im ilo iiō eo kein ka jiljilimjuon, ilo allōñ eo kein ka lalem, im raan eo kein ka joñoul in allōñ eo, jet armej jān elder ro in Israel raar itok bwe ren kajjitōk ippān Jeova, im raar jijet imaō.

[2] Im Naan in Jeova ear itok ñan eō im ba,

[3] “Nejin armej, kwōn kōnono ñan elder ro in Israel im ba ñan er, ‘Āindein an Irooj Jeova ba, Komij itok ñan kajjitōk Ippa ke? Āinwōt Ij mour, Iban kōt]ok bwe komwin kajjitōk Ippa,’ Irooj Jeova ej ba.

[4] Kwōnaaj ekajet er ke? Kwōnaaj ekajet er ke, nejin armej? Kwōn kaalikkar ñan er men in kajjōjō ko an ro jemeir.

[5] Im kwōn ba ñan er, ‘Āindein an Irooj Jeova ba, Ilo raan eo Iar kãālōt Israel im kotak peiō ñan ineen mōn Jakob, im Iar kwa]ok Ña make ñan er ilo āne in Ijpt, im Iar kanejnej ñan er im ba, ‘Ña Jeova ami Anij.’

[6] Ilo raar eo Iar kanejnej ñan er bwe In kadiwōj]ok er jān āne in Ijpt ñan juon āne eo Iar kãālōte ñan er eo ej ibwijlelep kōn milik im òne im eo eaiboojoj ian āne otemjej.

[7] Im Iar ba ñan er, ‘Jabdewōt iami en jo]ok men in kajjōjō ko an mejen, im komwin jab make kattoon kom kōn ekjab ko an Ijpt. Ña Jeova ami Anij.’

[8] Ak raar kapata nae Eō, im raar jab kōṇaan eorōñ Eō. Jabdewōt iaer ear jab joḷok men in kajōjō ko an mejen, im raar jab iloḷ jān ekjab ko an Ijijt. Innām iar ba Inaaj lutōkḷok Aō illu ebwil ioer ṇān kamat Aō illo ioer ioḷapen āne in Ijijt.

[9] Ak kōn Eta Iar jermal bwe en jab ettoon iṃaan mejen ri aelōñ ko me raar pād ibwiljir im me iṃaan mejeir Iar kwaḷok Ña make ṇān er ke Iar kadiwōjḷok er jān āne in Ijijt.

[10] Innām Iar kadiwōjḷok er jān āne in Ijijt, im Iar āñinḷok er ṇān āne jeṃaden eo.

[11] Im Iar lilok ṇān er kien ko Aō, im Iar kajelāik er kōn ekajet ko Aō, kōn ko, eḷaññe juon armej ej kōjparok i, enaaj mour.

[12] Barāinwōt Iar lelōk ṇān er Jabōt ko Aō bwe ren juon kakōḷḷe ikōtaō im er bwe ren jeḷā bwe Ña Jeova Eo ej kokwōjarjar er.

[13] Im ṃōn Israel raar kapata nae Eō ilo āne jeṃaden. Raar jab etetal ilo kien ko Aō, im raar kajekdoṃ ekajet ko Aō me eḷaññe juon armej ej kōjparoki, enaaj mour. Kab raar kanooj koḷkure Jabōt ko Aō. Innām Iar ba, Inaaj lutōkḷok Aō illu ioer ilo āne jeṃaden bwe ren jako.

[14] Ak Iar jermal kōn Eta bwe en jab ettoon ilo mejen ri aelōñ ko ro Iar kadiwōjḷok er iṃaer.

[15] Im barāinwōt Iar kanejnej ṇān er ilo āne jeṃaden bwe In jab kadeḷoñ er ṇān āne eo Iar lelōk ṇān er eo ej ibwijleplep kōn milik im ōne eo e aiboojoj ian āne otemjej,

[16] kōnke raar kajekdoṃ ekajet ko Aō, im kien ko Aō raar jab etetal ilo er, im raar koḷkure Jabōt ko Aō, bwe būrueir raar ḷoor ekjab ko.

[17] Ak Meja ear tūriamokake er bwe In jab man er, im Iar jab kanooj koḷkure er ilo āne jeṃaden.

[18] Im Iar ba ṇān ro nejeir ilo āne jeṃaden eo, ‘Koṃwin jab etetal ilo kien ko an ro jememi im koṃwin jab ḷoor ekajet ko aer ak make kattoon kom kōn ekjab ko aer.

[19] Ña Jeova ami Anij. Koṃwin etetal ilo kien ko Ao im koṃwin pokake ekajet ko Aō im kōṃmani.

[20] Kab koṃwin kokwōjarjar Jabōt ko Aō, im renaaj āinwōt juon kakōḷḷe ikōtaō im kom bwe koṃwin jeḷā bwe Ña Jeova ami Anij.

[21] Ak ro nejeir raar kapata nae Eō. Raar jab etetal ilo kien ko Aō, im raar jab pokake ekajet ko Aō ṇān kōṃmane, im ko, eḷaññe juon armej ej kōṃmani enaaj mour. Im raar koḷkure Jabōt ko Aō.

Innām Iar ba bwe Inaaj lutōkḷok Aō illu ebwil ioer im kajejjet Aō illu nae er ilo āne jeṃaden.

[22] Ak Iar bar bōk Peiō im jermal kōn Eta bwe en jab ettoon iṃaan mejen ri aelōñ ko iṃaan ro Iar kadiwōjḷok er.

[23] Kab Iar kanejnej ṇān er ilo āne jeṃaden bwe In kijeplōklōk er ṇān aelōñ ko im biōk er ilo āne ko,

[24] kōnke raar jab kōṃman ekajet ko Aō, im raar kajekdoṃ kien ko Aō, im raar koḷkure Jabōt ko Aō, im mejeir raar ṇān ekjab ko an ro jemaer.

[25] Im barāinwōt Iar lilok ṇān er kien ko rejab eṃman im ekajet ko raar jab maroñ in mour kaki.

[26] Im Iar watōk er ettoon kōn jurtak ko aer (bwe raar kōṃman bwe ṃaanjien lojien en dibuk kijeek) bwe In kejepeepḷok er bwe ren jeḷā bwe Ña Jeova.

[27] Kōn men in, kwōn kōnono ṇān ṃōn Israel, nejin armej, im kwōn ba ṇān er, ‘Āindein an Irooj Jeova ba, Ilo men in ro jememi raar blaspim nae Eō ilo aer kōṃman bōd.

[28] Ke Iar kadeḷoñ er ilo āne eo Iar kanejnej bwe in lelōk e ṇān er, innām raar lo aolep baat ko reutieḷ im wōjke ko remejil. Im raar katok kōn katok ko aer ie, im raar lelōk ie jurtak ko raar kaillu Eō, im raar kōṃman ie kaijurjur eñaj, im raar lutōkḷok aer katok idaak ie.’

[29] Innām Iar ba ṇān er, ‘Ta jikin in eutieḷ komij etal ṇān e?’ Rej naetan Bama ṇān rainin.

[30] Kōn men in, kwōn ba ñan mōn Israel, ‘Āindein an Irooj jeova ba, Kom naaj kattoo kom ilo ial ko an ro jememi ke? Im kom naaj ļōñkake men in kajōjō ko aer ke?

[31] Im ñe kwōj lilōk men in lelōk ko ami im ñe komij kōmman bwe ro nejōmi ren dibuk kijeek, komij make kattoo kom kōn ekjab ko ami ñan rainin wōt. Im In likūt bwe komwin kajjitōk Ippa ke? Āinwōt Ij mour,” Irooj Jeova ej ba, “Iban likūt bwe komwin kajjitōk Ippa.

[32] Im men eo ilo ļōmṅak ko aṃ eban walōk, ñe komij ba, ‘Kōm naaj āinwōt ri aelōñ ko, āinwōt bwij ko an āne ko, ñan karijer ñan aļal im dekā.

[33] Āinwōt Ij mour,” Irooj Jeova ej ba, “Eṃōol Inaaj Irooj iomi kōn juon pa ekajoor im erlōkwe im kōn illu eṃōj lutōkļok.

[34] Im kōn juon pa ekajoor im erlōkwe im kōn illu eṃōj lutōkļok, Inaaj kadiwōjtok kom jān armej ro, im Inaaj kokweiļoktok kom jān āne ko ijo eṃōj kajeplōklōk kom ñan ie.

[35] Im Inaaj āñintok kom ñan āne jeṃaden an armej, im Inaaj ekajet kom ijo jelṃae doon.

[36] Āinwōt ke iar ekajet ro jememi ilo āne jeṃaden in āne in Ijipt, āindein Inaaj ekajet kom,” Irooj Jeova ej ba.

[37] Im Inaaj kōmman bwe komwin ellā iumwin jokwōn eo, im Inaaj kadeļok kom iñan lliāpe in bujen eo.

[38] Im Inaaj joļok jān kom ro rej kapata im juṃae Eō; Inaaj kadiwōjļok er jān āne eo ijo rej pād ie, ak reban deļoñ ilo āne in Israel. Innām kom naaj jelā bwe Ņa Jeova.

[39] Āindein an Irooj Jeova ba, Jabdewōt iami en ļoor im jerbāl ñan ekjab ko an, ak tokālik ilo ṃool kom naaj eoroñ Eō. Im kom ban bar kananaik Eta ekwōjarjar kōn men in lilōk ko ami im ekjab ko ami.

[40] Bwe ion toļ eo Aō ekwōjarjar, toļ eo eutie an Israel, aolepen mōn Israel, aolepeir, renaaj jerbāl ñan Eō ilo āne eo,” Irooj Jeova ej ba. “Ijo Inaaj bōk kom, im ijo Inaaj pukōt jurtak ko ami im men in letok ko ami reṃmantata ippān aolep men in kwōjarjar ko ami.

[41] Inaaj bōk kom āinwōt juon kaijurjur eñaj ñan Ij kadiwōjļok kom jān armej ro im kokweiļoktok kom jān āne ko ijo eṃōj kajeplōklōk kom ie. Innām Inaaj kwaļok Aō kwōjarjar ilo kom iṃaan mejen ri aelōñ ko.

[42] Im Komnaaj jelā bwe Ņa Jeova ñe Ij kadeļoñ kom ilo āne in Israel, ilo āne eo Iar kanejne bwe In lelōk e ñan ro jememi.

[43] Innām komnaaj kememej ijo ial ko ami im aolep kōmman ko ami ko komar make kattoo kom kaki. Im komnaaj make jōjōik kom ilo mejemi kōn aolep nana ko ami kom ar kōmmani.

[44] Im ñe Ij jerbāl ippemi kōn Eta im jab ekkar ñan ial ko ami renana im kōmman ko aṃi rettoon, innām komnaaj jelā bwe Ņa Jeova, O mōn Israel,” Irooj Jeova ej ba.

JEPTA 21

[Ez 21.1] Im Naan in Jeova ear itok ñan eō im ba,

[2] “Nejin armej, kwōn jellok ñan rōk, im kwōn kwaļok nae rōk im rikani nae bukwōn wōjke ko ilo āne rōk.

[3] Im kwōn ba ñan bukwōn wōjke eo i rōk, ‘Kwōn roñjake naan in Jeova. Āindein an Irooj Jeova ba, Lo, Inaaj kejo juon kijeek ilo eok, im enaaj kañ ilo aolep wōjke ko remaroro im reṃōrā ilo eok; urur eo ebwil eban kun, im mej otemjej jān rōk ñan eañ renaaj tuļaar kōn e.

[4] Im aolep kanniōk renaaj lo bwe Ņa Jeova Iar kejo e; eban kun.”

[5] Innām iar ba, “A, Irooj Jeova, lo, rej ba kōn eō, ‘Ejab kōnono ilo būrabōl ko ke?’”

[6] Im naan in Jeova ear itok ñan eõ im ba,

[7] “Nejin armej, kwõn jellok nae Jerusalem, im kwalok nae jikin kwõjarjar ko an, im kwõn rikanij nae ãne in Israel.

[8] Im kwõn ba ñan ãne in Israel, ‘Ãindein an Jeova ba, Lo, Inaaj kekaake jãje eo Aõ jãn nien, im Inaaj bukwe jãn eok ri wã nõk im ri nana.

[9] Kõn Aõ bukwe jãn eok ri wã nõk im ri nana, jãje eo Aõ enaaj diwõj jãn nien nae kanniõk otemjej jãn rõk ñan eañ.

[10] Innãm kanniõk otemjej renaaj jelã bwe Ña Jeova Iar kekaake jãje eo Aõ jãn nien; eban jepjaak.

[11] Kõn men in nejin armej, kwõn ñürñür. Kwõn ñürñür ãinwõt ejorrãan ipim im kõn meõ imaan mejeir.

[12] Im renaaj ba ñan eok, ‘Etke kwõj ñürñür?’ Im kwõn ba, ‘kõn naan eo, bw ej itok, im buru otemjej renaaj unlok, im pã otemjej renaaj mõjõ, im jetõk otemjej renaaj lõtlok, im bukwen neen otemjej renaaj ãinwõt dãn. Lo, ej itok im enaaj ãindein, ’’ Irooj Jeova ej ba.

[13] Innãm Naan in Jeova ear itok ñan eõ im ba,

[14] “Nejin armej, kwõn rikanij im ba, ‘Ãindein an Irooj ba, Kwõn ba, Juon jãje! Juon jãje emõj jeme im emõj kajatõltõl e!

[15] Emõj jeme ñan kõmman juon manman elap im emõj kajatõltõle bwe en rabõlbõl! Ak jen lañlõñ ke? Jokwõnõn nejiõ ej kajekdoon wõjke otemjej.

[16] Emõj lelõk e ñan kajatõltõl e bwe juon en jibwe e. Jãje in emõj jeme im kajatõltõle bwe ren lelõk e na ilo pein ri manman.

[17] Kwõn jañ im lamõj, nejin armej, bwe men in ej nae ro doõ im aolep irooj ro an Israel. Renaaj lelõk er ñan jãje ippãn ro doõ; kõn men in, kwõn ubrare katim.

[18] Bwe enaaj juon mallejon, im ta elañne jokwõn eo ej kajekdoon ejab walok?’ Irooj Jeova ej ba.

[19] “Innãm nejin armej, kwõn rikanij im kaitaak peõmi ippãn doon. Jãje eo en man ruo ak jilu alen, aet, jãje in manman, jãje in manman elap, eo enaaj kapool er.

[20] Iar likõt jãje in manman iturin kõjjãm ko aer otemjej bwe bürueir ren unlok im bwe en orlok men in tibñõl ko. Yokwe! Emõj kõmmane bwe en jatõltõl ãinwõt jarom im pojak ñan manman.

[21] ‘Kwõn ikõñ im etal ñan anmon im barãinwõt anmiin - jabdewõt jikin mejõm ej jallok ñan e.’

[22] Im Ña Inaaj kaitakk Peiõ ippãn doon, im Inaaj kajemlok Aõ illu; Ña Jeova, Iar kõnnaan.”

[23] Im Naan in Jeova ear itok ñan eõ im ba,

[24] “Kiiõ, nejin armej, kwõn kõmman ruo ial ñan an jãje an Kiñ in Babilon deļõñ. Erro renaaj diwõjlok jãn juon wõt ãne. Innãm kwõn kõmman juon kakõlle ilo jabõn ial in jikin kweilok eo.

[25] Kwõn kõmman juon ial bwe jãje eo en deļõñ nae Rabba an ro nejin Ammon, im juon nae Juda ilo Jerusalem eo epen.

[26] Bwe Kiñ in Babilon ej jutak ilo jikin an ial ko jipel jãn doon, ilo jabõn ial ko ruo, bwe en kõmman bubu. Ej kamakuti made ko, ej kajjitõk ippãn ekjab ko, im ej lale aj eo.

[27] Bubu eo ear ñan anmin, Jerusalem, bwe en kõmman kein nono kõjjãm, bwe en kapelllok loñin bwe ren manman, bwe en kotak ãinikien kairuj, bwe en likõt kein nono kõjjãm iturin kõjjãm ko, im bwe en ejaake bat im kõmman me.

[28] Im enaaj ñan er ãinwõt juon bubu ebõd imaan mejen ro raar lukkuun kanejnej. Ak Ej kakememej er kõn nana ko aer bwe ren jibwe er.

[29] Kōn men in, āindein an Irooj Jeova ba, ‘Kōn ami kar kōmman bwe ren kememej nana ko ami ilo ami kaalikkar bōd ko ami bwe en walok jerowiwu ko ami ilo aolep kōmman ko ami - bwe emōj kakememej kom, renaaj jibwe kom kōn peir.

[30] Im kwe, irooj in Israel ettoon im nana, im raan eo am emoottok ilo iien nana ilo jemloken,

[31] āindein an Irooj Jeova ba, kwōn wutik libo eo im bōklok crown eo. Eban bar āindein. Kwōn koutiej eo ettā im kōttāik eo eutie.

[32] Inaaj kōmmane bwe en jepeeplok, jepeeplok, jepeeplok. Eban bar pād mae iien Ej itok Eo ej An, innām Inaaj lelōk e nian E.’

[33] Innām kwe, nejin armej, kwōn rikaniy im ba, ‘Āindein an Irooj Jeova ba nian ro nejin Ammon im kinak ko aer; Juon jāje, juon jāje, emōj kekaake nian manman; emōj kajatōltōl e bwe en kōkkure im āinwōt jarom.

[34] Meñe rej lo vision ko rewaan kōn eok im bubu riab kōn eok, enaaj likūt eok ion kenwaan ro renana ro emōj man er, ro im emoottok raan eo aer ilo iien nana ilo jemloken.

[35] Kwōn karol e nian nien. Inaaj ekajet eok ilo jikin eo emōj kōmanman eok, ilo āne eo kwar lotak ie.

[36] Innām Inaaj lutōklok Aō ilu iom, Inaaj ukwi iom kōn kijeek in Aō illu ebwil. Im Inaaj lewōj eok ilo pein armej relāj ro rekapeel ilo kōkkure.

[37] Kwōnaaj kan nian kijeek; bōtōktōkōm enaaj ioļapen āne eo; reban kememej eok, bwe Ña Jeova Iar kōnnaan.”

JEPTA 22

[Ez 22.1] Im Naan in Jeova ear itok nian eō im ba,

[2] “Innām kwe, nejin armej, kwōnaaj ekajet e ke? kwōnaaj ekajet jikin kweilok in bōtōktōk ke? Innām kwōn kaalikkar nian e aolep men in kajōjō ko an.

[3] Im kwōn ba, ‘Āindein an Irooj Jeova ba, Eñin juon jikin kweilok eo ej katōrlok bōtōktōk ioļapen bwe en itok iien eo an. Kab ej kōmanman ekjab ko nian make kattoon e.

[4] Ewor ruōm kōn bōtōktōk eo kwar katōrloke, im kwōtton kōn ekjab ko kwar kōmanmani, im kwōj kepaaktok raan eo am im bōktok iio eo am. Kon men in Inaaj kōmman bwe kwōn men in kinak nian āelōñ ko im men in kajirere nian āne otemjej.

[5] Ro repaak im ro rettolok jān kwe renaaj kajirere kake eok, kweo kwō buñbuñ kōn nana im obrak kōn jorrān.

[6] Lo, irooj ro in Israel, kajojo iaer ekkar nian aer kajoer, raar ilo eok bwe ren katōrlok bōtōktōk.

[7] Raar kajekdoon jemaer im jineir, raar kamakokoik ruwamaejet ioļapem; im raar kōkkure atajinimjen im kōrā eo ejako pāleen ilo eok.

[8] Kwōj kajekdoon men ko Aō rekwōjarjar, im komij kōkkure Jabōt ko Aō.

[9] Armej in niremej rej ilo eok bwe ren katōrlok bōtōktōk, im rej mōñā ion tol ko ilo kwe, im rej kōmman men ko rettoon ioļapem.

[10] Emōj erlokwe keelwaan jemeir ilo eok, im ilo eok rej kōttāik lio ej ettoon ilo iien an bōk mantin kōra.

[11] Im juon armej ej kōmman men in kajōjō ippān lio pāleen ri turin, im juon ej kattoon lio pāleen Jeo nejin ilo lōñ, im ilo eok juon ej kōttāik lio jimjein jimjatin eo ej nejin jeman.

[12] Ilo eok rej bōk oņean wiaik buru bwe ren katōrļok bōtōktōk, im kwōj bōk jimair im orļok, im kwōj kōkurre ri turōm kōn kamakoko bwe kwōn bōk orļok, im kwōj melōklōk Eō,” Irooj Jeova ej ba.

[13] “Innām lo, Ij kaitaak Peiō kōn aņ bōk orļok ilo nana im kōn bōtōktōk eo ej ioļapōm.

[14] Būruōm emaroņ pād wōt im peōm remaroņ kajoor ilo raan eo ñe Ij kōmman men in nae eok ke? Ña Jeova Iar kōnono im Inaaj kōmmane.

[15] Innām Inaaj kejiplōklōk eok ilo aelōñ ko im biōk eok ñan āne ko, im Inaaj kajemļok aņ ettoon.

[16] Im kwōnaaj kananaik iņan mejen ro ri aelōñ ko; innām komnaaj jeļā bwe Ña Jeova.”

[17] Innām Naan in Jeova ear itok ñan eō im ba,

[18] “Nejin armej, mōn Israel ej āinwōt oo ñan Eō. Aoleper rej jinibōor im tin, im māāl, im led ilowan juon upaaj; rej oo in silver.

[19] Kōn men in, āindein an Irooj jeova ba, Kōn ami aolep erom oo, Inaaj kokweiļoktok kom ilo ioļapen Jerusalem.

[20] Āinwōt rej aljektok silver im jinibōor im māāl im lead im tin ilowan juon upaaj bwe ren ukwi kijeep ion bwe ren kaunļok e, āindein Inaaj kokweiļoktok kom ilo Aō illu im illu ebwil, im Inaaj likūt im kaunļok kom.

[21] Im Inaaj kokweiļoktok kom im ukwi iomi kōn kijeek ilo Aō illu, im kom naaj unļok ioļapen.

[22] Āinwōt silver eunļok ilowaan juon upaaj, āindein kom naaj unļok ilowan, innām komnaaj jeļā bwe Ña Jeova Iar lutōklōk Aō illu iomi.”

[23] Im naan in Jeova ear itok ñan eō im ba,

[24] Nejin armej, kwōn ba ñan e, ‘Kwe juon āne ejaņin karreoki ak wōt iom ilo raan in illu.

[25] Ri kanan ro an rej kapata ilowan. Rej āinwōt juon laiōn eñōrñōr eo ej kekel men in jibwe eo an. Raar kaņ armej; raar bōk mweiuk im men ko reaorōk; raar korļok kōrā ejako pāleir ilowan.

[26] Pris ro an raar kōkkure kien ko Aō, im raar kananaik men in kwōjarjar ko Aō. Raar jab kōjepel men eo ekwōjarjar jān men waan, im raar jab kaalikar kōtaan ettoon im erreō. Kab raar pinej mejeir jān Jabōt ko Aō, im emōj kananaik Eō ioļapeir.

[27] Irooj ro an ibwiljin rej āinwōt kidu oļip ko rej kekel men in jibwe. Rej katōrļok bōtōktōk im mņan armej bwe ren korļok mweiuk ilo jab wānōk.

[28] Im ri kanan ro an raar plastere kōn uno mouj kōn er; raar lo vision ko rejab mool, im eriab aer bubu kōn er. Rar ba, ‘Āindein an Irooj Jeova ba,’ ak Jeova ear jab ba.

[29] Armej in āneo rej keјorrāān im koņot, im rej kōkkure ro reјeramōl im ro rej aikuj, im rej keјorrāān ruwamaeјet ilo jab wānōk.

[30] Innām Iar pukōt juon emņaan iaer eo enaaj kalek oror eo im jutak iņaaō ijo ear rup ie kōn āneo bwe In jab kōkkure e, ak Iar jab lo juon.

[31] Innām Iar lutōklōk Aō illu ioer; Iar kajepeepļok er ilo kijeek in Aō illu ebwil. Iar lelōk ial ko aer ion baraer,” Irooj Jeova ej ba.

JEPTA 23

[Ez 23.1] Innām naan in Jeova ear itok ñan eō im ba,

[2] “Nevin armej, ear wor ruo kōrā im juon wōt jineir.

[3] Im raar kōmman ļōñ ilo Iјipt, ke rar emņan ded rar ļōñ. Ijo emōj jibjibwe ittūt ko ittın, im ijo raar towe ittūt ko ittın in an bōjin.

- [4] Im etaer Ohola eo erütto im Oholiba jätin, im raar Aō, im raar keotak nejeir maan im kōrā. Im etaer: Ohola ej Sameria im Oholiba ej Jerusalem.
- [5] Im Ohola ear ļōñ ke ear Aō, im ear mōm kake ro jeran, ro ri Assiria ro raar epaak.
- [6] Rar kōṅak nuknuk blu, kapen im irooj ro, aolepeir likao ro reṃman, im raar uwe ion kiria.
- [7] Im ear ļōñ ippaer, aolepeir ro reṃman nejin ri Assiria. Im ear mōm kake er otemjej, im ear make kananaik e kōn ekjab ko aer.
- [8] Im ear jab ilok jān ļōñ ko an jān Ijipt, bwe raar babu ippān ke ear eṃman ded, im raar towe ittūt ko ittin in an bōjin, im raar lutōkļok ļōñ ko aer ion.
- [9] Kōn men in Inaaj lelok er ṅa ilo pein ro jeran, ilo pein ro nejin Assiria ro ear mōm kake er.
- [10] Im renaaj kakeelwan e. Renaaj bōk ro nejin maan im kōrā, ak renaaj ṃan e kōn jāje. Im enaaj buñbuñ ian kōrā raṅ, im renaaj ekajet e.
- [11] Im Oholiba jatin ear lo e, ak ear ettoonļok ilo mōm ko an jān e, im ļōñ ko an rar lōñ jān ļōñ ko an jein.
- [12] Ear mōm kake ro nejin Assiria, aet kapen ro im irooj ro me raar kōṅak nuknuk ko reaiboojoj. Raar uwe ion kiria; likao ro reṃman aolepeir.
- [13] Innām Iar lo bwe eṃōj an make kananaik e; juon wōt ial ṅan erro.
- [14] Ak ear kaļapļok ļōñ ko an, bwe ear lo armej eṃōj jiñaiki ion kien im, annaṅin ro ri Kaldia eṃōj jiñaiki ilo bōrōrō.
- [15] Elōñ kañor ion ipir, im elōñ āt reaitok ion baraer. Aolepeir raar āinwōt irooj ro, āinwōt ro ri Babilon ilo Kaldia, āneo raar ļotak ie.
- [16] Im ke ear lo er kōn mejen, ear mōm kake er, im ear jilkinļok ri jilok ṅan er ilo Kaldia.
- [17] Innām ro nejin Babilon raar deļoñ ṅan ippaer ion peet in yokwe eo aer, im raar kattoon e ilo ļōñ ko aer. Im ke eṃōj kattoon e ippaer, ear kōṅaan ilok jān er.
- [18] Im ke ear kaalikkar ļōñ ko an im an keelwan, innām Aō ear kōṅaan ilok jān e āinwōt Iar kōṅaan ilok jān jein.
- [19] Ak ear korļok ļōñ ko an ke ear kememej raan ko ke ear eṃman ded ke ear ļōñ ilo āne in Ijipt.
- [20] Im ear mōm kake ro jeraer, im kanniōkeir ear āinwōt kanniōkin ass, im toṅrļok ko aer raar āinwōt toṅrļok ko an kiria.
- [21] Ak kwar kōṅaan nana ko ke kwar eṃman ded, ke ro ri Ijipt raar jibwe ittūt ko ittōm kōnke raar rar ittum in aṃ eṃman ded.
- [22] Kōn men in, Oholiba, āindein an Irooj Jeova ba, ‘Lo, Inaaj kajerkak ro jeraṃ nae eok, aet, ro kwar kōṅaan ilok jān er. Im Inaaj bōkwōj er nae eok ipelaakōm:
- [23] Ro nejin Babilon, im aolep ro ri Kaldia, ri Pekod, im Shoa, im Koa, im aolep ro nejin Assiria ippaer. Rej aolep likao reṃman im kapen im irooj, ri utiej im ro rebuñbuñ, im aolepeir rej uwe ion kiria.
- [24] Im renaaj iwōj nae eok kōn kein tariṅae, jariat, wagon im juon jar in armej. Renaaj kalejar nae eok ipelaakōm kōn likepejñak, kein tōrak, im āt in tariṅae. Im Inaaj likūt ekajet eo ippaer, im renaaj ekajet eok ekkar ṅan ekajet ko aer.
- [25] Im Inaaj juṃae eok kōn Aō kamo, im renaaj kōmṃan nae eok ilo illu, im renaaj bukwe bōdōm im lojilñōm, im ro iami rej pād wōt renaaj buñ kōn jāje. Renaaj bōk ro nejōm maan im kōrā, im kijeek enaaj kañ ro iami rej pād wōt.
- [26] Renaaj barāinwōt joļok jān eok nuknuk ko aṃ im bōk aṃ inōk ko reaiboojoj.

[27] Im Inaaj kajem]ok nana ko am im]on ko am ko jan ane in Ijpt, im koban bar kotak mejom nan er, im koban bar kememej Ijpt.”

[28] Bwe aindein an Irooj Jeova ba, “Lo, Inaaj lewoj eok na ilo pein ro kwon dike er, ilo pein ro kwar konnaan ilok jan i.

[29] Im renaaj komman nae eok ilo dike, im renaaj bok aolep tokjan jermal ko am, im renaaj likut eok koliat im keelwan. Im kelwaan in]on ko am enaaj alikkar, kab nana im]on ko am.

[30] Men kein renaaj walok nan eok kon am kar]on ippan ri aelon ko im make kananaik eok kon ekjab ko aer.

[31] Kwar etetal ilo ial an jeom, innam Inaaj lewoj kab eo an ilo peom.’

[32] Aindein an Irooj Jeova ba,

‘Kwonnaaj ilimi kab eo emwilaj im depakpak an lio jeom.

Kwonnaaj erom juon men in ton kake im kajirere.

E]ap kobban.

[33] Kwonnaaj obrak kon kadek im buromoj,

kab in jorraan im jepeep]ok,

kab in jeom Sameria.

[34] Im kwonnaaj ilimi im kamate,

im kwonnaaj meme tibdikdik ko an

im mwijiti ittut ko ittim.

Bwe Na, Iar konnaan,” Irooj Jeova ej ba.

[35] Kon men in, aindein an Irooj Jeova ba, “Kon am kar meloklok Eo im jolok Eo ilikom, innam kwon make inek nana ko im]on ko am.”

[36] Innam Jeova ear ba nan eo, “Nejin armej, kwonnaaj ekajet Ohola im Oholiba ke? Innam kwon kwa]ok men in kajoj ko aer nan er .

[37] Bwe raar]on, im ewor botoktok ion peir, im raar]on ippan ekjab ko aer. Barainwot raar komman bwe ro nejeir ro raar keotak nan Eo ren dibuk kijeek bwe en kan er.

[38] Kab, raar komman men in nan Eo: raar katoon jikin kwodarjar eo Ao im ilo raan eo wot raar kokkure Jabot ko Ao.

[39] Im ke raar man ro nejeir kon ekjab ko aer, raar delon ilo jikin kwodarjar eo Ao ilo raan eo wot bwe ren katoon e, im lo, raar komman aindein iolapen mweo imo.

[40] Kab, raar jilkin]ok nan jet armej bwe ren itok jan ijo etto]ok, aet, emoj jilkin]ok ri jelok nan er. Innam, ekwe, ro kwar tutu im unoki mejom im kainoknok eok kon er raar itok.

[41] Im kwar jijet ion juon joba eaiboojoj, im emoj kalaajrake juon tebol imaan, im kwar likut kaijurjur im oil eo Ao ion.

[42] Im ear wor ainikien ro rej anemkwojaer ippan. Raar anintok armej bajjek kab ro ri kadek jan ane jemaden, im raar likut paankol ko ion peir im kraun reaiboojoj ion baraer.

[43] Innam iar ba kon eo ear palo kon]on ko an, ‘Kio renaaj komman]on ippan im e ippaer.’

[44] Innam raar delon nan ippan ainwot ne juon ej delon nan ippan juon korā ekijo. Aindein raar delon nan Ohola im Oholiba, limaro rekijo.

[45] Ak armej rewānok renaaj ekajet er ekkar nan ekajet an korā rekijo im ekajet an ro rej katpor]ok botoktok, bwe rej korā rekijo, im ewor botoktok ion peir.

[46] Bwe aindein an Irooj Jeova ba, ‘Inaaj anintok juon jar nae er im komman bwe ren men in lonon im men in rakim.

[47] Im jar eo enaaj kade er kōn dekā im bukwe er kōn jāje ko aer. Renaaj man ro nejeir maan im kōrā, im renaaj tile moko imweier kōn kijeek.

[48] Innām Inaaj kabōjrak nana ilo āneo, bwe aolep kōrā ren katak bwe ren jab kōmman āinwōt nana ko ami.

[49] Im renaaj na oņeami kōn nana ko ami, im kōm naaj inek jerowiwi ko an ekjab ko ami. Innām komnaaj jelā bwe Ńa Irooj Jeova.

JEPTA 24

[Ez 24.1] Im Naan in Jeova ear itok ñan eō ilo iiō eo kein ka ruwatimjuon, ilo allōñ eo kein ka joñoul im raan eo kein ka joñoul in allōñ eo im ba,

[2] “Nejin armej, kwōn je etan rainin, aet rainin wōt. Kiñ in Babilon ej nitbwile Jerusalem rainin wōt.

[3] Im kwōn kwaļok juon būrabōļ ñan mwın ekapata, im kwōn ba ñan er, ‘
Āindein an Irooj Jeova ba,

Kwōn likūte juon ainbot, kwōn likūte im teiñi kōn dān.

[4] Kadeļoñ mōttan kanniōk ko,
aolep mōttan ko reņman,

unin neen im aeran,

kobrak e kōn di ko reņmantata.

[5] Kwōn bōk ko reņmantata ian bwj eo,
im kalaajrake kane iumwin.

Kwōn kōmman bwe en lukkuun buļulļul
im kwōn kōmat di ko an ilowan.

[6] Kōn men in, āindein an Irooj Jeova ba,
‘Jerata ñan jikin kweilok eo ej katōrļok bōtōktōk,
ñan ainbat eo ejjo, im ejañin jako an ļōjo.

Kwōn bōk mōttan ko jān e juon im juon im jab kōmman kākōļļe.

[7] Bwe bōtōktōkin ej ioļapen;
ear likūti ion juon dekā bajjek.

Ear jab katōrļoke ion laļ bwe en kalibubuki kōn buñalñal.

[8] Iar likūti bōtōktōken ion juon dekā bajjek
bwe en walok illu ñan iden-oņe im bwe en jab libubu.

[9] Kōn men in, āindein an Irooj Jeova ba,
‘Jerata ñan jikin kweilok eo ebōtōktōk;
barāinwōt Ńa Inaaj kaļapļok ejoj in kane.

[10] En lōñļok kane! Kōjō kijeek eo!

Lukkuun kōmate kanniōk eo!

Kab iōki kōn kein kōmman neman, im en bwil di ko.

[11] Innām ñe ejjeļok kobban,
kwōn likūt ion malle ko bwe en bwil im määnān jinibōrōrō eo an,
im bwe ettoon lowaan en unļok, im bwe en jako ļōjo eo.

[12] Ear kaņōk Eō kōn jermal ko an,
ak ejañin jako jān e ļōjo eo an eļap.

Lōjo eo an en ilo kijeek eo!

[13] Ilo aṃ ettoon ej nana. Meñe Iar karreoik eok ak kwar jab erre jān aṃ ettoon, kōn men in Iban bar karreoik eok ṃae iien ejakoḷok Aō illu ṃae eok.

[14] Ña Jeova Iar kōnnaan. Enaaj walok, im Inaaj kōṃṃane. Iban ilok jān e, im Iban tūriamokake ak būromōj kake. Renaaj ekajet eok ekkar ñan ial ko aṃ im kōṃṃan ko aṃ,” Irooj Jeova ej ba.

[15] Innām naan in Jeova ear itok ñan eō im ba,

[16] “Nejin armej, Ekwe, Inaaj bōk eo mejōṃ eṃōṃōṃ kake jān eok ilo juon iien eṃōkaj. Ak kwōn jab liaajloḷ ak jañ, im en ejjeḷok dānnin kōṃjaalal re toṃṃok.

[17] Kwōn jab keroro ñe kwōj ñōñōr. Kwōn jab kōṃṃan liaajloḷ kōn eo emej. Kwōn kōṃak turban eo aṃ im juj ko aṃ ion neōṃ, im kwōn jab kalibubuki kwōdeak eo aṃ, im kwōn jab ṃōñā kijen armej ro rebūromōj.”

[18] Innām iar kōnono ñan armej ro ilo jibboñ, im ilo jota lio pāleō ear mej. Im ilo jibboñ iar kōṃṃane āinwōt eṃōj jiroñ eō.

[19] Innām armej ro raar ba ñan eō, “Koban kōnnaanōk kōm ke ta meḷeḷein ñan kōm men kein kwōj kōṃṃani?”

[20] Im iar ba ñan er, “Naan in Jeova ear itok ñan eō im ba,

[21] Kwōn ba ñan ṃōn Israel, Āindein an Irooj Jeova ba, Lo, Inaaj kattoon jikin kwōjarjar eo Aō, jikin kajoor eo komij juwa kake, men eo mejōmi reṃōṃōṃ kake, im men eo komij yokwe. Im ro nejōmi ṃaan im kōrā ro komij ilok jān er, renaaj buñ kōn jāje.

[22] Im koṃnaaj kōṃṃan āinwōt iar kōṃṃane. Kom ban kalibubu kwōdeak ko ami ak ṃōñā kijen armej ro rebūromōj.

[23] Im turban ko ami renaaj ion barami im juj ko ami ion neōmi. Kom ban liaajloḷ ak jañ, ak koṃnaaj mōḷok ilo nana ko ami im ñōñōr jabdewōt ñan bar juon.

[24] Im Ezekiel enaaj āinwōt juon kakōḷle ñan kom. Aolep men ko ear kōṃṃani, koṃnaaj kōṃṃani. Ñe men kein rej walok koṃnaaj jeḷā bwe Ña Irooj Jeova.

[25] Im kōn kwe, nejin armej, eban āindein ke bwe ilo raan eo ñe Ij bōk jān er me epen eo aer, men eo eaiboojoj rej lañlōñ kake, men eo mejeir reṃōṃōṃ kake, im men eo raar kanooj ḷōṃṃak kake, kab ro nejeir ṃaan im kōrā,

[26] Ilo raan eo juon eo ear ko enaaj iwōj kōn naan ñan lojilñōṃ?

[27] Ilo raan eo loñōṃ enaaj peḷḷok ñan eo ear ko, im kwōnaaj kōnono im jab bar ikōñ, im kwōnaaj juon kakōḷle ñan er, innām renaaj jeḷā bwe Ña Jeova.”

JEPTA 25

[Ez 25.1] Im Naan in Jeova ear itok ñan eō im ba,

[2] “Nejin armej, kwōn jalḷok ñan ro nejin Amon im rikanij ṃae er.

[3] Im kwōn ba ñan ro nejin Amon, ‘Koṃwin roñjake Naan in Irooj Jeova. Āindein an Irooj Jeova ba, Kōn aṃ kar ba ‘Iḷe’ ñan jikin kwōjarjar eo Aō ke eṃōj kattoon e, im ñan āne in Israel ke eṃōj kajepeepḷok e, im ñan ṃōn Juda ke raar ilok ñan jepokwe,

[4] Kōn men in, lo, Inaaj lelok eok ñan ro nejin rear bwe kwōn aer, im renaaj likūt kamp ko aer ilo eok, im renaaj kōṃṃan jikin jokwe ko aer ilo eok. Renaaj kañ leōṃ im renaaj idaak aṃ milik.

[5] Innām kōṃṃan bwe Rabba en juon jikin jokwe an kamel im ro nejin Amon juon jikin babu in bwij ko. Innām koṃnaaj jeḷā bwe Ña Jeova.’

[6] Bwe äindein an Irooj Jeova ba, ‘Kõn ami kar kabbokbok im ekãki im lañlõñ kõn aolep kõjdät in büruõm ñae äne in Israel,

[7] Kõn men in, lo, Inaaj erlõkwe Peiõ ñae eok, im Inaaj kõmman bwe kwõn men in rakim an ri aelõñ ko, im Inaaj bukwe eok jån armej, im Inaaj kõmman bwe kwõn jako jån äneo. Inaaj man eok, innãm kwõnaaj jelã bwe Ña Jeova.’

[8] Äindein an Irooj Jeova ba, ‘Kõn an Moab im Señir ba, ‘Ekwe, mõn Juda ej äinwõt aolep aelõñ ko jet,’

[9] Kõn men in, lo, Inaaj kapellõk tõrerein Moab jån jikin kweilõk ko an, aet, jån jikin kweilõk ko an ilo jabõn äne eo, ko re men in aiboojoj an äneo: Bethjeshimoth, BañalMeñon, im Kiriathamon.

[10] Inaaj lelõk e ippån ro nejin Amon ñan ro nejin rear äinwõt men in rakim bwe ren jab kememej ro nejin Amon ippån ri aelõñ ko.

[11] Im Inaaj ekajet Moab, im renaaj jelã bwe Ña Jeova.’

[12] Äindein an Irooj Jeova ba, ‘Kõn an Idom make iden-õne ñae mõn Juda, im raar kanooj kaļaplõk rueir im iden-õne ñae er,

[13] kõn men in, äindein an Irooj Jeova ba, ‘Inaaj erlõkwe Peiõ ñae Idom im Inaaj bukwe armej im men in mour jån e; im Inaaj kõmmane bwe en jepeepõk, im jån Teman ñan Dedan renaaj buñ kõn jãje.

[14] Im Inaaj kõmman Aõ iden-õne ñae Idom kõn pein ro doõ Israel, im renaaj kõmman ñae Idom ekkar ñan Aõ illu im Aõ illu ebwil. Innãm renaaj jelã Aõ iden-õne,’ Irooj Jeova ej ba.

[15] Äindein an Irooj Jeova ba, ‘Kõn an ro ri Pilistia kõmman iden-õne, im raar kanooj iden-õne ilo kõjdät an bürueir bwe ren kõkkure kõn juon dike jån etto,

[16] Kõn men in, äindein an Irooj Jeova ba, ‘Lo, inaaj erlõkwe Peiõ ñae ro ri Pilistia, im Inaaj bukwe ro ri Kerit, im Inaaj kajepeepõk ro rej päd wõt i tõrerein lojet.’

[17] Im Inaaj kõmman iden-õne eļap ñae er kõn kaje ko ilo Aõ illu. Innãm renaaj jelã bwe Ña Jeova ñe Ij iden-õne ñae er.

JEPTA 26

[Ez 26.1] Im ilo iiõ eo kein ka joñoul juon im ilo raan eo kein ka juon in allõñ eo, Naan in Jeova ear itok ñan eõ im ba,

[2] ‘Nejin armejk kõn an Tair ba kõn Jerusalem, ‘Jeraamman! Ejorrãan kõjãm in armej ro, im epellõk ñan eõ. Inaaj mat bwe ejepeepõk.’

[3] Kõn men in, äindein an Irooj Jeova ba, ‘Lo, Inaaj jumae eok, Tair. Im Inaaj bõklõñlõk elõñ aelõñ ñae eok äinwõt lojet ej bõklõñlõk no ko an.

[4] Im renaaj kõkkure wodwod ko an Tair, im renaaj rupelallõk moko imõn reutiej. Innãm Inaaj kutake menõknõk eo an jån e, im Inaaj kõmmane juon dekã me ejjelõk men ion.

[5] Enaaj juon jikin erlõkwe ok ilo lojet, bwe Ña Iar kõnnaan,’ Irooj Jeova ej ba. ‘Im enaaj men in rakim ñan ri aelõñ ko.

[6] Im liṃaro nejin ro rej päd i äne eo renaaj mej kõn jãje, innãm renaaj jelã bwe Ña Jeova.’

[7] Bwe äindein an Irooj Jeova ba, ‘Lo, Inaaj äñintok ñae Tair Nebukadnezar, Kiñ in Babilon, kiñ an kiñ ro, jån eañ, im ippån enaaj wor kiria im jariot im ro rej uwe ion kiria im juon jar in tariṃae eļap.

[8] Im enaaj man kõn jãje liṃaro nejõm ro rej päd i äne eo. Im enaaj kõmman juon me ñae eok im eje juon baat ñae eok im kotak likipejñak ñae eok.

[9] Im enaaj noe wodwod ko aṃ kōn kein nono ko an, im enaaj rupelallok moko imōm reutiej kōn ūlūl ko an.

[10] Kōn an lōñ kiria ko an, bañalñal enaaj kilabubuik eok. Wodwod ko aṃ renaaj bañijñij jān ainikien wagon ko, im jariot ko, im ro rej uwe ion kiria, ke rej deļoñ ilo kōjām ko aṃ āinwōt ro rej deļoñ ilo juon jikin kweilok eo eṃōj rupe.

[11] Kōn akiin kiria ko an enaaj juri aolep ial ko aṃ. Enaaj ṃan ro doom kōn jāje, im enaaj jolallok jur ko ami rekajoor ñan laļ.

[12] Im renaaj rakimi men ko aṃ reaorōk im bōklok ṃweiuk ko aṃ, im renaaj rupelallok wodwod ko aṃ im jolallok moko imōm reṃṃan. Im renaaj joļok dekā, aļal, im menoknok ko aṃ ilo dān.

[13] Im Inaaj kabōjrak ainikien al ko aṃ, im reban bar roñ ainikien arp ko aṃ.

[14] Im Inaaj kōṃṃan bwe kwōn juon dekā me ejjeļok men ion; kwōnaaj juon jikin ñan erļokwe ok ko; reban bar kalek eok, bwe Ńa Jeova, Iar kōnnaan, Irooj Jeova ej ba.

[15] Āindein an Irooj Jeova ba ñan Tair, “Āne ko iturin lojet reban wudidid ke kōn ainikien aṃ buñ ñe ro rekinejne j rej ñōrñōr ñe ej walok ṃanṃan ilowaṃ?

[16] Innām aolep irooj ro jān iturin lojet renaaj wanlallok jān tūroon ko aer, im renaaj utūki kobe ko aer im joļok nuknuk ko aer retilti. Innām renaaj kōṃak lōļñoñ, im renaaj jijet laļ im lōļñoñ aolep iien, im renaaj bwilōñ kōn eok.

[17] Im renaaj kotak juon liaajlaļ ṃae eok im ba, ‘Yokwe, bwe kwōjako, kweo me armej in lojet raar jokwe ilowaṃ; jikin kweilok ebuñbuñ eo ear kajoor ion lomalo, e im ro raar jokwe ilowan ro raar kōṃṃan bwe aolep ro raar jokwe ilowan ren mijak.’

[18] Kiiō aelōñ ko renaaj wudidid ñe kwōj buñ, im aelōñ ko iturin lojet renaaj lojkenan ñe kwōj jakoļok.”

[19] Bwe āindein an Irooj Jeova ba, “Ńe Inaaj kōṃṃan eok juon jikin kweilok ejepeeplok āinwōt jikin kweilok ko ejjeļok ej jokwe ilowan; ñe Ij bōkwōj ṃwilaļ ko ṃae eok im elōñ dān ej kalibubuik eok,

[20] innām Inaaj jolallok eok ippān ro rej wanlallok ñan roñ eo, ñan armej in etto, im Inaaj kōṃṃan bwe kwōn jokwe ilo ṃōttan laļ rettātata āinwōt jikin ko rejepeeplok jān etto, ippān ro rej wanlallok ñan roñ eo, bwe ejjeļok en bar jokwe ilo eok, ak Inaaj kōṃṃan men in aiboojoj ilo āne in ro rej mour.

[21] Inaaj kōṃṃan eok juon men in lōļñoñ, im koban bar pād. Meñe renaaj pukōt eok, reban bar lo eok ñan indeeo,” Irooj Jeova ej ba.

JEPTA 27

[Ez 27.1] Innām Naan in Jeova ear itok ñan eō im ba,

[2] “Im kwe, nejin armej, kotak juon liaajloļ ṃae Tair,

[3] im kwōn ba ñan Tair eo ej jijet ilo jikin deļoñ an lojet eo ej ri wia an armej ro ñan elōñ aelōñ, ‘Āindein an Irooj Jeova ba, Kwe Tair, kwar ba, ‘Eweeppan aiboojoj eo aō.’

[4] Tōrerein ko aṃ rej ilo jikin reaorōk ko ilo lojet. Ri kōkal ro aṃ raar koweppan aiboojoj eo aṃ.

[5] Raar kōṃṃan aolep ra ko aṃ jān wōjke fir jān Senir; raar bōk aik jān Lebanon ñan kōṃṃan kaju ñan eok.

[6] Raar kōṃṃan jebwe ko aṃ jān oak in Besan. Raar likūt ivori ilo teek eo aṃ eo ej kōṃṃan jān wōjke aik jān aelōñ in Saipros.

[7] Wōjle eo aṃ ear jān linen kwoaidik im tiltil jān Ijipt, im ear kakōjle eo aṃ. Waniñ eo aṃ ear blue im purpōl jān aelōñ in Elisha.

[8] Ro jān Sidon im Arwod raar ri aōnōn ro aṃ. Ro ri mālōtlōt in Tair raar uwe, im raar jeja ro aṃ.

[9] Rūtto ro in Gebal im ri mālōtlōt ro an raar uwe ilo eok bwe ren karpen ettal ko aṃ. Aolep waan lojet im jeja ko an raar ilo eok bwe ren wiakake ṃweiuk ko ṃweier.

[10] Ro ri Paras im Lud im Put raar ilo jar in tariṃae eo aṃ, raar ri tariṃae ro aṃ. Raar totoik likepejñak im kein korape baraer ilo eok; raar kōṃṃan bwe kwōn buñbuñ.

[11] Ro nejin Arwod im ro ri tariṃae ro aṃ raar ion wodwod ko aṃ ipelaakōṃ, im ro ri Gamad raar ilo ṃoko reutiej ko aṃ. Raar totoik kein tōrak ko aer ion wodwod ko aṃ ipelaakin. Raar koweepan aṃ aiboojoj.

[12] Tarshish ear wia ippaṃ kōn an lōñ aolep kain ṃweiuk. Raar kōjā kōn silver, māāl, tin, im led.

[13] Jawan, Tubal, im Mesek raar ri wia ro aṃ. Raar kōjā oṃean ṃweiuk ko ṃweiōṃ kōn mour an armej im jāpe jinibōrōrō.

[14] Ro jān Beth Togarma raar liwōj kiria im kiria in tariṃae im mul kōn ṃweiōk ko ṃweiōṃ.

[15] Ro nejin Didan raar ri wia ro aṃ. Elōñ aelōñ raar wia jān peōṃ. Raar bōkwōj doon ivory im ebony bwe ren kōjā.

[16] Aram ear wia jān eok kōn an lōñ men ko aṃ. Ear kōjā oṃean kōn emerald, nuknuk purpōl, nuknuk ko re tiltil, linen kwōaidik, koral, im rubi.

[17] Judan im āne in Israel raar ri wia jān eok. Raar kōjā oṃean ṃweiuk ko ṃweiōṃ kōn wiit in Minit, im men in kōmat ko renno, im ōne, im oil, im ijūr.

[18] Damaskōs ear ri wia ippaṃ kōn an lōñ men ko aṃ im kōn an ḷap aṃ ṃweiie. Kōn wain in Helbone im wool mouj,

[19] Ro ri Dan im Jawan jān Uzal raar wiaik ṃweiuk ko ṃweiōṃ. Māāl jatōltōl, kasia, im kalamōs raar ian ṃweiōk ko ṃweiōṃ.

[20] Didan ear ri wia ippaṃ kōn nuknuk in uwe kiria.

[21] Arabia im aolep irooj ro in Kedar raar ri wia ippaṃ. Raar wia ippaṃ kōn lam, ram, im got ko.

[22] Ri wia in Sheba im Rañema raar wia ippaṃ. Raar kōjā oṃean ṃweiuk ko ṃweiōṃ kōn men ko reṃṃantata ian aolep kain spice im dekā ko reaorōk im kool.

[23] Haran im Kane im Eden im ri wia ro jān Sheba, Asshur im Kilmad, raar wia jān eok.

[24] Rein raar wia ippaṃ kōn aolep kain men im kōn nuknuk blu im rettilim im karpēt in elōñ color im to ko reaidik, ko raar ian ṃweiuk ko ṃweiōṃ.

[25] Wa ko waan Tarshish raar inekḷok ṃweiuk ko ṃweiōṃ. Kwar obrak im lukkuun aiboojoj ioḷapen loṃalo.

[26] Ri aōnōn ro aṃ raar bōkḷok eok ñan loṃalo ko reḷap. Kōto in rear ear rupe eok ioḷapen loṃalo.

[27] Aṃ ṃweiie, ṃweiōk ko ṃweiōṃ, men in wia ko aṃ, jeja ro aṃ, kapen ro aṃ, ro ri karpen ettal ko aṃ, im ro rej wiakaki ṃweiōk ko ṃweiōṃ im aolep ri tariṃae ro rej ilowaṃ im aolep jar eo aṃ eo ej ilo eok, renaaj wutḷok ioḷapen loṃalo ilo raan in aṃ jorrāñ.

[28] Melan ko rej wudidid kōn ainikien laṃōj an jeja ro aṃ.

[29] Im aolep ro rej jibwe jebwe ko, jeja ro, im aolep kapen in loṃalo, renaaj wanlaḷok jān wa ko waer im jutak ion āne eo.

[30] Im renaaj kotak ainikier im jañ ilo meḷ kōn eok, im renaaj jolōñok buñalñal ion baraer, im renaaj dapilpil ilo melkwarar.

[31] Im renaaj kanooj make kapiļō] er kōn eo, im renaaj kōņak nuknuk eklep iden, im renaaj jañ kōn eok kōn būrueir remeō im kōn liaajļo] emeō.

[32] Im ilo aer limō raar kotak juon liaajļo] kōn eok, im raar liaajļo] kōn eok, “Wōn ej āinwōt Tair eo eņōj kōkkure ioļapen loṃalo?

[33] Ke ṃweiuk ko ṃweiōṃ raar diwōjļok ion loṃalo ko, kwar kamat elōñ armej; kwar ṇa ṃweiien kiñ ro an laļ kōn an lōñ men ko aṃ reaorōk im ṃweiuk ko ṃweiōṃ.

[34] Kiiō ke eņōj aṃ rup kōn loṃalo ilo ṃwilaļ ko an loṃalo, ṃweiuk ko ṃweiōṃ im aolep jeļa ro aṃ raar wuļok ioļapōṃ.

[35] Aolep ro rej jokwe ilo aelōñ ko rej lojenan kōn kwe, im kiñ ro aer rekanooj kor; einepata mejeir.

[36] Ro ri wia ian armej ro renaaj teor ṇae eok; kwar erom juon men in lōļņoñ, im koban bar pād.””

JEPTA 28

[Ez 28.1] Naan in Anij ear itok ñan eō im ba,

[2] “Nejin armej, Kwōn ba ñan irooj in Tair, ‘Āindein an Irooj Jeova ba, Kōn an utiej būruōṃ, im kwar ba, ‘Ña juon anij; ij jijet ilo jikin jijet an anij ioļapen loṃalo;’ ak kwe juon armej im jab anij, meñe kwar kōṃṃan būruōṃ āinwōt būruen juon anij.

[3] Ekwe, kwō māļōtļōt jān Daniel. Ejjeļok men eņojak remarōñ kattinoki jān eok.

[4] Ilo aṃ māļōtļōt im jeļāļokjeṇ kwar bōk ṃweiuk ñan eok, im kwar likūt kooļ im jelba ilo jikin ṃweiuk ko aṃ.

[5] Kōn an ļap aṃ māļōtļōt ilo aṃ wia kwar korļok ṃweiuk ko ṃweiōṃ, im eutiej būruōṃ kōn ṃweiuk ko ṃweiōṃ.

[6] Kōn men in, āindein an Irooj Jeova ba, Kōn aṃ kar kōṃṃan būruōṃ āinwōt būruen juon anij,

[7] Innām, lo, Inaaj āñintok ṇae eok ruwamāejet ro, ro relej ial ri aelōñ ro, im renaaj nuri jāje koaer ṇae aiboojoj in aṃ māļōtļōt, im renaaj kattoo kāilar eo aṃ.

[8] Renaaj jolaļok eok ñan roñ eo, im kwōnaaj mej mej an ro eņōj ṃan er ioļapen loṃalo.

[9] Kwōnaaj ba wōt ke, ‘Ña juon anij,’ iṃaan eo enaaj ṃan eok? Ak kwōj juon armej im jab anij ilo pein eo enaaj wākare eok.

[10] Kwōnaaj mej mej eo an ro rejab ṃwijṃwij kōn pein ruwamāejet ro, bwe Ña Iar kōnono,” Irooj Jeova ej ba.

[11] Innām Naan in Jeova ear itok ñan eō im ba,

[12] “Nejin armej, kwōn kotak juon liaajļo] ṇae Kiñ in Tair, im kwōn ba ñan e, ‘Āindein an Irooj Jeova ba, Kwar jejjet, obrak kōn māļōtļōt im weepan ilo aiboojoj.

[13] Kwar pād ilo Iden, jikin kallib eo an Anij; dekā ko reaorōk otemjej raar kalibubuik eok: ruby, topaz, im diamond, beryl, onyx, im jasper, sapair, turkois, im emerald, im kōṃanṃan an tiōk ko im jikin dekā ko aṃ raar jān kooļ ilo raan eo ke eņōj kōṃanṃan eok eņōj kapoji er.

[14] Kwar juon kerub eņōj kāālōte ñan kōjparok, bwe āindein Aō kar likūt eok. Kwar ilo toļ eo ekwōjarjar an Anij. Kwar etetal ibwiljen dekā in kijeek.

[15] Kwar weepan ilo ial ko aṃ jān raan eo eņōj kōṃanṃan eok ṃae iien eņōj lo nana ilo eok.

[16] Kōn an ļap aṃ wia kwar obrak ioļapōṃ kōn kowadoñ, im kwar jerōwiwi. Innām Iar joļok eok āinwōt juon men ettoon jān tol eo an Anij, im Iar kōkkure eok, kwe kerub in kōjparok, jān ibwiljen dekā in kijeek.

[17] Ear utiej būruōm kōn aṃ aiboojoj; kwar kattoo aṃ mālōtlōt kōn aṃ kāilar. Iar jolallōk eok ñan la; Iar likūt eok iṃaan kiñ ro bwe ren lo eok.

[18] Kōn an lōñ nana ko aṃ, im kōn an jab wānōk wia ko aṃ, kwar kattoo jikin ko aṃ rekwōjarjar. Innām Iar kadiwōjlok kijeek jān ioḷapōm; ear kañ eok, im Iar kōmman eok melkwaarar ion la iṃaan aolep ro rej lo eok.

[19] Aolep ro raar jeḷā eok ian armej ro rebwilōñ kōn eok. Kwar erom men in kalōññōñ im koban bar pād.”

[20] Innām Naan in Jeova ear itok ñan eō im ba,

[21] “Nejin armej, kwōn jallok ñan Sidon im rikanij ṇae e.

[22] Im kwōn ba, ‘Āindein an Irooj Jeova ba, Lo, Ij juṃae eok, Sidon. Im Inaaj bōk aiboojoj ioḷapōm, im renaaj jeḷā bwe Ña Jeova ñe Ij kōmman ekajet ko ilo e, im Inaaj kwaḷok Aō kwōjarjar ilo e.

[23] Im Inaaj lelok nañinmej ilo e im bōtōktōk ilo ial ko an, im ro rekinejnej renaaj buñ ioḷapen kōn jāje eo enaaj ṇae e ipelaakin. Innām renaaj jeḷā bwe Ña Jeova.

[24] Im eban bar wor kālōklōk ej kametak ak lōklōk ej kōkkure ñan mōn Israel jān aolep ro rej dike er ipelaakin. Innām renaaj jeḷā bwe Ña Irooj Jeova.

[25] Āindein an Irooj Jeova ba, Ñe Ij kokweilōktok mōn Israel jān armej ro ibwiljen ro eṃōj kejeplōklōk er ie, innām Inaaj kwaḷok Aō kwōjarjar ilo er iṃaan mejen ro ri aelōñ ko. Im renaaj jokwe ilo āne eo Iar lelok ñan korijera Jakob.

[26] Im renaaj jokwe ie im jab uwōta, im renaaj ekkal im, im renaaj ekkat bwil in grep, im renaaj jokwe ilo eijeḷok uwōta. Ñe Ij kōmman ekajet ko ion aolep ro raar kōjdāt er ipelaaker, innām renaaj jeḷā bwe Ña Jeova aer Anij.

JEPTA 29

[Ez 29.1] Ilo iiō eo kein ka joñoul, ilo allōñ eo kein ka joñoul, ilo raan eo kein ka joñoul ruo in allōñ eo, Naan in Jeova ear itok ñan eō im ba,

[2] “Nejin armej, kwōn jallok ṇae Pero Kiñ in Ijipt, im kwōn rikanij ṇae e im ṇae aolepen Ijipt.

[3] Kwōn kōnono im ba, ‘Āindein an Irooj Jeova ba, Lo, Ij juṃae eok Pero, Kiñ in Ijipt, men in mour eḷap eo ej babu ioḷapen river ko an, eo ear ba, ‘Aō Nail eo; ña iar kōmmane.’

[4] Im Inaaj likūt jet kāāj ilo atlaḷ eo aṃ, im Inaaj kōmman bwe ek in river ko aṃ ren eddāp ñan wūn ko aṃ; innām Inaaj bōklōñlok eok jān ioḷapen river eo aṃ, im aolep ek in river ko aṃ renaaj eddāp ñan wūn ko aṃ.

[5] Im Inaaj likūt eok ilo āne jemaden, kwe im aolep ek in river ko aṃ. Kwōnaaj buñ ilo melaj; eijeḷok enaaj aljektok ak jibwetok eok. Inaaj lelok eok ñan men in mour in āne im bao in mejatoto bwe kwōn kijeir.

[6] Innām aolep ro rej jokwe ilo Ijipt renaaj jeḷā bwe Ña Jeova, bwe raar juon jurōn koba ñan mōn Israel.

[7] Ke raar jibwe eok kōn peir, kwar bwilok im kakinejnej aereir otemjej, im ke raar atartar iom, kwar ruj im kōmman bwe ipeir raar makūtūt.

[8] Kōn men in, āindein an Irooj Jeova ba, Lo, Ij bokwōj ṇae eok juon jāje, im Inaaj bukeḷok jān eok armej im men in mour.

[9] Im āne in Ijipt enaaj jepeeplok im jorrāñ. Innām renaaj jeḷā bwe Ña Jeova. Bwe kwar ba, ‘Aō Nail eo, iar kōmmane.’

[10] Kōn men in, Lo, Inaaj jumae eok im river ko am, im Inaaj kōmman bwe āne in Ijpt en kanooj jorrān im jeepeplok jān Migdol nān Sewene im nān tōrerein Kush.

[11] Neen armej eban deblōke, im neen men in mour eban deblōke, im ejjelok enaaj jokwe ie iumwin eñoul iiō.

[12] Im Inaaj kōmman bwe āne in Ijpt en jeepeplok ibwiljin āne ko emōj kejeepeplok er, im jikin kweilok ko an renaaj jeepeplok iumwin eñoul iiō ibwiljin jikin kweilok ko emōj aer jorrān; im Inaaj kejeplōklōk ro ri Ijpt nān ippān ri aelōn ko im Inaaj jekade er ilo āne ko.

[13] Āindein an Irooj Jeova ba, Ilo jemloken eñoul iiō Inaaj kokweloktok ro ri Ijpt jān armej ro ijo emōj kejeplōklōk er ie.

[14] Im Inaaj karol Ijpt jān an jepokwe, im Inaaj karol er nān āne in Patros, nān āne eo raar itok jān e; im renaaj juon aelōn ettā ie.

[15] Enaaj ettātata ian aelōn ko, im eban bar make koutiej e ion aelōn ko jet. Im Inaaj kōmman bwe en dik bwe en jab marōn irooj ion aelōn ko jet.

[16] Im reban bar juon men in lōke nān mōn Israel, ak enaaj men in kakememej e kōn jerowiwī ko an ilo an kar jallok nān e kōn jipañ. Innām renaaj jelā bwe Ña Irooj Jeova.”

[17] Ilo iiō eo kein ka roñoul jiljilimjuon, ilo allōn eo mokta, im ilo raan eo mokta in allōn eo, Naan in Jeova ear itok nān eō im ba,

[18] “Nejin armej, Nebukadrezar, Kiñ in Babilon, ear kōmman bwe en lap an jar in tariñae eo an jermal ñae Tair; jabdewōt bar ear pilōl im jabdewōt aer ear irir, ak ear ejjelok oñean nān e ak jar in tariñae eo an jān Tair kōn aer jermal elap ñae e.

[19] Kōn men in, āindein an Irooj Jeova ba, Lo, Inaaj lelōk āne in Ijpt nān Nebukadrezar, Kiñ in Babilon, im enaaj bōk mweik ko an im jibwe men in jibwe ko an im bōk men in rakim ko an, im renaaj oñean jar in tariñae eo an.

[20] Iar lelōk āne in Ijpt nān e kōn oñean an jermal ñae e, bwe Raar kōmman men in kōn Eō,” Irooj Jeova ej ba.

[21] Ilo raan eo Inaaj kōmman bwe doon mōn Israel en eoñ, im Inaaj kapellok loñōm ibwiljeir; innām renaaj jelā bwe Ña Jeova.”

JEPTA 30

[Ez 30.1] Im Naan in Jeova ear itok nān eō im ba,

[2] “Nejin armej, kwōn rikaniy im ba, ‘Āindein an Irooj Jeova ba, Komwin lamōj ‘Yokwe, raan eo!’

[3] Bwe epaak raan eo; epaak raan in Jeova. Enaaj juon raan ekōdodo, iien an ri aelōn ko.

[4] Im juon jāje enaaj itok ion Ijpt im eñtaan enaaj ion Kush ñe ro emōj man er rebuñ ilo Ijpt. Im renaaj bōk mweik ko mweien, im renaaj jolalok pedped ko an.

[5] Kush im Put im Lud im aolepen Arebia, im Libia im ro elōn aer bujen ippān, renaaj buñ kōn jāje.’

[6] Āindein an Jeova ba, ‘Ro rej jipañ Ijpt renaaj buñ, im juwa in an kajoor enaaj wutlok jān Migdol nān Sewene.

[7] Im renaaj jeepeplok ioļapen āne ko rejeepeplok, im jikin kweilok ko an renaaj ioļapen jikin kweilok ko jorrān.

[8] Innān renaaj jelā bwe Ña Jeova ñe Ij likūt kijeek ilo Ijpt im aolep ri jipañ ro an rebwilok.

[9] Ilo raan eo elõñ ri jilik renaaj diwõjlok jãn Eõ ilo waan lojet bwe ren kalõlõñoñ Kush eo ejab uwõta, im eñtaan enaaj itok ior ainwõt ilo raan in Ijipt, bwe lo, ej itok.’

[10] Æindein an Irooj Jeova ba, ‘Inaaj kõmman bwe jar ko relap an Ijipt ren jako kõn pein Nebukadrezar Kiñ in Babilon.

[11] E im ro doon ippãn, ro relejtata ian ri aelõñ ko, renaaj itok bwe ren kòkkure ãne eo, im renaaj kekake jãje ko aer ion Ijipt im kobraak ãneo kõn ro remej.

[12] Im Inaaj kõmman bwe river ko an ren mōrāllok, im Inaaj wiakake ãneo ña ilo pein ro renana; im Inaaj kejepeplok ãneo im kobban kõn pein ruwamæjet. Ña Jeova, Iar kõnono.’

[13] Æindein an Irooj Jeova ba, ‘Inaaj kõmman bwe en jako ekjab ko, im Inaaj jojok men in e ko rewaan jãn Memphis. Im eban bar wor juon irooj ilo ãne in Ijipt, im Inaaj liküt mijak ilo ãne in Ijipt.

[14] Im Inaaj kajepeplok Pathros im kõmman kijeek ilo Zoñan, im Inaaj kõmman ekajet ilo Thebes.

[15] Im Inaaj lutoklok Aõ illu ion Sin, kajoor eo an Ijipt. Im Inaaj bukwejok jar eo elap an Thebes.

[16] Im Inaaj kõmman kijeek ilo Ijipt. Sin enaaj wudiddid ilo metak, im renaaj rupe Thebes, im Memphis enaaj eñtaan aolep raan.

[17] Likao ro an Awan im Pibeseth renaaj buñ kõn jãje; im limarein renaaj etal ñan jepokwe.

[18] Im ilo Tekapnekes raan eo enaaj marok ñe Ij bwilok ine eo an Ijipt ijo, im juwa in an kajoor enaaj jemlok ilo e. Juon kōdō enaaj kalibubuki, im limaro nejin renaaj etal ñan jepokwe.

[19] Innãm Inaaj ekajet Ijipt, im renaaj jelã bwe Ña Jeova.”

[20] Im ilo iiõ eo kein ka joñoul juon, ilo allõñ eo mokta, im ilo raan eo kein ka jiljilimjuon in allõñ eo, Naan in Jeova ear itok ñan eõ im ba,

[21] “Nevin armej, Iar bwilok pein Pero Kiñ in Ijipt, im lo, ejañin korake bwe en mour ak korake kõn juon kein korkor bwe en wor an kajoor ñan jibwe juon jãje.

[22] Kõn men in, ãindein an Irooj Jeova ba, Lo, Ij jumæ Pero Kiñ in Ijipt, im Inaaj bwilok pã ko pein, pã eo ekajoor kab pã eo emõj an bwilok, im Inaaj kõmman bwe jãje eo en wutlok jãn pein.

[23] Im Inaaj kejeploklök ro ri Ijipt ñan ippãn ri aelõñ ko, im Inaaj ebaje er ilo ãne ko.

[24] Ak Inaaj kakajoor pa ko pein Kiñ in Babilon, im Inaaj lellok jãje eo Aõ ña ilo pein, im Inaaj bwilok pã ko pein Pero, im enaaj ñõrñõr imaan ainwõt juon eo ekinejneje ej ñõrñõr.

[25] Inaaj kakajoor pã ko pein Kiñ in Babilon, ak pã ko pein Pero renaaj wutlok. Innãm renaaj jelã bwe Ña Jeova ñe Ij lellok jãje eo Aõ ña ilo pein Kiñ in Babilon im ej erlokwe e ion ãne in Ijipt.

[26] Innãm Inaaj kejeploklök ro ri Ijipt ñan ippãn ri aelõñ ko, im Inaaj ebaje er ilo ãne ko; innãm renaaj jelã bwe Ña Jeova.”

JEPTA 31

[Ez 31.1] Im ilo iiõ eo kein ka joñoul juon, ilo allõñ eo kein ka jilu im raan eo kein ka juon in allõñ eo, Naan in Jeova ear itok ñan eõ im ba,

[2] “Nevin armej, kwõn ba ñan Pero Kiñ in Ijipt im ñan jarlejpu eo an, ‘Kwõj ainwõt wõn ilo am lapen?

[3] Lale mōk, Assiria ear juon wõjke aik ilo Lebanon; ra ko raan raar aiboojoj im bwiloken rej kallor, im elap an utiej; im jabõn ear ibulõn kōdō ko.

[4] Dãn ko raar kõmman bwe en lap, im unin dãn ko raar koutiej e; river ko an raar etal lok ipelaakin jikin emõj ekkat e ie, im ear jilkinlok dãn ko an ñan aolep wõjke in meļaj.

- [5] Kōn men in ear utiej jān aolep wōjke in meļaj, im ra ko an raar orļok im raar aitokļok kōn an lōñ dān ko ilo an jilkinļoki. ??
- [6] Aolep bao in mejatoto raar kōmman el ko aer ilo ra ko raan im aolep men in mour an meļaj raar keotak iumwin ra ko raan, im ilo lorin aolep aelōñ ko reļap raar jokwe.
- [7] Im ear ļap an aiboojoj ilo an aitok ra ko raan, bwe okran raar pād ilo elōñ dān.
- [8] Wōjke aik ko ilo jikin kallib an Anij raar likjab jān e; wōjke cypress raar jab āinwōt e ilo ra ko raan, im wōjke plen ear jab āinwōt ra ko raan. Ejjeļok wōjke ilo jikin kallib an Anij ear āinwōt e ilo an aiboojoj.
- [9] Iar kōmmane bwe en aiboojoj kōn an lōñ ra ko raan, innām aolep wōjke ko ilo Iden ko rar ilo jikin kallib an Anij raar kaņo kōn e.
- [10] Kōn men in, āindein an Irooj Jeova ba, Kōn an kar lukkuun utiej, im ear lelōk jabōn ñan ibulōn kōdō ko, im eutiej būruen ilo an utiej,
- [11] Innām Inaaj lelōk e ña ilo pein irooj in aelōñ ko; ilo mool enaaj kōmman ñan e ekkar ñan an nana; Iar joļok e.
- [12] Im jet ruwamāejet, ro relej ian ri aelōñ ko, raar jeke im ilōk jān e. Ra ko raan raar wutļok ion toļ ko im ilo aolep koļlaļ, im eņōj bwilōk ra ko raan ilo aolep river ko an āne eo, im aolep armej in laļ raar wanlaļļok jān iumwin lorin, im raar ilōk jāne.
- [13] Ke ear buñ, aolep bao in mejatoto raar pād ion e, im aolep men in mour an meļaj raar pād ion ra ko raan.
- [14] Kōn men in ejjeļok bar wōjke iturin dān enaaj make koutiej e ilo an utiej, im reban lelōk jabōn ko aer ñan ibulōn kōdō ko, im ko rekajoor im eņman wutdikdik er reban jutak ilo aer utiej, bwe eņōj lelōk aolepeir ñan mej, ñan mōttan ko ettātata in laļ, ibwiljen ro nejin armej, ippān ro rej wanlaļļok ñan roñ eo.
- [15] Āindein an Irooj Jeova ba, Ilo raan in an wanlaļļok ñan Sheol, Iar kōmman juon liaajļoļ; Iar kalibubu unin dān ko kōn e, im Iar bōbrae river ko an, im dān ko relōñ raar bōjrak, im Iar kōmman bwe Lebanon en būromōj kōn e, im aolep wōjke in meļaj raar mōrālōk.
- [16] Iar kōmman bwe aelōñ ko ren wudidid ilo ainikien buñ eo an ke iar jolaļļok e ñan Sheol ippān ro rej wanlaļok ñan roñ eo; im aolep wōjke ko in Iden rewāmourur im reņman im eņōj wutdikdiki, raar aenōmman ilo laļ iumwin.
- [17] Er barāinwōt raar wanlaļļok ippān ñan Sheol ñan ippān ro eņōj man er kōn jāje; im ri kajoor ro An raar jokwe ilo lorin ibwiljin ri aelōñ ko.
- [18] Kwōj āinwōt wōjke ta in Iden ilo aiboojoj im lapen? Ak enaaj mōj an jolaļļok eok ippān wōjke ko in Iden ñan mōttan ko rettātata an laļ; ibwiljin ro rejab mwijmwij kwōnaaj babu ippān ro eņōj man er kōn jāje. Eñin Pero im aolep jarlepju eo an,” Irooj Jeova ej ba.

JEPTA 32

[Ez 32.1] Ilo iiō eo kein ka joñoul ruo im allōñ eo kein ka joñoul ruo im raan eo mokta in allōñ eo, Naan in Jeova ear itok ñan eō im ba,

[2] “Nevin armej, kwōn kotak juon liaajļoļ kōn Pero, Kiñ in Ijipt, im kwōn ba ñan e, ‘Kwōj āinwōt juon laiōn edik ian aelōñ ko, im kwōj āinwōt men in mour eļap ilo lojet, im kwar jadetok ilo reba ko aņ, im kwar kalim dān ko kōn neōm im kwar kattoon reba ko aer.’

[3] Āindein an Irooj Jeova ba, ‘Inaaj erļokwe ok eo Aō iom kōn juon jar in armej eļap, im renaaj tōbwetok eok ilo ok eo Aō.

[4] Im Inaaj likūt eok ion āne eo, im Inaaj joḷok eok ilo meḷaaj, im Inaaj kōmman bwe aolep bao in mejatoto ren pād iom, im Inaaj kamat aolep men in mour in āne kōn eok.

[5] Im Inaaj likūt kanniōkōm ion toḷ ko, im Inaaj kobraḷ komlaḷ kōn ānbwinnōm emej.

[6] Im Inaaj katutu āneo kōn bōtōktōkōm eo enaaj toḷok nian toḷ ko, im wea ko renaaj obrak kōn eok.

[7] Im ñe Ij kun eok, Inaaj kalibubu lañ ko im kamarok iju ko aer; Inaaj kalibubu aḷ eo kōn kōdō, im allōñ eban romakḷok.

[8] Inaaj kamarok iom aolep meram ko rej romak ilo lañ ko; Inaaj likūt marok ion āne eo am, Irooj Jeova ej ba.

[9] Im Inaaj kainezata būruen elōñ armej ñe Ij bōktok am jorrāñ ibwiljin aelōñ ko, ilo āne ko komij jab jeḷā kaki.

[10] Im Inaaj kōmman bwe elōñ armej ren bwilōñ kōn eok, im kiñ ro aer renaaj kanooj lōḷñōñ kōn eok ñe Ij eppālpāl jāje eo Aō iḷaer; im jabdewōt enaaj wūdiddid kōn an mour ñe kwōj buñ.

[11] Bwe āindein an Irooj Jeova ba, 'Jāje eo an Kiñ in Babilon enaaj iwōj.

[12] Inaaj kōmman bwe jar eo am ren buñ kōn jāje ko an ro ri kajoor, aolepeir rej ri lej ian ri aelōñ ko. Im Inaaj kōkkure juwa an Ijpt, im aolep jar eo an enaaj jeepeḷok.

[13] Im Inaaj kōkkure aolep men in mour ko an jān iturin elōñ dān. Im neen armej eban bar kalimī, im neen men in mour eban kalimī.

[14] Innām Inaaj kōmman bwe dān ko aer ren lor, im reba ko aer renaaj toḷor āinwōt oil, Irooj Jeova ej ba.

[15] Ñe Ij kōmman āne in Ijpt juon men in jeepeḷok, im joḷok jān āne eo aolep kobban; ñe Ij man aolep ro rej jokwe ilo e, innām renaaj jeḷā bwe Ña Jeova.

[16] Eñin juon liaajḷoḷ, im renaaj rooje. Jiroñ ro nejin ri aelōñ ko renaaj rooje. Kōn Ijpt im aolep jarlipju eo an renaaj rooje," Irooj Jeova ej ba.

PP [17] Im ilo iiō eo kein ka joñoul ruo im raan eo kein ka joñoul ḷalem in allōñ eo, Naan in Jeova ear itok nian eō im ba,

[18] "Nejin armej, kwōn liaajḷoḷ kōn jar eo an Ijpt, im jolalḷok e, e kab jiroñ ro nejin ri aelōñ ko reḷap, nian mōttān ko rettātata an laḷ ippān ro rej wanlalḷok nian roñ eo.

[19] 'Kwōj aiboojoj jān wōn? Kwōn wanlalḷok im babu ippān ro rejab mwijmwij.'

[20] Rej buñ ioḷapen ro emōj man er kōn jāje. Emōj lelōk e nian jāje; raar āñinḷok e im aolep jar eo an.

[21] Jān ioḷapen Sheol ro ri kajoor ian ro reḷap rej kōnono kōn e im ro raar jipañ e, "Raar wanlalḷok, rej babu, ro rejab mwijmwij, ro emōj man er kōn jāje."

[22] Assiria ej pād ie im aolep jar eo an; lōb ko lōben rej ipelaakin. Emōj man aolepeir, raar buñ kōn jāje.

[23] Lōb ko lōber emōj likūti ilo jikin ko rettoḷok ilo roñ eo, im jar eo an ej ipelaakin lōb eo lōben. Emōj man aolepeir, raar buñ kōj jāje eo ear kōmman lōḷñōñ ilo āne in ro remour.

[24] Elam epād ie im aolep jar eo an ipelaakin lōb eo lōben. Emōj man aolepeir, raar buñ kōn jāje, ro raar wanlalḷok im jab mwijmwij nian mōttan ko rettātata an laḷ, ro raar kōmman lōḷñōñ ilo āne in ro remour, im rejook ippān ro rej wanlalḷok nian roñ eo.

[25] Raar kōmman juon jikin babu nian e ippān aolep jar eo an ioḷapen ro emōj man er. Lōb ko lōben rej ipelaakin. Aolepeir rejab mwijmwij; emōj man er kōn jāje, bwe emōj pedejake lōḷñōñ ko

aer ilo āne in ro remour, im raar jook ippān ro rej wanlallōk ñan roñ eo; emōj likūt er ioḷapen ro emōj man er.

[26] Meshek - Tubal ej pād ie im aolep jar eo an. Lōb ko lōben rej ipelaakin. Aolepeir rejab ṁwijiṁwiji; emōj man er kōj jāje, bwe raar kōmman lōlñōñ ilo āne in ro remour.

[27] Im rejab babu ippān ro rebuñbuñ ian ro rejab ṁwijiṁwiji ro raar buñ, ro raar wanlallōk ñan Sheol ippān kein tariṅae ko aer, im raar likūt jāje ko aer iumwin bōraer, ak kaje kōn nana ko aer raar pād ion di ko dier, bwe lōlñōñ an ro rebuñbuñ ear ilo āne in ro remour.

[28] Ak kwōnaaj jorrāan ioḷapen ro rejab ṁwijiṁwiji, im kwōnaaj babu ippān ro emōj man er kōn jāje.

[29] Idom ej pād ie, kiñ ro an im aolep irooj ro an, ro, meñe raar kajoor, emōj likūt er ippān ro emōj man er kōn jāje. Rej babu ippān ro rejab ṁwijiṁwiji im ro rej wanlallōk ñan roñ eo.

[30] Irooj ro jān eañ, aolepeir, im aolep ro ri Sidon rej pād ie, ro raar wanlallōk ilo jook ippān ro emōj man er meñe raar kalōlñōñ ilo aer kajoor; im rej babu im jab ṁwijiṁwiji ippān ro emōj man er kōn jāje, im rejook ippān ro rej wanlallōk ñan roñ eo.

[31] Pero enaaj lo er, im enaaj aenōmman kōn aolep jar ko an; emōj man er kōn jāje, Pero im aolep jar in tariṅae eo an,” Irooj Jeova ej ba.

[32] “Meñe Iar lelōk e bwe en kōmman lōlñōñ ilo āne an ro remour, renaaj kababu e ioḷapen ro rejab ṁwijiṁwiji, ro emōj man er kōn jāje, Pero im aolep jar ko an,” Irooj Jeova ej ba.

JEPTA 33

[Ez 33.1] Innām Naan in Jeova ear itok ñan eō im ba,

[2] “Nejin armej, kwōn kōnono ñan ro nejin armej ro doom im ba ñan er, ‘Elaññe Ij bōktok juon jāje ñae juon āne, im armej in āne eo rej bōk juon armej jān iaer im kōmman bwe en juon ri kejure,

[3] Im ej lo jāje eo itok ñae āne eo, im ej ukwi jilel eo, im ej kakōl armej ro,

[4] innām eo ej roñjake ānikien jilel eo im ejab eoroñ naan in kakōl eo, jāje eo enaaj bōkḷok e; bōtōktōken enaaj ion bōran.

[5] Ej roñjake ainikien jilel eo, ak ejab eoroñ naan in kakōl eo; bōtōktōken enaaj ion e make. Ak eñaññe ear eoroñ naan kakōl, enaaj kar lomōoren an mour.

[6] Ak eñaññe ri kejure eo ej lo juon jāje itok, im ejab ukwi jilel eo, im ejjelōk naan in kakōl ñan armej ro, im jāje eo ej itok im bōk jān er juon armej, enaaj jako ilo ruōn, ak Inaaj kapukōt bōtōktōken jān pein ri kejure eo.

[7] Im kwe nejin armej, Iar kōmman eok juon ri kejar ñan mōn Israel, im kwōnaaj roñ juon naan jān loñiō, im kwōnaaj kakōl er kōn Ña.

[8] Ñe Ij ba ñan juon ri nana, ‘Ri nana, ilo mool kwōnaaj mej,’ im kwōjab kōnono ñan kakōl ri nana eo jān ial eo an, enaaj mej ilo an nana, ak Inaaj kapukōt bōtōktōken jān peōm.

[9] Ak kwe, eñaññe kwōj kakōl ri nana eo jān ial eo an bwe en oktak jāne, ak ejab oktak jān ial eo an, enaaj mej ilo an nana, ak kwe, kwar lomōoren am mour.

[10] Im kwe, nejin armej, kwōn kōnono ñan ro nejin Israel im ba, ‘Āindein ami ba, ‘Emool nana ko ad im jerōwiwi ko ad rej iod, im kōmij mōlōk ilo er; innām ekōjkan ad maroñ mour?’

[11] Kwōn ba ñan er, ‘Āinwōt Ij mour, Irooj Jeova ej ba, Ijab mōñōñō ilo mej an ri nana, ak emmanḷok ñe ri nana eo ej oktak jān ial eo an im mour. Komwin oktak, komwin oktak jān ial ko ami, kom ri nana. Bwe etke kom naaj mej mōn Israel?’

[12] Im kwe, nejin armej, kwōn ba ñan ro nejin armej ro doom, ‘Wānōk eo an juon rū wānōk eban loṃooren e ilo raan in an nana,;im kōn nana an eo enana, eban tipñōl kōn e ilo raan eo ñe ej oktak jān an nana; im rū wānōk eban maroñ mour kōn an wānōk ilo raan eo ñe ej jerōwiwi.

[13] Ñe Ij ba ñan juon rū wānōk bwe ilo ṃool enaaj mour, innām ej lōke an wānōk im ej kōṃṃan nana, reban kememej aolep wānōk ko an, ak enaaj mej ilo nana eo ear kōṃṃane.

[14] Im ñe Ij ba ñan juon ri nana, ‘ilo ṃool kwōnaaj mej,’ im ej oktak jān jerōwiwi ko an, im ej kōṃṃan jimwe im wānōk,

[15] eļañne ri nana eo ej kajeplaaḱ kein kaṃool eo, im ej kōrrā kōn men eo ear koṃt, im ej etetal ilo naan in jiroñ ko rej kemour, im ejab kōṃṃan nana, enaaj mour im jab mej.

[16] Reban kememej ṃae e aolep jerōwiwi ko an ko ear jerōwiwi kaki. Ej kōṃṃan jimwe im wānōk, im enaaj mour.

[17] Ak ro nejin armej ro doom rej ba, ‘Ejab jimwe ial an Irooj.’ Ak ej ial eo aer eo ejab jimwe.

[18] Ñe rū wānōk ej oktak jān an wānōk, im ej kōṃṃan nana, enaaj mej kōn e.

[19] Im eļañne ri nana ej oktak jān an nana im kōṃṃan jimwe im wānōk, enaaj mour kōn men kein.

[20] Ak koṃij ba, ‘Ejab jimwe ial an Irooj.’ Inaaj ekajet kom. jabdewōt iami, ekkar ñan ial ko an, O ṃōn Israel.”

[21] Im ilo iiō eo kein ka joñoul ruo in ad jepōkwe, im raan eo kein ka ļalem in allōñ eo kein ka joñoul, juon ri ko ear itok ñan eō jān Jerusalem im ba, ‘Eṃōj ṃan jikin kweiļok eo.’

[22] Innām pein Jeova ear itok ioō ilo jota ṃokta jān an deļoñ leo ear ko. Im Ear kapeļļok loñiō ṃokta jān an leo itok ñan ippa ilo jibboñ, innām loñiō ear peļļok, im ear jab bar ñak kōnono.

[23] Im Naan in Jeova er itok ñan eō im ba,

[24] “Nevin armej, ro rej jokwe ijo eṃōj kajepeplōke ilo āne in Israel rej kōnono im ba, ‘Ebrean ear juon wōt armej, im ear jolōt āne eo; ak jelōñ, im eṃool naaj letok ñan kōj āne bwe jen jolōte.’

[25] Kōn men in, kwōn ba ñan er, ‘Āindein an Irooj Jeova ba, ‘Koṃar ṃōñā ippān bōtōktōk, im kom ar kotak mejemi ñan ekjab ko, im kom ar katōorļok bōtōktōk. Innām koṃnaaj jolōt āne eo ke?

[26] Koṃij atartar ion jāje ko ami; koṃij kōṃṃan men in kajōjō, im jabdewōt iami ej kattoon lio pāleen ri turin. Innām koṃnaaj jolōt āne eo ke?”

[27] Āindein aṃ naaj ba ñan er, ‘Āindein an Irooj Jeova ba, Āinwōt Ij mour, ilo ṃool ro rej ilo jikin eo ejeepeplōk renaaj buñ kōn jāje, im ro rej ilo meļaaḱ Inaaj lilok i ñan men in mour bwe ren kañ er, im ro rej pād ilo me ko im roñ ko renaaj mej kōn nañinmej.

[28] Im Inaaj kōṃṃan bwe āne eo en jeepeplōk im jorrāān, im enaaj jemļok aibooj in an kajoor, im toļ ko in Israel renaaj jeepeplōk bwe ejjeļok en maroñ in deblōki.

[29] Im renaaj jeļā bwe Ña Jeova ñe Ij kōṃṃan bwe āne eo en jeepeplōk im jorrāān kōn aolep men in kajōjō ko aer ko raar kōṃṃani.

[30] Im kwe, nejin armej, armej ro doom rej kōnono wōt kōn kwe iturin kiin im ko im kōjām in ṃoko imweir, im juon ej ba ñan bar juon, jabdewōt ñan jimjein jimjaten im ba, ‘Itok ṃōk, im jen roñjake ta naan eo ej diwōjļok jān Jeova.’”

[31] Im rej deļōñwōj ñan eok āinwōt armej rekijoñ in deļōñ, im rej jijet iṃaam āinwōt armej ro doō, im rej roñjake naan ko aṃ, ak rejab kōṃṃani; kōn loñier rej kwaļok yokwe, ak būrueir rej ļoor koorļok ṃwieuk.

[32] Im lo, kwōj ñan er āinwōt juon al in maini jān juon eo eļļaaḱ ainikien im ejeļā kajañjañ; bwe rej roñjake naan ko aṃ, ak rejab kōṃṃani.

[33] Im ñe ej walok -- lo, enaaj walok! -- renaaj jeļã bwe juon ri kanan ear pãd ippaer.

JEPTA 34

[Ez 34.1] Naan in Jeova ear itok ñan eõ im ba,

[2] “Nejin armej, kwõn rikaniy ñae seperd ro in Israel. Kwõn rikaniy im ba ñan ñan seperd ran, ‘Áindein an Irooj Jeova ba, Jerata ñan seperd ro in Israel ro rej make naajdik er. Seperd ro ren jab naajdik bwij ko ke?”

[3] Komij mõñã kioeo im kanuknuk kom kõn wool im man ko re mattõk, ak komij jab naajdik bwij eo.

[4] Komar jab kakajoor ko remõjñõ ak kemour ko renañinmej ak põpo ko emõj kakinejneje er ak karoltok ko raar jeplõklõk ak pukõt ko rejako. Ak kwar irooj ioer kõn kajoor im lej.

[5] Im raar jeplõklõk kõn an ejjeļok seperd, im raar erom mõñã ñan aolep men in mour an meļaaaj, im raar jeplõklõk.

[6] Sip ko Aõ raar jebwãbwe ion aolep tol im ion aolep bat reutieje, im emõj kejeplõklõk sip ko Aõ ion aolepen mejen laļ, im ejjeļok ear pukõt ak kappok er.

[7] Kõn men in seperd ro, komwin roñjake naan in Jeova.

[8] Áinwõt Ij mour, Irooj Jeova ej ba, kõn an sip ko Aõ erom men in rakim, im sip ko Aõ raar mõñã ñan aolep men in mour an meļaaaj kõn an ejjeļok seperd, im seperd ro Aõ raar jab pukõt sip ko aõ, ak seperd ro raar naajdik er make im jab naajdik sip ko Aõ,

[9] kõn men in seperd ro, komwin roñjake naan in Jeova.

[10] Áindein an Irooj Jeova ba, Lo, Ij jumãe seperd ro, im Inaaj pukõt sip ko Aõ jãn peir, im kabõjrak aer lale sip ko, im reban bar make naajdik er, ak Inaaj lomõõren sip ko Aõ jãn loñier, im reban bar erom kijeir.

[11] Bwe áindein an Irooj Jeova ba, Lo, Ñã, Inaaj pukõt sip ko Aõ im kappok er.

[12] Áinwõt juon seperd ej lale bwij eo an ilo raan eo ñe ej pãd ioļapen sip ko an me emõj kejeplõklõk er, áindein Inaaj lale sip ko Aõ, im Inaaj lomõõren er jãn aolep jikin emõj kejeplõklõk er ie ilo juon raan ekõdõdo im marok.

[13] Im Inaaj kadiwõjļok er jãn aelõñ ko, im Inaaj kokweilõktok er jãn ãne ko, im Inaaj ãñintok er ñan ãne eo aer. Im Inaaj naajdik er ion toļ ko in Israel ilo wea ko im ilo aolep jikin ko ilo ãne eo ijo armeje rej jokwe ie.

[14] Inaaj naajdik er ilo juon meļaaaj emman, im jikin jokwe eo aer enaaj ion toļ ko reutieje in Israel. Ijo renaaj babu ilo juon jikin jokwe emman, im renaaj mõñã ilo juon meļaaaj ekowa ion toļ ko an Israel.

[15] Ñã, Inaaj naajdik sip ko Aõ, im Ñã, Inaaj kababu er,” Irooj Jeova ej ba.

[16] “Inaaj pukõt ko rejako im karoltok ko emõj kejeplõklõki im põpo ko emõj kakinejneje im kakajoor ko remõjñõ; ak Inaaj kajeepelõk ko rekilep im rekajoor. Inaaj naajdik er kõn ekajet.

[17] Ak kõn kom, bwij eo Aõ, áindein an Irooj Jeova ba, Lo, Inaaj ekajet ikõtaan juon sip im bar juon; kõtaan ram ko im got komaan ko.

[18] Ej juon men edik ippemi bwe komwin mõñã jãn meļaaaj eo emman? Innãm komij aikuj juri kõn neõmi mõttan eo ej pãdwõt ke? Ak ke komij idaak jãn dãn elur, komij aikuj kalim kõn neõmi ijo ko jet ke?

[19] Im bwij eo Aõ, rej mõñã men ko emõj juri kõn neõmi, im rej idaak ijo emõj kalime kõn neõmi.”

- [20] Kõn men in, äindein an Irooj Jeova ba ñan er, “Lo Ña, Inaaj ekajet ikõtaan sip ko rekilep im sip ko remõ.
- [21] Kom ar iuuni kõn katõmi im aerõmi, im kom ar jipeļļok aolep ro remõjnõ kõn doon ko ami mae iien emõj ami kejeplõklõk er ñan ijo ettoļok.
- [22] Ak Inaaj lomõoren bwij eo Aõ, im reban bar men in jibwe, im Inaaj ekajet ikõtaan sip im sip.
- [23] Im Inaaj kajutak ñan er juon seperd, ri korijera David, im enaaj naajdik er; enaaj make naajdik er, im enaaj aer seperd.
- [24] Im Ña Jeova, Inaaj aer Anij, im korijera David enaaj juon irooj ibwiljeir. Ña Jeova Iar kõnnaan.
- [25] Inaaj kõmman juon bujen in aenõmman ippaer, im Inaaj joļok men in mour ko renana jån åneo bwe ren marõn jokwe ilo åne jemaden ilo ejjeļok uwõta im kiki ilo bukwõn wõjke.
- [26] Im Inaaj kõmman bwe er im ijo ipelaakin toļ eo Aõ ren men in kejeraamman. Im inaaj kowutļok wõt ko ilo iien kok aer; enaaj wor wõt in kejeraamman.
- [27] Im wõjke ko in meļaaaj renaaj jebar leir, im åne eo enaaj lewõj an orļok, im renaaj påd ilo åne eo aer im jab uwõta. Innãm renaaj jeļå bwe Ña Jeova ñe Ij bwilok aļaļ in ine eo aer, im Inaaj lomõoren er jån pein ro raar kamakokoik er.
- [28] Im reban bar men in rakim ñan ri aelõn ko, im men in mour ko an åne eo reban kañ er, ak renaaj jokwe ilo ejjeļok uwõta, im ejjeļok enaaj kamijak er.
- [29] Im Inaaj kõmman juon jikin kallib ebuñbuñ ñan er, im reban bar jako kõn ñuta ilo åne eo, im reban bar inek kajirere an ro ri aelõn ko.
- [30] Innãm renaaj jeļå bwe Ña, Jeova aer Anij, Ij ippaer, im bwe er, mõn Israel, rej armej ro doõ,” Irooj Jeova ej ba.
- [31] “Im kom, sip ko Aõ, sip an meļaaaj eo Aõ, komij armej; Ña ami Anij,” Irooj Jeova ej ba.

JEPTA 35

- [Ez 35.1] Im Naan in Jeova ear itok ñan eõ im ba,
- [2] “Nejin armej, kwõn jaļļok ñan toļ Seir, im rikani j ñae e.
- [3] Im kwõn ba ñan e, ‘Äindein an Irooj Jeova ba, Lo, Ij jumae eok, toļ Seir, im Inaaj erlõkwe peiõ ñae eok, im Inaaj kõmman bwe kwõn jeepeļok im jorråån.
- [4] Inaaj kejeepeļok jikin kweilok ko am, im kwõnaaj åne jemaden, innãm kwõnaaj jeļå bwe Ña Jeova.
- [5] Kõn am kar dike jån etto im am kar leļok ro nejin Israel ñan kajoor in jåje ilo iien in aer jorråån, ilo jemļoken kaje eo aer,
- [6] kõn men in, åinwõt Ij mour,’ Irooj Jeova ej ba, ‘Inaaj kõmman bwe ren katõrļok bõtõktõkõm, im katõrļok bõtõktõk enaaj lukworkwor eok; kõn am kar jab dike katõrļok bõtõktõk, katõrļok bõtõktõk enaaj lukworkwor eok.
- [7] Im Inaaj kõmman bwe toļ Seir en kanooj jeepeļok, im inaaj bukwe jån e eo ej deblõke im eo ej roltok.
- [8] Im Inaaj kobrak toļ ko an kõn ro emõj man er. Ro emõj man er kõn jåje renaan buñ ion bat ko am im ilo komlaļ im aolep wea ko am.
- [9] Inaaj kõmman bwe kwõn jeepeļok indeeo, im ejjeļok enaaj jokwe ilo jikin kweilok ko am. Innãm kom naaj jeļå bwe Ña Jeova.

[10] Kōn aṃ kar ba, ‘Aelōñ kein ruo im āne kein ruo renaaj aō, im kōmnaaj bōki,’ meñe Jeova ear pād ie

[11] Kōn men in, āinwōt Ij mour, Irooj Jeova ej ba, Inaaj kōmṃan ñan eok ekkar ñan aṃ illu im aṃ kaṃo eo kwar kwaḷoki ilo aṃ kar dike er. Innām Inaaj kōmṃan bwe ren jeḷā Eō ñe Ij ekajet eok.

[12] Im kwōnaaj jeḷā bwe Ña, Jeova, Iar roñ aolep kananaik ko aṃ ko kwar kōnono ñae toḷ ko an Israel im ba, ‘Rejeepeḷok; eṃōj litoki ñan kōj bwe ren kijōd.’

[13] Im koṃ ar kōmmejāje ñae Eō im korḷok naan ko ami ñae Eō; Ña, Iar roñjake.

[14] Āindein an Irooj Jeova ba, Ke aolepen laḷ ej lañlōñ, Inaaj kōmṃan eok juon men in jeepeḷok.

[15] Āinwōt kwar lañlōñ kōn jolōt eo an ṃōn Israel ke ear jeepeḷok, āindein Inaaj kōmṃan ñan eok. Kwōnaaj men in jeepeḷok, toḷ Sir im aolepen Idom, aet, aolepen. Innām renaaj jeḷā bwe Ña Jeova.”

JEPTA 36

[Ez 36.1] “Im kwe, nejin armej, kwōn rikanij ñae toḷ ko in Israel, im kwōn ba, ‘Toḷ ko in Israel, koṃwin roñjake naan in Jeova,

[2] Āindein an Irooj Jeova ba, Kōn an ri kōjdāt ro ba kōn kom, ‘Aha! jikin ko reutiej jān etto rej ad kiiō!’”

[3] Kōn men in, kwōn rikanij im ba, ‘Āindein an Irooj Jeova ba, Kōn aer kar kajepeḷok im juri koṃ jān ipelaakin bwe kwōn men in jolōt an aelōñ ko jet, im raar kōnono kōn koṃ im kananaik kom,

[4] Kōn men in, toḷ ko in Israel, koṃwin roñjake naan in Irooj Jeova. Āindein an Irooj Jeova ba ñan toḷ ko im ñan bat ko im ñan wea ko im koṃlaḷ ko im ñan āne jeṃaden ko rejeepeḷok im ñan jikin kweilok ko eṃōj an armej ilok jāni, ko raar erom men in rakim im kajirere ñan aelōñ ko jet ipelaakin,

[5] Kōn men in āindein an Irooj Jeova ba, Ilo ṃool, ilo kijeek in Aō kaṃo Iar kōnnaan ñan aelōñ ko jet im ñan aolepen Idom ro raar kōmṃan bwe āne eo Aō en aer kōn lañlōñ in aolepen būrueir im kōn kōjdāt ilo aer, bwe meḷaaj ko an en aer men in rakim.

[6] Kōn men in, kwōn rikanij ñae āne in Israel, im kwōn ba ñan toḷ ko im bat ko im wea ko im koṃlaḷ ko, ‘āindein an Irooj Jeova ba, Lo, ilo Aō kaṃo im Aō illu Iar kōnono, kōnke kom ar inek kajirere an ro ri aelōñ ko.

[7] Kōn men in, āindein an Irooj Jeova ba, ‘Ña Iar kanejneḷ bwe ilo ṃool ro ri aelōñ ko ipelaakōmi renaaj make inek kajirere ko aer.

[8] Im koṃ, toḷ ko in Israel, enaaj eddeklok ra ko raami, im koṃnaaj jebar leemi ñan armej ro doō, Israel, bwe epaak aer itok.

[9] Bwe, lo, Ña Ij rie kom. Im ṃnaaj jalwōj ñan koṃ, im renaaj kōblaḷ im ekkat koṃ.

[10] Im Inaaj korḷok armej iomi, aolepen ṃōn Israel, aet, aolepen. Im armej renaaj jokwe ilo jikin kweilok ko, im renaaj ekkal jikin ko raar jorrāñ.

[11] Im Inaaj korḷok armej im men in mour iomi, im renaaj orḷok im jebar leen. Im Inaaj kōmṃan bwe koṃwin jokwe āinwōt ṃokta, im Inaaj kōmṃan eṃṃan ñan koṃ jān kar ṃokta. Innām koṃnaaj jeḷā bwe Ña Jeova.

[12] Im Inaaj kōmṃan bwe armej, ro doō Israel, ren etetal iomi, im renaaj bōk eok, im kwōnaaj ñan er juon jolōt, im koban bar kōmṃan bwe en jako ro nejeir.

[13] Āindein an Irooj Jeova ba, Kōn aer ba ñan kom, ‘Kwōj kañ armej im kōmman bwe en jako ajri ro nejin ri aelōñ ko,’

[14] Kōn men in, koban bar kañ armej ak kōmman bwe en jako ajri ro nejin ri aelōñ ko,” Irooj Jeova ej ba.

[15] “Im Inaaj kōmman bwe koban bar roñ kajirere an ri aelōñ ko ak inek kinaak an armej, im koban bar jatipñōl aelōñ eo am,” Irooj jeova ej ba.

[16] Innām Naan in Jeova ear itok ñan eō im ba,

[17] “Nejin armej, ke mōn Israel ear jokwe ilo āne eo aer, rar kattoon e kōn ial ko aer im kōmman ko aer; ial eo aer imaō ear āinwōt ettoon eo an juon kōrā ilo an bōk mantin.

[18] Innām Iar lutōklōk Aō illu ioer kōn bōtōktōk eo raar katōrļoke ion āne eo im kōn ekjab ko kaar kattoon e kaki.

[19] Im Iar kejeplōklōk er ibwiljen ri aelōñ ko, im emōj aer jeeded ilo āne ko. Iar ekajet er ekkar ñan ial ko aer im kōmman ko aer.

[20] Im ke raar etal ñan ippān ri aelōñ ko ijo raar etal ñan ie, raar kananaik Eta ekwōjarjar. Im emōj ba kōn er, ‘Rein armej an Jeova, im raar diwōjļok jān āne eo An.’

[21] Ak Iar kōnaan kōjparok Eta ekwōjarjar eo mōn Israel raar kananaike ibwiljin ri aelōñ ko ijo raar etal ñan ie.

[22] Kōn men in, kwōn ba ñan mōn Israel, ‘Āindein an Irooj Jeova ba, Ijab kōmman men kein kōn kom, mōn Israel, ak kōn Eta ekwōjarjar eo kom ar kananaik ibwiljen ro aelōñ ko ijo kom ar etal ñan ie.

[23] Im Inaaj kokwōjarjar Eta eļap eo emōj kananaik e ibwiljin ri aelōñ ko, eo kom ar kananaik ibwiljeir. Innām ri aelōñ ko renaaj jeļā bwe Ņa Jeova,’ Irooj Jeova ej ba, ‘ñe Ij kokwōjarjar Eō ilo kom imaan mejeir.

[24] Im Inaaj bōk kom jān ippān ri aelōñ ko, im Inaaj kokweilōktok kom jān aolep āne ko, im Inaaj kadeļōñ kom ilo āneōmi.

[25] Im Inaaj wutdikdik kom kōn dān in karreo, im komnaaj erreō. Inaaj karreok kom jān aolep ettoon ko ami im aolep ekjab ko ami.

[26] Im Inaaj lewōj ñan kom juon buru ekāāl, im Inaaj likūt juon jetōb ekāāl ibulōmi. Im Inaaj joļok buru dekā jān kanniōkemi, im Inaaj lewōj ñan kom juon buru kanniōk.

[27] In Inaaj likūt Jetōb eo Aō ilo kom, im Inaaj kōmman bwe komwin etetal ilo naan in jiroñ ko Aō im eoroñ im kōmman ekajet ko Aō.

[28] Im komnaaj jokwe ilo āne eo Iar lelōk ñan ro jememi, im komnaaj armej ro doō im Ņa, Inaaj ami Anij.

[29] Im Inaaj lomōremi jān aolep ettoon ko ami. Im Inaaj kūrtoke grain im korļoke, im Iban lewōj ñūta ñan kom.

[30] Im Inaaj korļok leen wōjke im men in orļok an jikin kallib ko bwe komwin jab bar bōk kajirere an ri aelōñ ko kōn ñūta.

[31] Im komnaaj kememej ial ko ami renana im kōmman ko ami me raar jab emman, im komnaaj make jōjōik kom imaan mejemi kōn nana ko ami im men in kajōjō ko ami.

[32] Komwin jeļā bwe Ijab kōmman men kein kōn kom,” Irooj Jeova ej ba. “Komwin jook im āliklik kōn ial ko ami, mōn Israel.”

[33] Āindein an Irooj Jeova ba, “Ilo raan eo ñe Ij karreoik kom̄ jān aolep nana ko ami, Inaaj barāinwōt kōmman bwe komwin jokwe ilo jikin kweilok ko, im renaaj kalek jikin ko raar jepeeplok.

[34] Im renaaj tōblaļe āne eo ear āne jemaden, im eban bar juon men in jeepeplok imaan mejen aolep ro rej ellā jān e.

[35] Im renaaj ba, ‘Ānin eo ear jeepeplok ej āinwōt jikin kallib in Iden, im jikin kweilok ko emōj kōkkure im raar jorrāān im jeepeplok emōj kapeni im elōñ rej jokwe ie.

[36] Im ri aelōñ ko rej pād wōt ipelaakōmi renaaj jeļā bwe Ña Jeova Iar kalek eo emōj kōkkure im Iar ekkat ijo ear jeepeplok. Ña Jeova, Iar kōnono im Inaaj kōmmane.

[37] Āindein an Irooj Jeova ba, Ilo men in Inaaj likūt bwe mōn Israel ren kajjitōk Ippa bwe in kōmmane ñan er: inaaj korlok armej ro aer āinwōt juon bwij in sip.

[38] Āinwōt bwij ko rekwōjarjar ñan katok ko, im āinwōt bwij ko in Jerusalem ilo iien kwōjkwōj ko an, āindein jikin kweilok ko raar jeepeplok renaaj obrak kōn bwij in armej. Innām renaaj jeļā bwe Ña Jeova.

JEPTA 37

[Ez 37.1] Im pein Jeova ear ioō, im Ear bōklōk eō ilo Jetōb in Jeova im likūt eō ioļapen komlaļ eo, im ear obrak kōn di.

[2] Im Ear kōmman bwe in etal ibwiljeir ipelaakin, im lo, ear kanooj lōñ ion mejen komlaļ eo, im lo, raar kanooj mōrā.

[3] Im Ear ba ñan eō, “Nejin armej, di kein remaroñ mour ke?” Im iar ba, “Irooj Jeova, Kwe, Kwōjeļā.”

[4] Im Ear ba ñan eō, “Kwōn rikaniј ñan di kein, im kwōn ba ñan er, ‘Di kein remōrā, komwin roñjake Naan in Jeova.’”

[5] Āindein an Irooj Jeova ba ñan di kein, “Lo, Inaaj kadeļoñ menono ilo kom̄, im komnaaj mour.

[6] Im Inaaj likūt iki ko iomi im likūt kanniōk iomi im kalibubuik kom̄ kōn kil im likūt menono ilo kom̄ bwe komwin mour. Innām komnaaj jeļā bwe Ña Jeova.”

[7] Innām iar rikaniј āinwōt emōj jiroñ eō. Im ke iar rikaniј ear wor juon ainikien, im lo, juon makūtkūt, im di ko raar koba ippān doon, di ñan di.

[8] Im iar reiļok, im lo, iki ko ear walok ioer, im kanniōk ear walok, im kil ear kalibubuik er; ak ear ejjeļok menono ilo er.

[9] Innām Ear ba ñan eō, “Kwōn rikaniј ñan menono eo; kwōn rikaniј, nejin armej, im kwōn ba ñan menono eo, ‘Āindein an Irooj Jeova ba, Kwōn itok menono jān kōto ko emān, im kwōn ukwi ion rein emōj man er bwe ren mour.’

[10] Im iar rikaniј āinwōt emōj jiroñ eō, im menono ear itok ilo er, im raar mour, im raar jutak ion neir, juon jar in tariņae ekanooj ļap.

[11] Im Ear ba ñan eō, “Nejin armej, di kein rej aolepen mōn Israel. Lale mōk, rej ba, ‘Emōrā di ko ad, im ejako ad kōjatdikdik. Emōj bukweļok kōj.’”

[12] Kōn men in, kwōn rikaniј im ba ñan er, ‘Āindein an Irooj Jeova ba, Lo armej ro doō, Inaaj kapelļok lōb ko ami im bōklōñļok kom̄ jān lōb ko ami, im Inaaj kadeļoñ kom̄ ilo āne in Israel.

[13] Innām kom̄, armej ro doō, komnaaj jeļā bwe Ña Jeova ñe Ij kapelļok lōb ko ami im bōklōñļok kom̄ jān lōb ko ami.

[14] Im Inaaj likūt Jetōb eo Aō ilo kom, im komnaaj mour, im Inaaj likūt kom ilo āneo ami. Innām komnaaj jelā bwe Ña Jeova, Iar kōnono im kōmmane,” Jeova ej ba.

[15] Im Naan in Jeova ear itok ñan eō im ba,

[16] “Innām kwe, nejin armej, kwōn bōk juon aļal im je ion ‘an Juda im ro nejin Israel ro rej ro mōttan.’ Im kwōn bōk bar juon aļal im je ion ‘an Josep, aļal an Ipreim im aolep mōn Israel ro rej mōttan.’

[17] Im kwōn kobaik juon ñan men eo juon bwe ren juon wōt aļal bwe ren erom juon ilo peōm.

[18] Im ñe ro nejin armej ro doōm rej kōnono ñan eok im ba, ‘Kwōjab kamelejeik kōj kōn men kein ke?’

[19] Kwōn ba ñan er, ‘Āindein an Irooj Jeova ba, Lo, Inaaj bōk aļal eo an Josep eo ear ilo pein Ipraeim im bwij ko an Israel ro rej ro mōttan, im Inaaj likūt er ippān, ippān aļal eo an Juda, im Inaaj kōmman bwe ren juon aļal, im renaaj juon wōt ilo Peiō.

[20] Im aļal ko kwōj jeje ion renaaj ilo peōm imaan mejeir.

[21] Im kwōnaaj ba ñan er, ‘Āindein an Irooj Jeoba ba, Lo, Inaaj bōk ro nejin Israel jān ioļapen ro ri aelōñ ko ijo raar etal ñan ie, im Inaaj kokweiloxtok er jān ipelaakin, im Inaaj kadeļoñ er ilo āneo aer.

[22] Im Inaaj kōmman bwe ren juon aelōñ ilo āneo, ion toļ ko in Israel. Im juon kiñ enaaj kiñ ion aolepeir. Im reban bar ruo aelōñ, im reban bar jepel bwe ren ruo aelōñ.

[23] Im reban bar make kattoo er kōn ekjab ko aer im men in kajōjō ko aer im kōn aolep bōd ko aer. Ak Inaaj lomōoren er jān aolep pirlok ko aer ko raar jerōwiwi kaki; im Inaaj karreoik er, im renaaj armej ro doō, im Inaaj aer Anij.

[24] Im ri korijera Devid enaaj kiñ ioer, im enaaj wor juon seperd ñan aolepeir, im renaaj etal ilo ekajet ko Aō im kōjparok kien ko Aō im kōmmani.

[25] Im renaaj jokwe ilo āneo Iar lelōk ñan korijera Jakob im eo ro jemaer raar jokwe ilowan; im renaaj jokwe ilo e, er, im ro nejeir, im ro nejin ro nejeir ñan indeeo, im ri korijera Devid enaaj aer irooj ñan indeeo.

[26] Im Inaaj kōmman juon bujen in aenōmman ippaer. Enaaj juon bujen indeeo ippaer. Im Inaaj likūt er im korlok er im likūt jikin kwōjarjar eo Aō ioļapeir ñan indeeo.

[27] Jikin jokwe eo Aō enaaj ippaer, im Inaaj aer Anij, im er, renaaj armej ro doō.

[28] Innān ri aelōñ ko renaaj jelā bwe Ña Jeova Eo ej kokwōjarjar Israel ñe jikin kwōjarjar eo Aō ej ioļaper ñan indeeo.

JEPTA 38

[Ez 38.1] Innām Naan in Jeova ear itok ñan eō im ba,

[2] “Nevin armej, kwōn jallok ñan Gog ilo āne in Magog, irooj eo eutiejtata an Meshek im Tubal, im kwōn rikanij ñae e.

[3] Im kwōn ba, ‘Āindein an Irooj Jeova ba, Lo, Ij jumae eok Gog, irooj eo eutiejtata an Meshek im Tubal.

[4] Im Inaaj kajeor eok im likūt kāāj ilo atlaļōm, im Inaaj āñinlok eok im aolep jar in tariñae eo am, kiria ko, ro rej uwe ion kiria ko, aolepeir eaiboojoj nuknuk ko aer, juon jar eļap im ippaer likepejñak im kein tōrak, aolepeir rej jibwe jāje.

[5] Persia, Kush, im Put rej ippaer; aolepeir elōñ aer likepejñak im kein korape bōraer.

[6] Gomer im aolep jar in tariṇae ko an; Bet Togarmaz jān jikin ko rettoḷok eañ ippān aolep jar in tariṇae ko an - elōñ armej ippaṃ.

[7] Kwōn pojak, im kwōn make kapojak, kwe im aolep jar ko aṃ me eṃōj aer kweilok ippaṃ, im kwōn juon ri kejaad kōn er.

[8] Ālikin elōñ raan enaaj lowōj eok; ilo iiō ko rej itok kwōnaaj deḷoñ ilo āne eo ear mour jān jāje, im eṃōj kweiloktok armej ro an jān elōñ aelōñ ṇan toḷ ko in Israel ko rekar jorrāan aolep iien; eṃōj kadiwōjḷok er jān ri aelōñ ko, im aolepeir rej jokwe ilo ejjeḷok uwōta.

[9] Innām kwōnaaj wanlōñḷok im itok āinwōt juon lañ; kwōnaaj āinwōt juon kōdō eo ej kalibubu āneo, kwe im aolep jar in tariṇae ko aṃ im elōñ armej ippaṃ.

[10] Āindein an Irooj Jeova ba, Ilo raan eo elōñ ḷōmṇak renaaj walok ilo būruōm, im kwōnaaj pepe juon pepe enana.

[11] Im kwōnaaj ba, ‘Inaaj wanlōñḷok ṇan juon āne eo ewor jikin kweilok im ejjeḷok aer worwor ie; inaaj deḷoñ ṇan ro rej tōt im rej jokwe ilo ejjeḷok uwōta, aolepeir rej jokwe ijo ejjeḷok worwor, ak aḷaḷ ak kōjām ej pād ie;

[12] ṇan bōk men in jibwe im men in rakim, ṇan ukōt peōm ṇae jikin ko rejeepeḷok ijo elōñ rej jokwe ie kiiō, im ṇae armej ro eṃōj aer kweiloktok jān aelōñ ko, ro raar bōk kau ko im ṃweiuik ko, im ro rej jokwe ioḷapen āneo.’

[13] Shiba, im Didan, im ri wia ro an Tarshish, im aolep jikin kweilok ko an, renaaj ba ṇan eok, ‘Kwōj itok bwe kwōn bōk men in rakim ke? Kwar kokweiloktok jar ko aṃ bwe kwōn rakimke, im bwe kwōn bōkḷok silver im gold im bōk kau ko im ṃweiuik ko, im bwe kwōn bōk men in jibwe ko relōñ?

[14] Kōn men in, kwōn rikanij, nejin armej, im kwōn ba ṇan Gog, ‘Āindein an Irooj Jeova ba, Ilo raan eo ñe armej ro doō Israel rej jokwe ilo ejjeḷok uwōta, koban jeḷā kake ke?

[15] Im kwōnaaj itok jān jikōm ilo jikin ko rettoḷok eañ, kwe im elōñ armej ippaṃ, aolepeir rej uwe ion kiria, juon jar eḷap im juon jar in tariṇae ekajoor.

[16] Im kwōnaaj wanlōñḷok ṇae armej ro doō Israel bwe kwōn kalibubuik āneo āinwōt juon kōdō. Ilo raan ko relikata, Gog, Inaaj āñinḷok eok ṇae āne eo Aō bwe ro ri aelōñ ko ren jeḷā Eō ñe Ij kwaḷok Aō kwōjarjar ilo eok iṃaan mejeir.’

[17] Āindein an Irooj Jeova ba, ‘Kwe eo Iar kōnono kake ke ilo raan ko ṃokta kōn ro ri korijera, ri kanan ro an Israel? Ilo raan ko raar rikanij iumwin elōñ iiō bwe Inaaj āñinḷok eok ṇae er.

[18] Im ilo raan eo ñe Gog ej deḷoñ ilo āne in Israel,’ Irooj Jeova ej ba, ‘Aō illu ebwil enaaj urur.

[19] Im ilo Aō kijejeto im Aō illu ebwil Inaaj kwaḷok bwe eṃool ilo raan eo enaaj wor juon ṃakūtkūt laḷ eḷap ilo āne in Israel.

[20] Im ek ko in lojet, im bao in mejatoto, im men in mour an meḷaaj, im aolep men in tōbalbal me rej tōbalbal ion laḷ, im aolep armej ro rej pād ion mejen laḷ renaaj wudidid iṃaō. Im toḷ ko renaaj wōtḷok ṇan laḷ, im jikin ko rejirūmle renaaj wōtḷok, im worwor otemjej renaaj buñ ṇan laḷ.

[21] Im Inaaj kūrtoḷok juon jāje ṇae e ion aolep toḷ ko Aō,’ Irooj Jeova ej ba, ‘im jāje an jabdewōt enaaj ṇae jimjein jimjaten.

[22] Im Inaaj ekajet e kōn nañinmej im bōtōktōk, im Inaaj kowōt ion, im ion jar ko an im ion armej ro relōñ ro rej pād ippān juon wōt mijeljel im wōt epen im kijeek im brinston.

[23] Im Inaaj kwaḷok Aō ḷapen im Aō kwōjarjar, im Inaaj kaalikkar Eō iṃaan mejen elōñ aelōñ, innām renaaj jeḷā bwe Ña Jeova.”

JEPTA 39

[Ez 39.1] “Innām kwe, nejin armej, kwōn rikaniy ɲae Gog, im kwōn ba, ‘Āindein an Irooj Jeova ba, Lo, Ij jumae eok Gog, irooj eo eutiejtata an Meshek im Tubal.

[2] Im Inaaj karol eok im tōl eok im āñintok eok jān jikin ko rettołok eañ, im Inaaj āñinłok eok ɲae toł ko in Israel.

[3] Im Inaaj deñōt lippon eo aɲ jān peōm anmiiñōm, im Inaaj kowōtłok made ko aɲ jān peōm anmoonōm.

[4] Kwōnaaj buñ ion toł ko in Israel, kwe im aolep jar in tariɲae ko aɲ im armej ro ippaɲ. Im Inaaj lełok eok bwe kwōn kijen aolep kain bao elej im men in mour an mełaaaj.

[5] Kwōnaaj buñ ilo mełaaaj, bwe Iar kōnono,’ Irooj Jeova ej ba.

[6] Im Inaaj jilkinłok kijeek ion Magog im ion ro rej jokwe ilo aelōñ ko ilo ejjełok uwōta. Innām renaaj jełā bwe Ņa Jeova.

[7] Im Inaaj kōmɲan bwe ren jełā Eta ekwōjarjar iołapen armej ro doō, Israel; im Iban likūt bwe ren bar kananaik Eta ekwōjarjar, ak ri aelōñ ko renaaj jełā bwe Ņa Jeova, Ri Kwōjarjar Eo an Israel.

[8] Lo, ej itok im enaaj walok,” Irooj Jeova ej ba. “Eñin raan eo Iar kōnono kake.

[9] Innām ro rej jokwe ilo jikin kweilok ko an Israel renaaj diwōjłok im kejo kijeek im tile kein tariɲae ko: likōpejñak ko, im kein tōrak ko, lippon ko, im made ko, im jokwōnōn pa, im made jołok; im renaaj kōmɲan kijeek kōn er iumwin jiljilimjuon iiō.

[10] Im reban bōk ałal jān mełaaaj, im reban jekjek jān bukwōn wōjke ko, bwe renaaj kōmɲan kijeek kōn kein tariɲae ko. Im renaaj kowadoɲe ro raar kowadoñe er, im renaaj rakimi ro raar rakimi er,” Irooj Jeova ej ba.

[11] Im ilo raan eo Inaaj lełok juon wuliej ñan Gog ilo Israel ilo koɲlał an ro rej ellā rear in lomalo eo. im enaaj kabōjrak ro rej ellā ie. Im renaaj kalibwin ie Gog im aolep jar ko an, im renaaj ɲa etan ‘Koɲlał an Hemon Gog.’

[12] Iumwin jiljilimjuon allōñ ro mōn Israel renaaj kalibwin er bwe ren karreo āneo.

[13] Im aolep armej in āneo renaaj kalibwin er, im enaaj juon men ebuñbuñ ñan er ilo raan eo Ij kaiboojoj Eō,” Irooj Jeova ej ba.

[14] Im renaaj kajenołok jet armej ro renaaj deblōk āneo aolep iien im kalibwin ro raar ellā ie, ro rej pādwōt ion mejen lał, bwe ren karreoiki. Ņe emōj jiljilimjuon allōñ renaaj kapok.

[15] Im ñe ro rej deblōk āneo rej deblōke, im jabdewōt ej lo diin armej, enaaj likūt juon kakōlje iturin ɲae iien ro rej kalbwin rej kalbwine ilo koɲlał in Hemon Gog.

[16] Im barāinwōt enaaj wor juon jikin kweilok ie etan Hamona. Innām renaaj karreoik āneo.

[17] Im kwe, nejin armej, āindein an Irooj Jeova ba, kwōn ba ñan aolep kain bao im ñan aolep men in mour an mełaaaj, ‘Komwin kweiloktok im itok im pād ippān doon jān ipelaakin ñan katok eo Aō eo Inaaj katok kake kōn koɲ, juon katok ełap ion toł ko in Israel. Im koɲnaaj mōñā kanniōk im daak bōtōktōk.

[18] Koɲnaaj mōñā kanniōk an ro rekajoor im idaa bōtōktōken irooj ro an lał āinwōt rej ram, lam, got, im kau koɲaan, aoleper men ko remattōk an Beshan.

[19] Im koɲnaaj mōñā kioeo ɲae iien komij mat, im koɲnaaj idaa bōtōktōk ɲae iien komij kadek kake, jān katok eo Aō eo Ij katok kake kōn koɲ.

[20] Im koɲnaaj mat ilo tebōl eo Aō kōn kiria im ro rej uwe ion jeriōt, ro rekajoor, im aolep armej in tariɲae,’ Irooj Jeova ej ba.

[21] ‘Im Inaaj kwaḷok Aō aiboojoj ibwiljin ri aelōñ ko, im aolep ri aelōñ ko renaaj lo ekajet eo Aō eo Ij kōmmani im Peiō eo Ij likūti ioer.

[22] Innām mōn Israel renaaj bwe Ña Jeova aer Anij jān raan eo im etal.

[23] Im ri aelōñ ko renaaj jelā bwe mōn Israel ear jepokwe kōn bōd ko aer kōnke raar jumae Eō; innām Iar ṇooje Meja jān er. Im Iar lelok er ilo pein ri kōjdāt ro aer, im aolepeir raar buñ kōn jāje.

[24] Iar kōmman ñan er ekkar ñan ettoon ko im nana ko aer, im Iar ṇooje Meja jān er.

[25] Kōn men in, āindein an Irooj Jeova ba, Kiiō Inaaj jepḷaak jeraamman kko an an Jakob, im Inaaj tūriamokake aolepen mōn Israel, im Inaaj iden-ṇe kōn Eta ekwōjarjar.

[26] Im renaaj inek jook ko aer im aolep bōd ko aer ko raar bōd ṇae Eō kaki ñe rej jokwe ilo āneo ilo ejjelok uwōta, im ejjelok enaaj kamijak er.

[27] Ñe ij karoltok er jān armej ro im kokweiloktok er jān āne ko āneen ro ri kōjdāt er, innām Inaaj kwaḷok Aō kwōjarjar ilo er imaan mejen elōñ aelōñ.

[28] Im renaaj jelā bwe Ña Jeova aer Anij, bwe Iar kajepokweik er ñan ri aelōñ ko, ak Iar kokweiloktok er ñan āneo aer; im Iban bar likūt jabdewōt iaer ie.

[29] Im Iban bar ṇooje meja jān er, bwe Iar lutōkḷok Jetōb eo Aō ion mōn Israel.” Irooj Jeova ej ba.

JEPTA 40

[Ez 40.1] Ilo iiō eo kein ka roñoul Jalem in am jepokwe, ilo jinoin iiō eo, ilo raan eo kein ka joñoul in allōñ eo, ilo iiō eo kein ka joñoul emān ānlakin an jorrāñ jikin kweilok eo, ilo raan eo wōt pein Jeova ear ioō, im Ear āñinḷok eō ñan ijo.

[2] Ilo vision ko an Anij Ear āñinḷok eō ñan āne in Israel, im Ear likūt eō ion juon toḷ ekanooj utiej, im ear wor juon im ione ijo tu-rōk, im ear āinwōt juon jikin kweilok.

[3] Im Ear āñinḷok eō ñan ijo, im lo, ear juon emmaan, im wāween ear āinwōt wāween jinibōrōrō, im ear wor juon to linen ilo pein im juon koba in joñwe; im ear jutak ilo kōjām eo.

[4] Im Jeo ear kōnono ñan eō, “Nejin armej, kwōn lo kōn mejōm im roñjake kōn lojilñōm, im likūt ilo būruōm aolep men ko ij kwaḷok ñan eok, bwe emōj āñintok eok ñan ijin bwe in kwaḷok ñan eok; kwōn kwaḷok aolep men kwōj loi ñan mōn Israel.

[5] Im lo, ear wor juon worwor nabōj ipelaakin mweo, im ear wor juon koba in joñwe jiljino kubit aitoken ilo pein Jeo, im jabdewōt iaer ear juon kubit im juon pā. Im ear joñwe worwor eo im ear juon koba depakpak im juon koba utiej.

[6] Im ear itok ñan kōjām eo ear jalḷaḷok, im ear wanlōñḷok ion kein uwe eo an. Im ear joñwe biten kōjām eo im ear juon koba depakpak, im biten kōjām eo juon ear juon koba depakpak.

[7] Im rum ko an ri kōjjad raar juon koba aitok im juon koba depakpak, im ear Jalem kubit ikōtaan rum ko; im biten kōjām eo iturin tōñaak in kōjām eo ear jalḷok ñan mweo ear juon koba.

[8] Innām ear joñwe tōñaak in kōjām eo ear jalḷok ñan mweo, im ear juon koba.

[9] Innām ear joñwe tōñaak in kōjām eo, im ear ruwalitōk kubit, im joor ko an raar ruo kubit. Im tōñaak in kōjām eo ear jalḷok ñan mweo.

[10] Im ear wor jet rum an ro ri kōjjad an kōjām eo reaar, jilu i rājet im jilu ilo rājet eo juon, im raar joñan wōt juon.

[11] Im ear joñwe depakpak in kōjām eo, joñoul kubit; im aitoken kōjām eo, joñoul jilu kubit.

[12] Im ear wor juon worwor imaan rum ko, im ear juon kubit ijin im worwor eo juon i rājet ear juon kubit; im rum ko raar jiljino kubit aitoken im depakpak in.

[13] Innām ear joñwe kōjām eo jān bōrwaj in rom eo ñan bōrwaj eo juon, im ear roñoul ʒalem kubit depakpakin jān juon kōjām ñan kōjām eo juon.

[14] Im Ear kōmman joor ko jiljinoñoul kubit, im jikin eo eʒap an kōjām eo ear ipelaakin ñan joor eo.

[15] Im jān maan kōjām in deʒoñ ñan maan tōñaak eo an kōjām lowaan ear lemñoul kubit.

[16] Im ear wor windo ko rekilōk ipelaakin rum ko im joor ko lowaan kōjām eo im barāinwōt ilo tōñaak ko. Im ear wor windo ko lowaan im pija in wōjke palm ion joor ko.

[17] Innām ear āñinʒok eō ñan lowaan worwor eo ilik, im lo ear wor rum ko im juon eran laʒ emōj kōmmane ipelaakin; jilñoul rum raar jaʒʒok ñan eran eo.

[18] Im eran laʒ eo, eo ej eran laʒ ettā, ear iturin kōjām ko, im ear ekkar ñan aitoken kōjām ko.

[19] Innām ear joñwe depakpakin jān iṃaan kōjām eo ettā ñan iṃaan worwor eo lowan, jibukwe kubit i rear im eañ.

[20] Im kōjām eo ilo worwor eo ilok eo ear jaʒʒok ñan ial eo eañ, ear joñwe aitoken im depakpakin.

[21] Im rum ko jilu an ro ri kōjjad ilo rājet im i rājet eo juon, im joor ko an im tōñaak ko an raar joñan wōt juon kōjām eo moкта. Aitoken ear lemñoul kubit im depakpekan ear roñoul ʒalem kubit.

[22] Im windo ko, tōñaak ko, im joñak in wōjke palm ko an raar joñan wōt kōjām eo ear jaʒʒok ñan reaar, im jiljilimjuon jikin uwe raar wanlōñʒok ñan e, im tōñaak ko an raar iṃaer.

[23] Im ear wor juon kōjām an worwor eo lowan, im ear jab uweo jān kōjām eo eañ im reaar. Im ear joñwe jān kōjām ñan kōjām jibukwi kubit.

[24] Innām ear āñinʒok eō ñan ijo rōk, im lo, ear wor juon kōjām eo ear jaʒruñʒok, im ear joñwe joor ko an im tōñaak ko an ekkar ñan ejja joñak ko wōt.

[25] Im windo ko im tōñaak ko an ipelaakin raar āinwōt widow ko jet, im ear lemñoul kubit aitoken im roñoul ʒalem kubit depakpakin.

[26] Im jiljilimjuon jikin uwe raar wanlōñʒok ñan e, im tōjak ko an raar iṃaer. Im ear wor jiña in wōjke palm ion joor ko an, juon ijin im juon i rājet eo juon.

[27] Im ear wor juon kōjām ilo worwor eo lowaan eo ear jaʒruñʒok, im ear joñwe jān kōjām eo ñan kōjām eo ear jaʒruñʒok jibukwe kubit.

[28] Im ear āñinʒok eō ñan worwor eo lowan kōn kōjām eo i rōk, im ear joñwe kōjām eo rōk, im ear joñan wōt men ko jet.

[29] Im rum ko, joor ko, im tōñaak ko an raar joñan wōt men ko jet, im ear wor windo ko im tōñaak ko ipelaakin. Ear lemñoul kubit aitoken im roñoul ʒalem kubit depakpakin.

[30] Im ear wor tōñaak ko ipelaakin; raar roñoul ʒalem kubit aitoken im ʒalem kubit depakpakin.

[31] Im tōñaak ko an raar jaʒʒok ñan worwor eo ilik, im ear wor jiña kōn wōjke palm ion joor ko an, im ruwalitōk jikin uwe raar wanlōñʒok ñan e.

[32] Im ear āñinʒok eō ñan worwor eo lowan ñan ijo reaar, im ear joñwe kōjām eo, im ear joñan wōt men ko jet.

[33] Im rum ko, joor ko, im tōñaak ko an raar joñan wōt men ko jet, im ear wor windo ko im tōñaak ko ipelaakin. Ear lemñoul kubit aitoken im roñoul ʒalem kubit depakpakin.

[34] Im tōñaak ko an raar jaʒʒok ñan worwor eo ilik, im ear wor jiña in wōjke palm ion joor ko an ijin im ion rājet eo juon, im ruwalitōk jikin uwe raar wanlōñʒok ñan e.

[35] Im ear āñinʒok eō ñan kōjām eo eañ, im ear joñwe e joñan wōt men ko jet,

[36] aet, rum ko, joor ko im tōñaak ko an, im ear wor windo ko ipelaakin. Ear lemñoul kubit aitoken im roñoul ʒalem kubit depakpakin.

[37] Im joor ko an raar jall̥ok ñan worwor eo ilik, im ear wor jiña in wōjke palm ion joor ko an ijin im ion rājet eo juon. Im ruwalitōk jikin uwe raar wanlōñ̥ok ñan e.

[38] Im bar juon rum im kōjām eo an ear iturin joor ko ilo kōjām ko. Ijo raar kwaje men in katok kijeek ko.

[39] Im ilo tōñaak eo an kōjām eo ear wor ruo tebōl̥ ilo rājet im ruo tebōl̥ ilo rājet eo juon bwe renman ioyer men in katok kijeek im katok kōn jerowiwī im katok in bōd.

[40] Im nabōj ijo rej wanlōñ̥ok ñan jikin deļoñ̥ in kōjām eo eañ ear wor ruo tebōl̥, im i rājet eo juon in tōñaak an kōjām eo ear wor ruo tebōl̥.

[41] Emān tebōl̥ ijin im emān tebōl̥ i rājet iturin kōjām eo; ewor ruwalitōk tebōl̥ ijo raar man men ko ioyer.

[42] Im ear wor emān tebōl̥ jān dekā jekjekñan katok kijeek, im raar juon kubit im jimettan aitoken, juon kubit im jimettan depakdepakin, im juon kubit utiejēn. Raar likūt ioyer kein jermal ko ñan man katok kijeek im katok ko.

[43] Im jet kāāj me elōñ̥ ruo ñier im juon dilpen pa aitoken, emōj kapeni ilo turin mweo ipelaaken. Im kanniōk in jortak ko ear ion tebōl̥ ko.

[44] Im nabōjen kōjām eo lowaan ear wor ruo rum ilo worwor eo ilowan. Juon ear iturin kōjām eo eañ, im ear jall̥ok ñan rōk; im juon ear iturin kōjām eo rōk im ear jall̥ok ñan eañ.

[45] Im ear ba ñan eō, ‘Rum in eo ej jall̥ruñaļok ej ñan pris ro rej bōk eddo kōn lale tempel eo.

[46] Im rum eo ej jall̥niññaļok ej ñan pris ro rej bōk eddo kōn lokatok eo. Er ro nejin Zedok jān ro nejin Livai, im rej kepaak ñan Jeova ñan korijer ñan E.’

[47] Im ear joñwe lowaan worwor eo. Ear square, jibukwe kubit aitoken im jibukwe kubit depakpakīn. Im lokatok eo ear imaan tempel eo.

[48] Innām ear āñinļok eō ñan tōñaak in tempel eo, im ear joñwe joor ko an tōñaak eo, im raar ļalem kubit i rājet im ļalem kubit i rājet eo juon. Im depakpaken kōjām eo ear jilu kubit i rājet im jilu kubit i rājet eo juon.

[49] Tōñaak eo ear roñoul kubit aitoken im joñoul juon kubit depakpaken, im elōñ̥ jikin uwe raar wanlōñ̥ok ñan e, im ear wor joor ko iturin joor ko jet, juon i rājet im juon i rājet eo juon.

JEPTA 41

[Ez 41.1] Innām ear āñinļok eō ñan tempel eo, im ear joñwe joor ko. Raar jiljino kubit depakpakīn i rājet im jiljino kubit depakpakīn i rājet eo juon; āindein depakpakīn mōn kōppād eo.

[2] Im depakpakīn jikin deļoñ̥ ear joñoul kubit, im tōrerein jikin deļok ear ļalem kubit i rājen im ļalem kubit i rājet eo juon. Im ear joñwe aitoken eñoul kubit im depakpakīn roñoul kubit.

[3] Im ear deļoñ̥ lowan, im ear joñwe joor eo an kōjām eo, im ear ruo kubit. Im kōjām eo ear jiljino kubit im depakpakīn kōjām eo jiljilimjuon kubit.

[4] Im ear joñwe aitoken roñoul kubit im depakpakīn roñoul kubit imaan tempel eo. Im ear ba ñan eō, ‘Eñin jikin kwōjarjar otem kwōjarjar.’

[5] Innām ear joñwe kiin mweo, im ear jiljino kubit. Im rum ko iturin raar emān kubit rebakbakīn ipelaakīn mweo.

[6] Im rum ko iturin raar ilo jilu dek, im ear wor jilñoul rum ilo kajjojo dek. Im ear wor jikin ilo kiin mweo ipelaakīn mweo ñan lōñtake rum ko bwe kiien mweo make en jab aikuj lōñtake rum ko ipelaakīn.

[7] Im rum ko iturn raar depakpakļok ke raar wanlōñļok, bwe mweo ipelaakin temple eo ear wanlōñļok bwe rum ko ren depakpakļok ke juon ear wanlōñļok. Im juon ear etal jān ijo laļtata ñan ijo lōñtata ibulōn ijo ioļap.

[8] Im iar lo juon jikin eutie j ilo mweo ipelaakin; pādpād ko an rum ko raar juon koba aitoken wōt jiljino kubit.

[9] Depakpakin kiin im eo enabōj an rum ko ear ļalem kubit. Ak jikin eo epellok ikōtaan rum ko an mweo

[10] im rum ko jet ilo worwor eo ear roñoul kubit depakpakin ipelaakin mweo.

[11] Im ear wor jikin deļoñ an rum ko me raar jallok ñan jikin eo epellok. Ear wor juon jikin deļoñ eañ im juon jikin deļoñ rōk. Im depakpakin jikin eo epellok ear ļalem kubit ipelaakin.

[12] Im mweo eo ear iṃaan jikin eo ejenoļok irilik ear jiljilimjuonñoul kubit depakpakin, im kiin mweo ear ļalem kubit depakpakin ipelaakin, im aitoken ear ruwatimjuonñoul kubit.

[13] Innām ear joñwe mweo, im ear jibukwi kubit aitoken; im jikin eo ejenoļok im mweo ie im worwor ko an raar jibukwi kubit.

[14] Im depakpakin maan mweo im jikin eo ejenoļok ireaar raar jibukwi kubit.

[15] Im ear joñwe aitoken mweo iṃaan jikin eo ejenoļok ilikin, im ear wor juon galeri ilo rājet im i rājet eo juon, im ear jibukwi kubit. Im ear joñwe tempel eo ilowaan im tōñaak ko an worwor eo.

[16] Biten kōjām ko im windo ko rekilik im galeri ko ipelaakin dek ko jilu ko raar jab uweo jān biten kōjām eo, eṃōj kalibubuiki kōn aļal ipelaakin, im jān laļ ñan windo ko im windo ko raar libubu.

[17] Ilōñin kōjām ñan mweo lowaan im nabōj, im ion aolep kiin mweo ipelaakin lowaan im nabōj, eṃōj joñwe.

[18] Im eṃōj kainōknōki kerub ko im wōjke palm, im juon wōjke palm ear ikōtaan kerub im kerub, im elōñ ruo mejen jabdewōt kerub.

[19] Juon mejen armej ear jallok ñan wōjke palm i rājet, im mejen juon laion edik ear jallok ñan wōjke palm i rājet eo juon; eṃōj kainōknōki aolepen mweo ipelaakin.

[20] Jān laļ ñan ilōñin kōjām eo eṃōj kainōknōki kōn kerub ko im wōjke palm ko, kab ion kiien tempel eo.

[21] Joor in kōjām ko an tempel eo raar square, im ijo iṃaan jikin kwōjarjar eo ear bar āindein.

[22] Lokatok eo ear aļal im ear jilu kubit utiej im ruo kubit aitoken; im corner ko an, base eo an, im tōrerein raar jān aļal. Im ear ba ñan eō, “Eñin tebō] eo ej iṃaan Jeova.”

[23] Im ear wor ruo kōjām ñan tempel eo im ñan jikin kwōjarjar eo.

[24] Im ear wor ruo mōttān ñan kōjām ko, im mōttan ko raar jeļā peļļok; ruo ñan juon kōjām im ruo ñan kōjām eo juon.

[25] Im ioer, ion kōjām ko an tempel eo, ear wor kerub ko im wōjke palm ko āinwōt eṃōj kōmmani ion kiin mweo. Im ear wor juon men/biten kōjām jān aļal iṃaan tōñaak eo inabōj.

[26] Im i tōrerein tōñaak eo ear wor windo ko rekilok im elōñ wōjke palm i rājeteir aolep, im ear wor biten kōjām ko an rum ko itōrerein.

JEPTA 42

[Ez 42.1] Innām ear āñinļok eō ñan worwor eo inabōj eañ, im ear āñinļok eō ñan rum ko raar jab uweo jān jikin eo ejenoļok im eo ear jab uweo jān mweo eañ.

- [2] Mwiin ear jibukwi kubit aitoken im kōjām eo an ear jałniñałok, im depakpakin ear lemñoul kubit.
- [3] Jab uweo jān roñoul kubit ko an worwor lowan, im jab uweo jān eran lowan worwor eo ear ilo worwor eo ilikin, ear wor jilu dek in galeri.
- [4] Im imaan rum ko ear wor juon jikin etetal joñoul kubit depakpakin im jibukwi kubit aitoken, im kōjām ko an raar jałniñałok.
- [5] Ak rum ko iloñtata raar dikłok, kōnke galeri ko raar bōk jān er ełap jān ko ilał ak ko iołap ilo mweo.
- [6] Bwe raar ilo jilu dek im ear ejjełok aer joor āinwōt joor ko an worwor ko. Kōn men in raar dikłok jān rum ko iłal im iołap.
- [7] Im worwor eo ilikin eo ear iturin rum ko eo ear etalłok ñan jikin ełap ilikin imaan rum ko ear lemñoul kubit aitoken.
- [8] Bwe rum ko raar ilo worwor eo ilik ear lemñoul kubit, im ko raar imaan tempel eo raar jibukwi kubit.
- [9] Im jikin dełoñ i reaar ilo an juon dełoñ jān worwor eo ilik ear iumwin rum kein.
- [10] Ear wor jet rum ilo depakpaken worwor eo an jikin epelłok reaar, im raar jałłok ñan jikin eo ejenołok im ñan mweo.
- [11] Im ear wor juon ial imaar. Raar āinwōt rum ko eañ, im raar aitoken im depakpaken wōt juon, im aolep jikin diwōj ko aer raar ekkar ñan wāween aer pād im kōjām ko aer.
- [12] Im āinwōt jikin dełoñ ko an rum ko rōk ear wor juon jikin dełoñ ilo jabōn ial eo -- ial eo ear imaan worwor eo i reaar ilo an juon dełoñ ie.
- [13] Im ear ba ñan eō, rum ko eañ im rum ko rōk ko rej imaan jikin eo ejenołok rej rum ko rekwōjarjar ijo pris ro rej kepaak ñan Jeova renaaj mōññā men ko rekwōjarjar otem kwōjarjar ie; ijo renaaj likūti men ko rekwōjarjar otem kwōjarjar im jurtak pilawe ko im jurtak kōn jerowiwī ko im jurtak kōn bōd ko, bwe ekwōjarjar jikin eo.
- [14] Ñe pris ro rej dełoñ, ren jab diwōj jān jikin kwōjarjar eo ñan worwor eo ilik mae iien emōj aer likūt ie nuknuk ko aer ko rej karijer ilo er, bwe rekwōjarjar. Renaaj kōnak bar jet nuknuk, innām ren kepaak ñan ijo an armej ro.
- [15] Innām ke emōj an joñwe mweo lowaan, ear āñinłok eō nabōj kōn ial eo an kōjām eo ej jałarłok, im ear joñwe ipelaakin.
- [16] Ear joñwe rājet eo reaar kōn koba in joñwe eo, im ear limabukwe kubit kōn koba in joñwe eo.
- [17] Ear joñwe rājet eo eañ, im ear limabukwe kubit ekkar ñan koba in joñwe eo.
- [18] Ear joñwe rājet eo rōk, im ear limabukwe kubit ekkar ñan koba in joñwe eo.
- [19] Ear joñwe rājet eo rilik, im ear limabukwi kubit ekkar ñan koba in joñwe eo.
- [20] Ear joñwe rājet ko emān, im ear wor juon worwor ipelaakin aitoken limabukwi im depakpakin limabukwi bwe en kōjepel jikin kwōjarjar eo jān jikin waan.

JEPTA 43

[Ez 43.1] Innām ear āñinłok eō ñan kōjām eo ear jałtakłok.

[2] Im lo, aiboojoj an Anij in Israel ear itok jān ial eo reaar, im āinikien ear āinwōt āinikien elōñ dān, im lał ear rabōlbōk kōn aiboojoj eo An.

[3] Im wāween ear āinwōt visōn eo iar loe, āinwōt visōn eo iar loe ke Ear itok in kōkkure jikin kweilok eo, aet, āinwōt vision eo iar loe iturin reba Kebar. Innām iar buñ ion meja.

[4] Im aiboojoj an Jeova ear itok ñan mweo kōn ial in kōjām eo ear jalʼtakʼʼok.

[5] Innām Jetōb eo ear kajerkak eō im āñinʼok eō ñan worwor eo lowan, im lo, mweo ear obrak kōn aiboojoj an Jeova.

[6] Innām iar roñ juon kōnono ñan eō jān mweo ke juon maan ear jutak iturū.

[7] Im ear ba ñan eō, “Nejin armej, eñin jikin tūroon eo Aō im jikin ʼobiden Neiō ijo Inaaj jokwe ie ibwiljin ro nejin Israel ñan indeeo. Im mōn Israel eban bar kananaik Eta ekwōjarjar, er, ak kiñ ro aer, kōn ʼōñ ko aer im ubōn kiñ ro aer remej ilo jikin ko aer reutiej.

[8] Ke raar likūt biten kōjām eo aer iturin biten kōjām eo Aō, im joor in kōjām eo aer iturin joor in kōjām eo Aō, im juon kiin im wōt ear kōtaō im er, raar kananaik Eta ekwōjarjar kōn men in kajōjō ko aer ko raar kōmmani. Innām Iar kōkkure er ilo Aō illu.

[9] Kiiō ren kattoʼok jān Eō ʼōñ ko aer im ubōn kiñ ro aer remej, im Inaaj jokwe ibwiljeir ñan indeeo.

[10] Kwe nejin armej, kwōn kameʼleʼleik mōn Israel kōn mweo bwe ren jook kōn jerōwiwi ko aer. Im ren joñwe joñak eo.

[11] Im eʼañne rejook kōn aolep men ko raar kōmmani, kwōn kaalikkar ñan er wāween mweo im joñak eo an im jikin diwōj im deʼʼōñ ko an im aolep wāween ko an im aolep naan in kaiñi ko an im aolep kien kok an, innām kwōn je men kein imaan mejeir bwe ren ʼoor aolep wāween im naan in kaiñi ko an im ʼoori.

[12] Eñin kien mweo: aolep tōrerein ion jabōn toʼ eo enaaj kwōjarjar otem kwōjarjar. Lo, eñin kien mweo.

[13] Im eñin joñak an lokatok eo ekkar ñan kubit. Kubit in ej juon kubit kab dilpen pa. Kabin ej juon kubit, im ej juon kubit depakpak, im batin eo an itōrerein ipelaakin ej juon jetōñ, im eñin pādpād in lokatok eo.

[14] Im jān kabin ilaʼ ñan ledge eo ettā ej ruo kubit, im depakpakin juon kubit. Im jān ledge eo edik ñan ledge eo eʼap ej emān kubit, im depakpakin juon kubit.

[15] Im jikin kattil an lokatok eo ej emān kubit. Im jān jikin kattil an lokatok eo, emān doon rej wanlōñʼok.

[16] Im jikin kattil an lokatok eo ej joñoul ruo kubit aitoken im joñoul ruo depakpakin. Tōrerein ko emān rej square.

[17] Im ledge eo ej joñoul emān kubit aitoken im joñoul emān depakpakin ilo tōrerein ko an emān. Im tōrerein eo an ipelaakin ej jimmettan kubit, im pādpād eo ej juon kubit ipelaakin, im jikin uwe eo an ej jalʼtakʼʼok.

[18] Innām ear ba ñan eō, “Nejin armej, Āindein an Irooj Jeova ba: Erkein kien ko an lokatok eo ilo raan eo rej kōmanman e bwe ren katok kōn katok kijeek ion im wutdikdik bōtōktōk ion.”

[19] Ear Jeova ear ba, “Im kwōn lelōk ñan pris ro, ro rej jān ineen Zedok, ro rej kepaak ñan Eō bwe ren korijer ñan Eō, juon kau kōmaan emman rūttan bwe en juon men in katok kōn jerōwiwi.

[20] Im kwōn bōk jān bōtōktōken im likūti ion doon ko emān im ion jabōn ko emān an ledge eo im ion batin eo ipelaakin bwe kwōn karreoike im kōmman kilaajrak kōn e.

[21] Innām kwōn bōk kau in katok kōn jerōwiwi, im en tile ilo jikin eo emōj kāālōte nabōjen mweo ekwōjarjar.

[22] Im ilo raan eo kein ka ruo, kwōn lelōk juon koon in got eweppan men in katok kōn jerōwiwi, im kwōn karreioki lokatok eo āinwōt kwaar karreoike kōn kau eo.

[23] Im ñe emōj am karreoike, kwōn lelōk juon kau koḡaan emḡan rūttan eweeppan im juon ram eweeppan jān bwij eo.

[24] Im kwōn katok kaki iḡaan Jeova, im pris ro renaaj joḷok joḷ ioer, im ren katok kaki men in katok kijeek ñan Jeova.

[25] Iuḡwin jiljilimjuon raan kwōn kapoji raan otemjej juon got men in katok kōn jerōwiwi; barāinwōt ren kapoji juon kau koḡaan emḡan rūttōn im juon ram eweeppan jān bwij eo.

[26] Iuḡwin jiljilimjuon raan ren kilaajrak kōn lokatok eo im karreoik e, im ren kokwōjarjar e.

[27] Im ñe rej kajemḷok raan ko, jān raan eo kein ka ruwalitōk im etal, pris ro ren liḷok katok kijeek ko im katok in aenōḡḡan ko ami ion lokatok eo. Innām Inaaj bōk kom,” Irooj Jeova ej ba.

JEPTA 44

[Ez 44.1] Innām ear āñinḷok eō ñan kōjām eo ilik in ḡweo ekwōjarjar, im ear kilōk.

[2] Im Jeova ear ba ñan eō, “Kōjām in enaaj kilōk; ejjeḷok enaaj kapelḷok e, im ejjeḷok armej enaaj deḷōñ ie, bwe Jeova, Anij in Israel, ear deḷōñ ie. Kōn men in enaaj kilōk.

[3] Ak irooj eo make, enaaj jijet ilo e bwe en ḡōñā pilawe iḡaan Jeova. Enaaj deḷōñ ilo ial in tōñāak an kōjām eo, im ijo enaaj bar diwōjḷok ie.”

[4] Innām ear āñinḷok eō ilo kōjām eo eañ ñan iḡaan ḡweo; im iar reiḷok, im lo, aiboojoj an Jeova ear kobrak ḡōn Jeova. Innām iar buñ pedo.

[5] Im Jeova ear ba ñan eō, “Nejin armej, kwōn lukkuun ḷōḡḡak kaki im kwōn reiḷok kōn mejōḡ im roñjake kōn ḷojilñōḡ aolep men ko Inaaj kōnono ñan eok kōn aolep naan in kaiñi an ḡōn Jeova im aolep kien ko an. Im kwōn kanooj ḷōḡḡak kōn jikin deḷōñ ko an ḡweo im aolep jikin diwōj an ḡweo ekwōjarjar.

[6] Innām kwōn ba ñan ro rej juḡae, aet, ñan ḡōn Israel, “Āindein an Irooj Jeova ba, ‘En ḡōj aolep men in kajōjō ko ami, ḡōn Israel!

[7] Ijellōkin aolep men in kajōjō ko ami, koḡ ar barāinwōt kadeḷōñ ilo ḡweo imō ruwamaejet ro raar jab ḡwijḡwij ilo būrueir im ilo ānbwinnier bwe ren pād ilo jikin kwōjarjar eo Aō im kananaik ḡweo imō. Im men in ke koḡ ar letok ḡōñā, kioeo, im bōtōktōk, ak raar koḷkure bujen eo Aō.

[8] Im koḡ ar jab bōk eddo kōn men ko rekwōjarjar ko Aō, ak koḡ ar likūt ro jet bwe ren bōk eddo kōn ḡweo ekwōjarjar eo Aō kōn koḡ.”

[9] Āindein an Irooj Jeova ba, “Ejjeḷok ruwamaejet ian aolep ruwamaejet ro rej ibwiljin ro nejin Israel, eo ejab ḡwijḡwij ilo būruen ak ānbwinnen, enaaj deḷōñ ilo ḡweo kwōjarjar eo Aō.

[10] Ro ri Livai ro raar etallōk jān Eō ke Israel ear jebwābwe, ro raar jebwābwe jān Eō ñan ekjab ko aer, renaaj inek rueir.

[11] Ak renaaj ro ri karijer ilo ḡweo imō ekwōjarjar im lale kōjām ko an ḡweo im karijer ilo ḡweo. Er renaaj ḡan men in katok kijeek im men in katok ñan armej ro, im er renaaj jutak iḡaer bwe ren karijer ñan er.

[12] Ak kōn aer kar karijer ñan er iḡaan ekjab ko aer im raar erom juon men in lōkatip ñan jerōwiwi ñan ḡōn Israel, Iar kanejnej ḡae er,” Irooj Jeova ej ba, “bwe renaaj inek rueir.

[13] Im reban kepaak ñan Eō bwe ren pris ñan Eō ak kepaak ñan jabdewōt ian men ko rekwōjarjar ko Aō ko rekwōjarjar otem kwōjarjar, ak renaaj inek jook eo aer im men in kajōjō ko aer raar kōḡḡani.

[14] Im Inaaj kōḡḡan er ri bōk eddo kōn ḡweo ilo aolep jermal ko an im ilo aolep men rej aikuj kōḡḡani ilowan.

- [15] Ak pris ro, ro ri Livai, ro nejin Zedok, ro raar bōk eddo kōn jermal an mweo imō ekwōjarjar ke ro nejin Israel raar jebwābweļok jān Eō, er renaaj kepaak ñan Eō bwe ren karijer ñan Eō; im renaaj jutak imaō bwe ren letok ñan eō kioeo im bōtōktōk,” Irooj Jeova ej ba.
- [16] Er renaaj deļoñ ilo mweo imō ekwōjarjar, im er, renaaj kepaak tebōļ eo Aō bwe ren karijer ñan Eō. Im renaaj bōk eddo kōn jermal ko Aō.
- [17] Im ñe rej deļoñ ilo kōjām ko an worwor eo lowan, ren kōņak nuknuk linen. En ejjeļok nuknuk kolan sip ioyer ñe rej korijer ilo kōjām ko an worwor lowan im ilo mweo.
- [18] Enaar wor pelein baraer jān linen ion baraer im linen trousers ion ipeir. Ren jab kōņak jabdewōt men eo ej kōmman bwe ren menokadu.
- [19] Im ñe rej diwōjļok ñan worwor eo ilik, ñan worwor ilik ñan armej ro, ren wutik nuknuk ko aer ko raar karijer kaki, im ren likūti ilo rum ko rekwōjarjar. Im ren kōņak bar jet nuknuk bwe ren jab kokwōjarjar armej ro kōn nuknuk ko aer.
- [20] Im ren jab pilōļ, im en jab aitok baraer. Ren mwijbar emman joñan wōt .
- [21] Im ejjeļok pris en daak wain ñe ej deļoñ ñan worwor eo lowan.
- [22] Im ren jab bōk juon kōrā ejako pāleen ak juon kōrā emōj joļok e bwe en pāleir. Ak ren bōk juon virgin jān ineen mōn Israel ak juon kōrā ejako pāleen eo ekar pāleen juon pris.
- [23] Barāinwōt ren katakin armej ro doō oktak an men ko rekwōjarjar jān men waan, im ren kajeļaik er kōn oktak an men ko rettoon im men ko rerreo.
- [24] Im ñe elōñ keej, ren jutak āinwōt ri ekajet ro, im ren ekajet ekkar ñan ekajet ko Aō. Im ren kōjparok kien ko im naan in jiroñ ko Aō ilo aolep kweilok ko Aō, im ren kokwōjarjar Jabōt ko Aō.
- [25] Im en jab kepaak ñan juon armej emej bwe en kattoon e. Ak emaroñ make kattoon e kōn jeman, ak jinin, ak nejin maan ak kōrā, ak kōn jimjein jimjatin maan, ak jimjein jimjaten kōrā eo ear jañin pālele.
- [26] Im ke emōj an karreo, renaaj bōnbōn jiljilimjuon raan ñan e.
- [27] Innām ilo raan eo ej deļoñ ilo mweo ekwōjarjar, ñan worwor eo lowan, bwe en karijer ilo mweo ekwōjarjar, en leļok men in katok kōn jerōwiwi,” Irooj Jeova ej ba.
- [28] “Im enaaj āindein kōn jolōt eo aer, bwe Inaaj jolōt eo aer. Kwōn jab leļok ñan er juon ļāmoren, bwe Ņa ļāmoren eo aer.
- [29] Renaaj mōñā katok pilawe, katok kōn jerōwiwi, im katok kōn ruōn, im aolep men in aje ilo Israel renaaj aer.
- [30] Im men ko mokta jān aolep jomōkaj an men otemjej, im aolep jurtak ko an men otemjej jān aolep jurtak ko ami renaaj an pris ro. Kab, komwin leļok ñan pris ro mōttan eo mokta jān iōk in pilawe ko ami bwe jeraamman en ion mweo imōm.
- [31] Pris ro ren jab mōñā jabdewōt bao ak men in mour eo ear mej in atabuñ ak emōj kekele.”

JEPTA 45

- [Ez 45.1] “Im ñe komij kōmman kakōļle kōn āneo ñan jolōt ko, komwin leļok juon jurtak ñan Jeova, juon jikin ekwōjarjar jān āneo. Ñan aitoken, enaaj roñoul ļalem tausan aitoken im rōñoul tausan depakpaken. Enaaj kwōjarjar ilo aolep tōrerein ipelaakin.
- [2] Jān men in enaaj wor juon jikin limabukwi kōn limabukwe, square ipelaakin, ñan im kwōjarjar eo, im enaaj wor lemñoul kubit ñan meļaj ipelaakin.
- [3] Im jān joñan in kwōnaaj joñwe roñoul ļalem tausen aitoken im joñoul tausen depakpakin, im mweo ekwōjarjar, jikin ekwōjarjar otem kwōjarjar, enaaj ilowan.

[4] Enaaj juon jikin ekwōjarjar jān āneo nian pris ro, ro rej karijer ilo mweo ekwōjarjar, ro rej kepaak nian karijere nian Jeova. Im enaaj juon jikin nian moko imweir im juon jikin ekwōjarjar nian mweo ekwōjarjar.

[5] Im jikin eo roñoul lalem tausen aitoken im joñoul tausen depakpaken enaaj nian ro ri Livai, ri karijer ro an mweo, bwe en lāmōren eo aer bwe ren jokwe ie.

[6] Im iurin mōttan eo ej jurtak eo ekwōjarjar, kwōnaaj lelok juon jikin lalem tausen depakpaken im roñoul lalem tausen aitoken bwe en an jikin kweilok eo. Enaaj an aolepen mōn Israel.

[7] Im enaaj wor an irooj eo iturin jurtak eo ekwōjarjar im mōttan eo an jikin kweilok eo ijin im ijien. Enaaj imaan jurtak eo ekwōjarjar im mōttan jikin kweilok eo ijo rilik im itolok im ijo rear im italok. Aitoken enaaj etal jān tōrerein rilik nian tōrerein reaar iturin juon ian jolot ko.

[8] Enaaj an bwidej ilo Isreal bwe irooj ro ren jab bar kejjorrāan amrej ro doō. Im renaaj lelok āneo eo nian mōn Israel ekkar nian bwij ko aer.

[9] Āindein an Irooj Jeova ba, ‘Emōj, kom irooj ro in Israel! Komwin jolok ami kowadoñ im kōkkure, im komwin kōmman jimwe im wānōk. En mōj ami jolok armej ro doō jān jikier,’ Irooj Jeova ej ba.

[10] En ippemi kein paun e jimwe, im epa e jimwe, im bath e jimwe.

[11] Epa im bath ren joñan wōt juon; juon bath en juon mōttan joñoul an juon homer. Im juon epa en juon mōttan joñoul an juon homer; kwōnaaj joñwe er ekkar nian homer.

[12] Juon shekel ej roñoul gera. Roñoul shekel koba ippān roñoul lalem shekel koba ippān joñoul lalem shekel enaaj ami mane.

[13] Eñin jurtak eo komwin letok: juon mōttan jiljino an juon epa jān juon homer in wit, im juon mōttan jiljino jān juon homer in barli.

[14] Im kōn oil, jān juon bath in oil, juon mōttan joñoul in juon bat jān juon kor (eo ej joñoul bath, ak juon homer, bwe ewor roñoul bath ilo juon homer).

[15] Im juon sip jān jabdewōt bwij in rubukwi jān āneo ko remourur ilo Israel nian jortak im katok kijeek im katok kōn aenōmman, bwe ren kilaajrak kōn er,” Irooj Jeova ej ba.

[16] Aolep armej in āneo renaaj lelok nian jurtak in nian irooj in Israel.

[17] Im irooj eo enaaj lelok kōn katok kijeek im katok pilawe im katok idaak ilo kwōjkwōj ko im allōn ko rekāal im Jabōt ko ilo aolep kweilok ko an mōn Israel. Enaaj lelok kōn katok kōn jerōwiwi im katok pilawe im katok kijeek im katok in aenōmman nian kilaajrak kōn mōn Israel.

[18] Āindein an Irooj Jeova ba, “Ilo allōn eo mokta, ilo raan eo mokta in allōn eo, kwōn bōk juon kon in kau komaan eweppan, im kwōj karreo mweo ekwōjarjar.

[19] Innām pris eo en bōk jān bōtōktōken men in katok kōn jerōwiwi, im en likūti ion jurōn mweo im ion jabōn ko emān an ledge in lokatok eo, im ion jurōn kōjām eo an worwor lowan.

[20] Im āindein am naaj kōmmane ilo raan eo kein ka jiljilimjuon an allōn eo kōn jabdewōt armej eo ear jebwābwe ak ejajelokjeñ; innām komnaaj kōmman kilaajrak kōn mweo.

[21] Ilo allōn eo mokta, ilo raan eo kein ka joñoul emān an allōn eo, komnaaj lale raan in kijoone eo, juon kwōjkwōj iumwin jiljilimjuon raan. Komnaaj mōñā pilawe ejab uwe.

[22] Im ilo raan eo, irooj eo enaaj kōmman kōn e im kōn aolep armej in āneo, juon kau komaan nian katok kōn jerōwiwi.

[23] Im iumwin raan ko jiljilimjuon an kwōjkwōj eo, enaaj kapoji nian katok kijeek ko nian Jeova jiljilimjuon kau komaan im jiljilimjuon ram reweppan jabdewōt raan iumwin raan ko jiljilimjuon, kab juon got komaan ilo jabdewōt raan bwe en katok kōn jerōwiwi.

[24] Im en kapoji juon epa ñan juon kau komaan im juon epa ñan juon ram ñan katok pilawe, im juon hin in oil ippān juon epa.

[25] Ilo allōñ eo kein ka jiljilimjuon im raan eo kein ka joñoul Jalem in allōñ eo, ilo kwōjwōj eo, en kōmman āindein iumwin jiljilimjuon raan kōn katok kōn jerowwi eo, katok kijeek eo, katok pilawe eo, im kōn oil.”

JEPTA 46

[Ez 46.1] Āindein an Irooj Jeova ba, “Kōjām eo an worwor lowan, eo ej jaltaḷok, en kilōk iumwin raan in jermal ko jiljino, im en peḷḷok ilo raan in Jabōt, im en peḷḷok ilo raan in allōñ ekāāl.

[2] Im irooj eo enaaj deḷoñ ilo ial in tōñak in kōjām eo jān nabōj, im enaaj jutak iturin jurōn kōjām eo. Innām pris ro renaaj kōmman katok kijeek eo an im katok in aenōmman eo an, im enaaj kabuñ ituren biten kōjām eo, innām enaaj diwōjḷok. Bōtab en jab kilōk kōjām eo maē jota.

[3] Im armej ro in āneo renaaj kabuñ iḡaan jikin deḷoñ an kōjām in iḡaan Jeova ilo Jabōt ko im allōñ ko rekāāl.

[4] Im katok kijeek eo irooj eo enaaj katok kake ñan Jeova ilo raan in Jabōt enaaj jiljino lam im ejjeḷok notaer im juon ram ejjeḷok notan.

[5] Im katok pilawe en juon epa ippān ram eo, im katok pilawe ippān lam ko enaaj āinwōt an maroñ bōktok, im enaaj juon hin in oil ippān juon epa.

[6] Im ilo raan in allōñ ekāāl, enaaj juon kon in kau komaan eweeppan im jiljino lab im juon ram eweeppan.

[7] Im enaaj kapoji juon epa ippān kau eo im juon epa ippān ram eo. Katok pilawe ippān lam ko enaaj ekkar ñan jōñan an maroñ im juon hin in oil ippān juon epa.

[8] Im ñe irooj eo ej deḷoñ, enaaj deḷoñ jān tōñak in kōjām eo im enaaj diwōj ie barāinwōt.

[9] Im mme armej ro rej deḷoñ iḡaan Jeova ilo kweilok ko aer, eo ej deḷoñ ilo kōjām eañ bwe en kabuñ enaaj diwōjḷok ilo kōjām rōk, im eo ej deḷoñ ilo kōjām rōk enaaj diwōjḷok ilo kōjām eañ. Ejjeḷok enaaj roḷ ñan kōjām eo ear deḷoñ ie, ak enaaj diwōjḷok jab uweo.

[10] Irooj eo enaaj pād ippaer. Ñe rej deḷoñ, enaaj deḷoñ; im ñe rej diwōj, enaaj diwōj.

[11] Ilo iien ko emōj likūti im kwōjkwōj ko, katok pilwe eo enaaj juon epa ippān juon kau im juon epa ippān juon ram im ippān lam ko āinwōt an maroñ bōktok; im en juon hin in oil ippān epa eo.

[12] Im ñe irooj eo ej kōmman juon jurtak in mōñōñō katok kijeek ak jurtak in mōñōñō katok kōn aenōmman ñan Jeova, innām juon enaaj kapelḷok ñan e kōjām eo ej jaltaḷok, im enaaj kōmman katok kijeek im katok in aenōmman ko an āinwōt an kōmmani ilo raan in Jabōt. Innām enaaj diwōj, im juon enaaj kiili kōjām eo ālikin an kar diwōjḷok.

[13] Im aolep raan kwōn kapoji juon lam juon an iiō im eweeppan men in katok kijeek ñan Jeova. Ilo jibboñ otemjej kwōn kapoji.

[14] Im kwōn kōmman juon katok pilawe ippān jibboñ otemjej, juon mōttan jiljino epa, im juon mōttan jilu hin in oil ñan katutu pilawe kwedik eo, enaaj juon katok pilawe ñan Jeova aolep iien ekkar ñan kien indeeo.

[15] Im renaaj kapoji lam eo im katok pilawe eo im oil eo jibboñ otemjej, juon katok kijeek aolep iien.”

[16] Āindein an Irooj Jeova ba, “Ejaññe irooj eo ej leḷok juon men in leḷok jān jolōt eo an ñan jabdewōt ian ro nejin maan, enaaj an nejin; enaaj lamoren ekkar ñan jolōt.

[12] Im elõñ kain wõjke in mõñã enaaj eddek iturin reba eo ijen im ijen. Bõlõk ko aer reban aemedļok im leir reban jako. Renaaj le aolep allõñ bwe dãn ko aer rej diwõjļok jãn mweo ekwõjarjar. Leir renaaj ñan mõñã im bõlõkaer ñan kemour.

[13] Āindein an Irooj Jeova ba, “Eñin tōrerein kōn eo koṃnaaj ajeĵ āneo kōn jolõt ko ami ñan bwij ko joñoul ruo in Israel. Enaaj wor ruo kij an Josep.

[14] Im koṃnaaj ajeĵ e bwe en ami jolõt joñan wõt juon ñan aolep, bwe Iar kotak peiõ bwe in lewõje ñan ro jemami. Ānin enaaj ami men in jolõt.

[15] Im eñin naaj tōrerein āneo. Ilo tōrerein eañ enaaj jãn lōmeto eo eļap ilo ial an Hetlon ñan jikin deļoñ an Zedad.

[16] Hemat, Berota, Sebraim, eo ej ikōtaan tōrerein Damaskōs im Hemat, Hezorhatikon eo ej i tōrerein Hauran;

[17] Im tōrerein enaaj jãn lōmeto eo ñan Hezorhinon i tōrerein Damaskōs, im eañ ej jaļniñalok ñan tōrerein Hemat. Eñin tōrerein eañ.

[18] Im tōrerein reaar jãn ikōtaan Hauran im Damaskōs im Giliad im āne in Israel enaaj Jordan eo. Koṃnaaj joñwe jãn tōrerein ñan lōmeto reaar. Eñin tōrerein reaar.

[19] Im tōrerein rōk tu-rōken enaaj jãn Tamar ñan dãn ko in Meriba in Kedesh, ñan reba eo ñan lōmeto eļap. Eñin tōrerein rōk ijo rōk.

[20] Im tōrerein i kapilõñ enaaj lōmeto eo eļap jãn tōrerein ñan jabuwo jãn jikin deļoñ an Hemat. Eñin tōrerein i kapilõñ.

[21] Im koṃnaaj ajeĵ ānin ñan koṃ ekkar ñan bwij ko an Israel.

[22] Im koṃnaaj ajeĵ e kōn kakõļe bwe en ami jolõt ñan koṃ im ñan ruwamaeĵet ro rej jokwe ippemi ro rej keotak ro neĵeir ippemi. Im renaj ñan koṃ āinwõt ro rej ļotak ilo āne ippemi ian ro neĵin Israel. Renaaj bōk aer jolõt ioļapemi ippãn bwij ko in Israel.

[23] Im ilo bwij eo juon ruwamaeĵet ej jokwe ie, ijo kwõnaaj leļok an jolõt,” Irooj Jeova ej ba.

JEPTA 48

[Ez 48.1] Erkein etan bwij ko: jãn jabõn eañ ñan tōrerein ial in Hetlon ñan jikin deļoñ an Hemat, ñan Hezorhinon i tōrerein Damaskōs, eañ ñan tōrerein Hemat, im men in enaaj juon kij ñan Dan jãn tōrerein reaar ñan kapilõñ.

[2] Im itōrerein Dan jãn reaar ñan kapilõñ, juon kij an Asher.

[3] Im itōrerein Asher jãn reaar ñan kapilõñ, juon kij an Naptalai.

[4] Im itōrerein Naptalai jãn reaar ñan kapilõñ, juon kij an Menasa.

[5] Im itōrerein Menasa jãn reaar ñan kapilõñ, juon kij an Epraiaim.

[6] Im itōrerein Epraiaim jãn reaar ñan kapilõñ, juon kij an Ruben.

[7] Im itōrerein Ruben jãn reaar ñan kapilõñ, juon kij an Juda.

[8] Im itōrerein Juda jãn reaar ñan kapilõñ, enaaj jikin jurtak eo koṃnaaj leļok roñoul ļalem tausen depakpakin, im aitoken wõt juon ian kij ko jãn reaar ñan kapilõñ, im mweo ekwõjarjar enaaj ioļapen.

[9] Jurtak eo koṃnaaj leļok ñan Jeova enaaj roñoul ļalem tausen aitoken im joñoul tausen depakpaken.

[10] Eñin enaaj jurtak eo ekwõjarjar ñan pris ro: tu-eañ roñoul ļalem tausen; im tu-kapilõñ, depakpaken joñoul tausen ; im tu-reaar, depakpaken joñoul tausen; im tu-rōk, aitoken roñoul ļalem tausen. Im mweo ekwõjarjar an Jeova enaaj ioļapen.

[11] Enaaj ñan pris ro emōj kokwōjarjar er ian ro nejin Zedok ro raar kōjparok kien ko Aō, ro raar jab jebwābwe ke ro nejin Israel raar jebwābwe āinwōt ro ri Livai raar jebwābwe.

[12] Im enaaj juon jurtak ñan er jān jurtak eo an āneo, ekwōjarjar otem kwōjarjar iturin tōrerein ro ri Livai.

[13] Im iturin tōrerein pris ro, enaaj wor an ro ri Livai roñoul Jalem tausen aitoken im depakpaken joñoul tausen. Aolepen aitoken enaaj roñoul Jalem tausen im joñoul tausen depakpaken.

[14] Ren jab wiakake jān e ak ukōte, im mōttan in emmantata an āneo en jab ellā ñan ro jet, bwe ekwōjarjar ñan Jeova.

[15] Im Jalem tausen depakpaken eo ej pād wōt iturin mōttan eo roñoul Jalem tausen aitoken enaaj jikin waan an jikin kweilok eo ñan mōn jokwe im ñan meJaa. Im jikin kweilok eo enaaj ioJapen.

[16] Im eñin joñak eo an: tōrerein eañ emān tausen limabukwi, im tōrerein rōk emān tausen limabukwi; im tōrerein reaar emān tausen limabukwi, im tōrerein kapilōñ emān tausen limabukwi.

[17] Im enaaj wor meJaa ko an jikin kweilok eo, eañ rūbukwi lemñoul, im rōk rūbukwi lemñoul, im reaar rūbukwi lemñoul, im kapilōñ, rūbukwi lemñoul.

[18] Im mōttan eo ej pādwōt ilo aitoken iturin jurtak eo ekwōjarjar enaaj joñoul tausen reaar im joñoul tausen kapilōñ, im enaaj iturin jurtak eo ekwōjarjar. Im orJok eo an enaaj ñan kijer ro ri karijer an jikin kweilok eo.

[19] Im ri jermal ro an jikin kweilok eo renaaj jerbale jān aolep bwij ko an Israel.

[20] Aolepen jurtak eo enaaj roñoul Jalem tausen kōn roñoul Jalem tausen. Kwōnaaj leJok jurtak eo ekwōjarjar, eo ej square, bwe en an jikin kweilok eo.

[21] Im mōttan eo ej pādwōt enaaj an irooj eo; enaaj ijen im ijuweo an jurtak eo ekwōjarjar im mōttan eo an jikin kweilok eo; enaaj imaan jurtak eo ej roñoul Jalem tausen ireaar, im tu-rilik, enaaj imaan jikin eo ej roñoul Jalem tausen i tōrerein kapilōñ; men in ej kij eo an irooj eo. Im enaaj juon jurtak ekwōjarjar, im mweo ekwōjarjar enaaj ioJapen.

[22] Innām jikin eo an ro ri Livai im jikin eo an jikin kweilok eo renaaj ioJapen jikin eo ej an irooj eo. Jikin eo an irooj eo enaaj ikōtaan tōrerein Juda im tōrerein Benjamin.

[23] Im kōn bwij ko jet, jān reaar ñan kapilōñ, enaaj juon kij an Benjamin.

[24] Im itōrerein Benjamin jān reaar ñan kapilōñ, juon kij an Simeon.

[25] Im itōrerein Simeon jān reaar ñan kapilōñ juon kij an Issakar.

[26] Im itōrerein Issakar, jān reaar ñan kapilōñ juon kij an Zebulun.

[27] Im itōrerein Zebulun, jān reaar ñan kapilōñ juon kij an Gad.

[28] Im iturin tōrerein Gad, ijo rōk im tu-rōken, tōrerein enaaj jān Tamar ñan dān ko in Meriba in Kedes, ñan reba eo ñan loJeto eJap.

[29] Eñin āneo komnaaj aje jān bwij ko an Israel bwe en aer jolōt, im men kein kij ko aer,” Irooj Jeova ej ba.

[30] “Im erkein jikin diwōJok an jikin kweilok eo jino jān tōrerein eañ eo ej emān tausen limabukwi ilo aer joñwe,

[31] im kōjām ko an jikin kweilok eo renaaj ñaetaer ekkar ñan āt ko an bwij ko an Israel. Enaaj jilu kōjām eañ: juon kōjām an Ruben, juon kōjām an Juda, im juon kōjām an Livai.

[32] Im tōrerein reaar enaaj emān tausen limabukwi, im enaaj wor jilu kōjām ie: juon kōjam an Josep, juon kōjām an Benjamin, im juon kōjām and Dan.

[33] Im tōrerein rōk enaaj emān tausen limabukwi ilo aer joñwe, im enaaj wor jilu kōjām ie: juon kōjām an Simeon, juon kōjām an Issakar, im juon kōjām an Zebulun.

[34] Im tōrerein kapilōñ enaaj emān tausen limabukwi, im enaaj wor jilu kōjām ie: juon kōjām an Gad, juon kōjām an Asher, im juon kōjām an Naptalai.

[35] Enaaj joñoul ruwalitōk tausen ipelaaken, im etan jikin kweilok eo jān raan eo enaaj ‘Jeova ej pād ie.’”